

## **S T E N O G R A M**

**3. Hitne sjednice Skupštine Kantona Sarajevo  
održane u utorak, 31.03.2015. godine sa početkom rada u 10,00 sati**

### **Predsjedavajući:**

Otvaram 3. Hitnu sjednicu Skupštine Kantona Sarajevo.

Pozdravljam uvažene kolegice i kolege poslanike, članove Vlade i uvažene goste, kao i predstavnike medija koji prate rad današnje sjednice.

Nadam se da će cijenjeni gledaoci Televizije Kantona Sarajevo sa pažnjom pratiti rad današnje Skupštine, te im upućujem pozdrave, a svima nama želim uspješan rad i ugodnu radnu atmosferu.

Prema evidenciji Službe, sjednici prisustvuje 31 poslanik, što je dovoljan broj za punovažan rad i odlučivanje.

Izostanak sa ove sjednice opravdali su: zastupnik Smanji, svoje kašnjenje najavila je uvažena zastupnica Babić Ana.

U skladu sa članom 71. Poslovnika konačnu odluku o utvrđivanju hitnog karaktera sjednice Skupštine donosi Kolegij Skupštine.

Kolegij Skupštine Kantona Sarajevo je na sjednici održanoj 25.03.2015.godine utvrdio da postoji osnov za sazivanje Hitne sjednice Skupštine Kantona Sarajevo i utvrdio termin održavanja 31.03.2015.godine u 10,00.

Prije prelaska na utvrđivanje Dnevnog reda imam obavezu upoznati vas da je na osnovu Odluke Centralne izborne komisije BiH, broj: 06-1-07-1-210/15 od 30.03.2015.godine Safetu Mešanoviću, sljedećem kvalificiranom kandidatu sa liste političkog subjekta Stranka demokratske akcije za Skupštinu Kantona Sarajevo, dodijeljen mandat poslanika u Skupštini Kantona Sarajevo.

Napominjem da je dosadašnji poslanik Elmedin Konaković imenovan na funkciju premijera Kantona Sarajevo, te stoga je njegovo mjesto popunjeno sljedećim kandidatom sa liste Stranke demokratske akcije.

Pozivam uvaženog gospodina Safeta Mešanovića da položi Svečanu izjavu.

Predsjedavajući čita izjavu a zastupnik ponavlja za njim.

### **SVEČANA IZJAVA**

**„SVEČANO IZJAVLJUJEM DA ĆU POVJERENU DUŽNOST OBAVLJATI SAVJESNO , PRIDRŽAVATI SE USTAVA I ZAKONA BOSNE I HERCEGOVINE, FEDERACIJE BOSNE I HERCEGOVINE I KANTONA SARAJEVO, ZALAGATI SE ZA LJUDSKA PRAVA I SLOBODE I DA ĆU U SVIM PRILIKAMA ŠTITITI INTERESE BOSNE I HERCEGOVINE, FEDERACIJE BOSNE I HERCEGOVINE I KANTONA SARAJEVO I RAVNOPRAVNOST NARODA I GRAĐANA KOJI U NJIMA ŽIVE“.**

Meni je zadovoljstvo da u svoje ime, u ime dopredsjedavajućeg i svih uposlenika u Skupštini Kantona Sarajevo čestitam poslaniku Safetu Mešanoviću na izboru i zaželim uspjeh u budućem radu. Hvala.

Prije prelaska na utvrđivanje Dnevnog reda podsjetio bih vas da u skladu sa odredbama člana 161. Poslovnika Skupštine Kantona Sarajevo o prijedlozima zakona po hitnom postupku, Skupština odlučuje kao o prethodnom pitanju prije utvrđivanja dnevnog reda sjednice.

U okviru prethodnog postupka prelazimo na **Prijedlog budžeta Kantona Sarajevo za 2015. godinu, po hitnom postupku.**

Ima li potrebe da predstavnik Predlagača obrazloži razloge donošenja ovog Zakona po hitnom postupku? Molim Predlagača da obrazloži.

**Poslanik/zastupnik Muhamed Kozadra:**

Ministri, gosti i dragi građani, znamo da u redovnoj proceduri donošenja Budžeta i Zakona o izvršavanju Budžeta postoji kalendar po kom je trebalo do 05. novembra Vladi predati, odnosno Vlada utvrditi i predati Skupštini u redovnu proceduru donošenja Budžeta. Znači Ministarstvo finansija izrađuje, Vlada utvrđuje a Skupština donosi Budžet. Znači to je vrijeme cirka 60-tak dana bez onih prethodnih procedura koje se utvrđuju po kalendaru donošenja DOB-a kao prethodnog dokumenta, odnosno prednacrta Budžeta Vlada je to i donijela i taj dokument se prilaže uz Budžet. Vlada je utvrdila 11.11. Nacrt Budžeta, uputila ga u proceduru i zbog opštih okolnosti koje jesu, ne formiranja nove Vlade i politika koje su trebale do tada biti utvrđene da bi se u redovnoj proceduri, znači u dvokoraku, nacrt – prijedlog do 31.12. donio Budžet. Znači to je osnovni i prvi zakonski rok. Ako se u tom zakonskom roku ne izvrši donošenje Budžeta onda je tzv. popravni rok i krajnji rok 31.03. tekuće godine. Znači to je današnji dan da se Budžet mora donijeti. U tom smislu ja ne želim obrazlagati zbog čega nije došlo do formiranja u cijelosti vlasti u Kantonu Sarajevo, pa i na svim nivoima. Ali je bio ovo jedini način da se od momenta znači od donošenja odluke i davanja povjerenja novoj Vladi i kratkoće roka koji je bio mi smo uradili. Stara Vlada je utvrdila Prijedlog Budžeta i prosljedila ga u mandatu dok je bila u skupštinsku proceduru, po hitnom postupku jer je to jedini način da se bez onih 12 dana koji su po našem Poslovniku neophodni da se materijali dostave poslanicima, kako bi se oni razmatrali. To je bilo nemoguće i mi smo iskoristili ovu mogućnost, odnosno kompetencije stare Vlade i obzirom da je provela svu proceduru u datom trenutku novi ministri niti su bili u situaciji da se upoznaju sa svim tim da bi oni donosili da ne bi bio ovaj rok ispoštovan, i stoga je predložena ova procedura uz ovo opravdanje ukratko da se danas ide sa razmatranje i usvajanje Budžeta za 2015.godinu. samo da u međuvremenu kažem da smo imali i predložen i ovaj Skupština je razmatrala Izmjene i dopune rebalansa Budžeta za prethodnu godinu a istovremeno su donesene, to ćemo u obrazlaganju kazati privremene mjere o obustavi izvršavanja Budžeta sve u cilju zakonskog provođenja ili vođenja ka Budžetskoj ravnoteži tokom prošle godine. A samim tim donesena je odluka 27.12. čini mi se o privremenom Budžetiranju za 2015 godinu do današnjeg dana. Zahvaljujem.

**Predsjedavajući:**

Hvala uvaženom zastupniku Kozadri. Prije nego otovorim raspravu samo da pitam ima li nekih pitanja još. Otvaram raspravu.

**Poslanik/zastupnik Predrag Kojović:**

Zahvaljujem predsjedavajući. Pozdravljam sve prisutne. Ja zaista moram da izrazim nezadovoljstvo povodom dvije stvari ovdje. Jedna je ona o kojoj smo govorili i na prethodnoj sjednici a to je da mi danas treba da donesemo odluku o skoro 700 miliona, o načinu na koji ćemo potrošiti 700 miliona novca koji pripada građanima ovoga Kantona a da im pri tome nismo dali nikakvu pa ni teoretsku priliku da na bilo koji način utiču na način na koji će se taj novac trošiti. Ja ću samo podsjetiti da mislim mi smo kao i većina građana BIH bili svjesni rezultata izbora par dana nakon 11. oktobra. Ali ja ću uzeti kao početak ovog procesa 11. novembar kada je CIK zvanično potvrdio rezultate izbora. 19 tog mjeseca, znači osam dana kasnije potpisan je programski koalicioni sporazum između SDA-HDZ i DF Željko Komšić, i od tada je prošlo 124 dana ili 17 sedmica i pet dana ili ako hoćete 2978 sati. I to vrijeme očigledno vama koji ste već znali da ćete činiti vlast nije bilo dovoljno da ovu proceduru pokrenete na

vrijeme u smislu, ja znam, ja sam bio u kontaktu sa premijerom Konakovićem koji je sedmicama čekao da dobije imena ministara itd. Hoću da kažem, vrijeme koje je potrošeno od momenta kada se znalo ko će biti vlast do danas nije nikakva objektivna okolnost, nego ste ga vi koji činite vlast, protračili. Druga stvar koja mene još više zabrinjava je, zašto poslanik/zastupnik Kozadra se pojavljuje kao predlagač Budžeta koji je najvažniji ekonomski i politički dokument koji donosi jedna Vlada? Ova Vlada je izabrana 23. ovog mjeseca i očigledno je i ja se nadam da ćemo saznati možda malo više nešto o tome ili postoje dva razloga samo za to, ili niko u ovoj Vladi nema kapacitet da prezentira Budžet, nije imao mogućnost da od 23. do danas savlada prezentaciju Budžeta ili ova Vlada aktuelna ne želi da preuzme političku odgovornost za ovaj Budžet.

**Predsjedavajući:**

Samo malo, ja vam se izvinjavam. Znači da se držimo sada Budžeta. Samo govorimo, ova tačka će biti Budžet kada bude. Molim vas.

**Poslanik/zastupnik Predrag Kojović:**

Ja govorim o hitnosti postupka i govorim o činjenici da se kao predlagač pojavljuje čovjek koji je poslanik/zastupnik u ovoj Skupštini. Samo ću dvije rečenice i završit ću. Osim što je činjenica da poslanik/zastupnik Kozadra prezentira Budžet nelogična i nedemokratska, ja tvrdim da je ona i protivustavna i protivzakonita. Naime u zakonu o Budžetima FBiH u članu 19. izričito se kaže: nakon razmatranja od strane Vlade premijer podnosi prijedlog Budžeta za sljedeću godinu. Također u Ustavu Kantona Sarajevo u članu 29. u kojem se navode nadležnosti i obaveze premijera, isključivo se kaže da je nadležnost premijera da predlaže iznošenje Budžetskih prijedloga pred skupštinu. Ta se nadležnost ne pojavljuje u opisu ni jednog drugog resora ovdje. Naravno, mi smo navikli i logično je da ministar finansija da dodatna objašnjenja, ali narativni prijedlog Budžeta ja smatram da je minimalno demokratsko pravilo mora prezentira premijer. Hvala.

**Predsjedavajući:**

Hvala uvaženom zastupniku Kojoviću. Ja bih vas podsjetio jednom da se vodimo rasprave o hitnosti sjednice. Samo da podsjetim Kolegij koji je raspravljao o hitnosti donio je jednoglasnu odluku o sazivanju hitne sjednice.

**Poslanik/zastupnik Zvonko Marić:**

Hvala predsjedavajući. Pozdrav svim prisutnim i kolegama zastupnicima, uvaženim gostima, gledateljima pored TV ekrana, drugaricama i drugovima. Ja ne bih ovdje gospodine predsjedavajući ponavljao ovo što je rekao gospodin Kojović ali otprilike moje primjedbe se odnose upravo na takve stvari. Zašto smo mi morali da budemo taoci određene politike da na neki način poigravamo se sa strpljenjem i dostojanstvom građana koji su očekivali od nas da reagiramo? Mislim da bi bilo primjerenije ja sam to upozoravao prilikom ranijih susreta, možda se to neće nekome dopasti da smo danas razgovarali o 100 dana rada Vlade, a ne o Budžetu. Je li ovo stvaranje pretpostavke da ovo vrijeme 124 dana, koliko reče gospodin Kojović stvaranje pretpostavke da i naredni period i ovaj period kao i prethodnih nekoliko godina pojedu skakavci? Nije to odgovoran odnos.

**Predsjedavajući:**

Oprostite gospodine Mariću. Ja sam kada bude Vlada raspravljala o Vladi imat ćete vremena da postavljate pitanja. Samo sada postavite pitanje hitnosti držite se samo dnevnog reda. Hvala vam.

**Poslanik/zastupnik Zvonko Marić:**

Prema tome, dovodite nas od samoga početka gospodine Bukva i vi kao rukovodstvo Skupštine, kao najodgovorniji ljudi u stanje i atmosferu iznuđenosti apsolutno. Kakav može biti Budžet u stanju iznuđenosti, nego iznuđen i netransparentan? Jasno je da ovakva atmosfera ne doprinosi konstruktivnom radu jer ovo je najvažniji Zakon u jednoj kalendarskoj godini koji treba da donese parlament. Kada govorimo o ovako značajnom zakonu, sigurni budite da cijelo društvo, svi građani stanu i očekuju od nas šta mi to treba da donesemo od čega zavisi sudbina svih građana u ovome kantonu. Molim vas bilo bi, opet ponavljam pristojno da se objasni i gospodin Kozadra sada kaže neće da obrazlaže razloge zbog čega smo mi u ovakvom zakašnjenju. Što je zaista neprimjereno. Mi moramo reći ljudima istinu. Oni od nas očekuju istinu. Molim vas, ili neko izvinjenje jer mi se ne odnosimo profesionalno i na način na koji i smo dobili povjerenje da se odnosimo u ovakvim situacijama. Ne bih da sipamo bilo kome so na ranu ali molim vas uradite po tom pitanju nešto kako bi ljudi vjerovali u ovaj parlament i recite im istinu zašto mi kasnimo ovoliko vremena. Hvala vam lijepo.

**Poslanik/zastupnik Slaviša Šućur:**

Hvala predsjedavajući. Pozdravljam sve prisutne. Pa evo ja ću progovoriti nekoliko riječi. Što se tiče karaktera sjednice, svima je jasno da mi imamo potrebu da određene tačke razmatramo hitno zbog rokova zakonskih koje imamo pred sobom, tako da što se toga tiče, tačka 1.2.4 i 5 nisu sporne kada govorimo o karakteru hitnosti. Mislim da tačka 3 i 6 i 7 nemaju taj karakter. Rok.

**Predsjedavajući:**

Izvinite doći ćemo kasnije do tačke 3 kada budemo glasali. Samo o tački hitnosti tačke 1.

**Poslanik/zastupnik Slaviša Šućur:**

Dakle hitnost nije sporna ali imamo problem ovo što je rekao Peđa, ja zaista ne mogu da razumijem da nam se desi propust, da imamo izabranu Vladu da nam prijedlog dođe potpisan od strane bivše Vlade, od premijera gdina Kozadre. Mislim da ćemo upasti u problem. Da zaista možemo uraditi posao danas da se uspostavi da smo uradili nešto što je mimo Ustava i zakona.

**Poslanik/zastupnik Adnan Solaković:**

Hvala lijepo. Ja ću se dotaći ovog drugog problema, upravo gdina Kojovića i Šućura. Budžet da iznosi bivši premijer odnosno ministar za finansije to ne stoji jer je materijal i sadašnji ministar dobio je kao i mi. Mogao se pripremiti. Sljedeće pitanje koje bih ja postavio isto. Onda imamo problem ovako, trebali ste dovesti i bivše ministre one kome ćemo sada mi postavljati pitanja što se tiče Budžeta. U tome je problem. Hvala lijepo.

**Predsjedavajući:**

Hvala uvaženom zastupniku Solakoviću javio se uvaženi premijer Konaković da pojasni.

**Premijer Elmedin Konaković:**

Poštovani predsjedavajući, poštovani dopredsjedavajući, služba sekretar Skupštine Kantona Sarajevo, poštovane zastupnice i zastupnici, poštovane ministrice i ministri u Vladi Kantona Sarajevo, poštovani gosti, cijenjeni gledaoci TVSA, esselamu alejkum i dobro vam jutro. Ja ću kratko odgovoriti na ova pitanja, logična pitanja o parlamentarnim procedurama u nelogičnoj političkoj atmosferi kakva je često u BIH. Vi kažete da je vama bilo malo pet dana materijala da se pripremite danas za ozbiljnu raspravu a mislite da je nama bilo dovoljno osam dana da uđemo u strukturu Budžeta, da ga izanaliziramo, pogledamo njegove makro ekonomske okvire, pripreмимо strukturu predložimo i da onda adekvatno obrazložimo. Ako pitate ima li za to

kapaciteta neko od nas, zato nema kapaciteta niko od nas. Za osam dana ovo što tražite od ove Vlade, mislim da nije objektivno. S druge strane te političke procedure ću ja kao premijer sve manje komentarisati u interesu da mi pravimo tu pozitivnu političku atmosferu i svi zajedno popravljamo stanje. I u Budžetu Kantona Sarajevo u ambijentu u kom mi živimo neću odgovarati na pitanje zašto nije bilo do sada Vlade. Ono što hoću reći što smo jutros na sjednici Vlade zaključili. Već smo po jednoj od ovih tačaka formalno djelovali nezadovoljni njenom strukturom i predložiti ćemo vam određene izmjene jer je manjeg obima. Radi se o jednom drugom dokumentu također vrlo bitnom finansijskom dokumentu za život u kantonu. Na njega imamo već konkretne kratke prijedloge mjera i tražili smo, imamo i najave već političkih subjekata da ćete nas danas obavezati, ne trebate nas ni obavezivati mi ćemo rebalans Budžeta ponuditi u narednom periodu 60 do 90 dana, u okviru u kom je moguće objektivno ljudima koji su pogotovo novi u procedurama sagledati ovo stanje, pregledati strukturu Budžeta i ponuditi ga Skupština Kantona Sarajevo na onaj način na koji procedure propisuju. Dakle, i sa ozbiljnijom javnom raspravom, sa osvrtom na ovaj Prijedlog, koji danas nadam se da će biti usvojen zbog građana Kantona Sarajevo i života u Kanton Sarajevo a nas obavezati da ozbiljnom strategijom i analizom ovog plana ponudimo njegove korekcije u dijelu u kojem mislimo da to nije OK. I još nešto o procedurama i Ustav je jasan i druge procedure su jasne. Vlada može ovlastiti bilo koga da u naše ime obrazlaže naš dokument. Logično je da to radi Vlada koja je svoj potpis i paraf stavila na prijedlog ovog dokumenta. Ja ću odgovarati zajedno s ministrom Kozadrom pošto jesam kapacitiran ja i znam otprilike stanje i strukturu, ja ću odgovarati, ministri neće odgovarati na neka pitanja koja se budu ticala i ovog Budžeta. A nadam se da će jedan od zaključaka biti da rebalans donesemo 60 do 90 dana i tu polažemo naše kompetencije. Hvala.

#### **Poslanik/zastupnik Slaviša Šućur replika:**

Ono što bih ja zaista želio reći, svima je jasno kakva je situacija da mi moramo usvojiti Budžet danas kao Skupština inače će biti silnih problema, ali i niko nema namjeru da od toga pravi pitanje. Ja čak ne bih ni raspravljao puno o ovom Budžetu jer on ni na kakav način ne održava ono što je premijer najavio u svom izlaganju. Ja znam da rebalans mora doći. Ovo je nešto što je produkt politike ove prošle Vlade i nužnosti. Najveći dio ovog Budžeta jeste neka nužnost. Međutim gospodine Konakoviću ne bi valjalo da ova Vlada i ova Skupština počnu svoj mandat očigledno kršeći Zakon i Ustav. Ja nemam namjeru da blokiram. Ono što bih vama savjetovao ako vi niste formalno kao aktuelna Vlada ovaj prijedlog usvojili ja vam savjetujem, dakle tražim od vas, da sazovete sada sjednicu Vlade, izjasnite se da bi mi mogli zaista raspravljati kao o dokumentu koji je validan, o dokumentu koji je predložila tekuća, dakle aktuelna Vlada. Jer ovo što imamo je zaista u najmanju ruku sumnjiva ako ne neprihvatljiva situacija. Neprihvatljivo rješenje. U potpisu dokumenta koji smo mi dobili o kom raspravljamo stoji da je premijer gospodin Muhamed Kozadra. To jednostavno nije tačno. Formalno ja ne bih pravio problem na to da znam da se vaša Vlada izjasnila o ovom tekstu i da stoji iza njega kao aktuelna Vlada. Jer jedino vi možete biti predlagač, ne može niko drugi.

#### **Poslanik/zastupnik Muhamed Kozadra odgovor na repliku**

Ovdje ću kao poslanik/zastupnik sada govoriti. Znači stara Vlada i ja smo razriješeni 23. jel tako? Sve do 23 sa punim ovlaštenjima sve što je odrađeno je validan i zakonit potpis. Prema tome taj Budžet je usvojila stara Vlada i on ide u proceduru kao i svaki akt ili dokument koji je kreiran do tada on je punovažan, zakonit i ustavan. To znači sinoć je bila varijanta za produžetak onoga što smo dobili od CIK-a svi mi koji smo u sukobu interesa obnašajući izvršnu vlast i zakonodavnu vlast. Traži se produžetak ako se ne bi desilo da se ne usvoje Budžeti a da se Vlade ne usvoje da imamo ta ovlaštenja. Prema tome ovo je validan dokument koji je usvojen, kao što je DOB validan dokument koji smo usvojili 30.06 a sastavni dio je ovog Budžeta ovdje. Vidite treći. I ovdje ću da ujedno kažem tačka Projekti javnih investicija to je prilog Budžetu kao i DOB: i ova Vlada je nova razmatrala taj dokument i prosljedila ga u proceduru jer stara

Vlada ga nije imala i nije ga mogla usvojiti. Prema tome ovdje nikakve razlike nema hoću li ja danas ili neću obrazlagati Budžet, to je drugi par rukava ali je dokument koji je ponuđen i usvojen od Vlade prosljeden u skupštinsku proceduru punovažan i Vlada ta koja je imala ovlaštenje ga je donijela.

**Poslanik/zastupnik Mirsad Pindžo:**

Zahvaljujem gospodine predsjedavajući. Pozdravljam sve prisutne kao i gledaoce koji prate ovo današnje zasjedanje putem malih ekrana. Ja ću pokušati vrlo kratko. Ja mogu razumjeti sve diskusije ali bez obzira na moje mišljenje ljudi imaju pravo da misle da izlažu ono što misle o bilo kojoj tački ali i o karakteru hitnosti usvajanja Budžeta Kantona Sarajevo za 2015 godinu. Kada je proceduralna stvar u pitanju, Vlada Kantona Sarajevo 21.03. je utvrdila i u parlamentarnu proceduru po hitnom postupku uputila prijedlog Budžeta Kantona Sarajevo i ostale dokumente koji su danas na dnevnom redu i to je legitimno jer je u tom momentu to je Vlada aktuelna Vlada je imala izbor ili povući taj materijal pa raditi novi za šta naravno ja mislim da nije imala vremena i danas imamo dokument potpuno legalno od Vlade koja je u tom momentu bila ovlaštena i tu nemam nikakvog spora. Aktuelna Vlada će naravno dati svoj osvrt i svoje mišljenje i u ovom dokumentu i svoje prijedloge na ovaj dokument. Ja zato predlažem da mi idemo raditi. Građani Kantona Sarajevo zbog svih ovih stvari koje su i kolege iznosile nemaju prava i očekuju od nas da ne blokiramo procese a blokirali bi ih ne donošenjem Budžeta danas jer Odluka o privremenom finansiranju danas ističe i mislim da nemamo pravo da ne radimo. Ja predlažem da radimo, a da u toku rasprave naravno svako iskaže svoj stav o pojedinačnoj stavi i o dokumentu u cjelini. Imam samo na kraju jedan prijedlog, tačka 7 predloženog dnevnog reda, Prijedlog programa javnih i investicija u Kantonu Sarajevo to je prateći dokument Budžeta. Mislim da nema potrebe da se utvrđuje kao tačka dnevnog reda, nego da se o njoj raspravlja kao sastavnom dijelom Budžeta što je i poslovnički i stav Vlade u zaključcima, Vlade kojoj smo dobili od 30.03. Prijedlog programa javnih investicija 2015-2017 kao prateći dokument Budžeta Kantona Sarajevo. Tako da nema potrebe da utvrđujemo kao posebnu tačku nego da raspravljamo u okviru prijedloga Budžeta Kantona Sarajevo za 2015 godinu. Hvala lijepo.

**Poslanik/zastupnik Zvonko Marić replika:**

Hvala gospodine predsjedavajući. Gospodine Konakoviću ja vama apsolutno ne zavidim na poziciji u kojoj jeste pa i ne zamjeram vam na argumentaciji koju iznosite. Deset dana nije bilo dovoljno naravno, ni za vas ali nije u redu da očekujete od zastupnika koji trebaju da razgovaraju o ovom Budžetu da budu kapacitirani za 5 dana i da prouče ovoliki broj strana Budžeta. To je osnovna elementarna stvar. Znao sam samo prigovaram i što kaže uvaženi gospodin Pindžo da mi treba da radimo. I mi smo bili voljni da radimo. I da ne blokiramo nikakav proces. Svaku razumnu ideju mi smo podržali koja je ovdje od početka donesena. I mi smo bili voljni da radimo ali nas je neko blokirao da ne radimo. To je ključna stvar. Pazite mi želimo da damo doprinos ali smo bili onemogućeni isključeni iz ovoga procesa o kojem govorimo. Od početka smo u stanju neke vanredne situacije, hitnosti, sjednica. Evo sami nazivi govore u kakvoj situaciji. Zašto smo dovedeni? Pa evo nismo nikada čuli niti u obrazloženje jer je hitno bilo i svečarski je trenutak bio kada je Vlada položila zakletvu itd. i imali smo obzira da ne govorimo o tome da ni riječi nije bilo rečeno o bilo kojem od ministara zašto oni baš moraju da obavljaju taj posao. To je bila elementarna pristojnost. Zašto nije obrazložena? Nametnuto je što se mene tiče, mogli ste okačiti na internet prezentaciju Skupštine imena tih ljudi, završiti na glavnim odborima svojih stranaka i reći nam ko su ministri u određenim resorima. Ja vjerujem da bi vam to gospodin Delalić i gospodin Bukva omogućili. Zato kažem nas samo zabrinjava ova nemogućnost da razgovaramo i da otvorimo dijalog o najvažnijim pitanjima a to se od nas očekuje kao od izabranih predstavnika koji ćemo predstavljati ovdje interese onih koji su nas birali na izborima. Hvala vam lijepo.

**Poslanik/zastupnik Sabina Ćudić:**

Pozdrav svima. Na tragu ovoga što je gospodin Šućur govorio, materijali koji su poslani za ovu sjednicu, odnosno nacrt Budžeta odnosno prijedlog jer smo nacrt preskočili jel tako, je stigao 26.marta, 23. je imenovana nova Vlada, a 25. je održan Kolegij. Na ovoj sjednici se o ovom Budžetu trebaju izjasniti zastupnici i zastupnice koji su taj materijal dobili nakon što je formirana nova Vlada. Ja ne mogu da se ne osvrnem na riječi gdina Pindže koji je prošli put na hitnim sjednicama smo usvajali i Rebalans, ovo je treća hitna sjednica, toliko o nemogućnosti našoj da surađujemo, i gospodin Pindžo i ovaj put i na prošloj sjednici koristi riječi da trebamo progledati Zakon kroz prste, prošli put je to govorio, danas govori kako bi smo radi hitnosti postigli dogovor, ja ne znam do koje mjere ćemo gurati Zakon u stranu kako bi smo ispunili ono za šta je bilo 6 mjeseci vremena da se zakonski rok ispuni. Najmanje što sada možemo očekivati jeste da vlada ima sjednicu i da usvoji ovaj prijedlog i da prijedlog ovog Budžeta ide ispred Vlade koja je formirana tri dana prije nego što smo dobili ove materijale.

**Poslanik/zastupnik Mirsad Pindžo replika:**

Bio sam odlučio da neću da reagujem ali kada imenom i prezimenom a pogotovo netačnosti se iznesu onda moram reagovati. Ja vas molim kolege da mi samo kažete po kojem zakonu je nezakonito donošenje Budžeta po hitnoj proceduri? Samo vas molim. Sve razloge o kojima ste govorili mogu prihvatiti i nije sporno. Da je trebalo ranije, da je trebao ranije politički dogovor, da je Vlada trebala to razmotriti, da ova Vlada to predlaže, sve bi to bilo normalno i sve se to mogu složiti i nisam na to reagovao. Samo nemojte javnost pogrešno informisati da je nezakonito. Naš Poslovnik i Zakon kažu da se dokumenti mogu donositi u hitnoj proceduri a razloge hitnosti odlučuje Skupština Kantona Sarajevo. O čemu danas i raspravljamo. Ako nije u skladu sa zakonom i Poslovnikom o radu Skupštine Kantona Sarajevo dovoljan razlog što bi danas blokirali sistem bez obzira na razloge zašto smo došli u poziciju da razgovaramo o hitnom postupku i slažem se s tim prijedlozima, ali ne vidim šta je tu nezakonito. Ja vas molim kada iznosite takve tvrdnje da je nešto nezakonito da se onda pozovete na Zakon, Poslovnik, član taj i taj koji kaže tako i tako. Zakon i Poslovnik odobravaju Skupštini da zakone donosi po hitnoj proceduri. I tu nema ništa nezakonito. O razlozima slažem se možemo raspravljati i najvećim dijelom slažem se sa kolegama o razlozima koji su nas doveli u ovu situaciju da razgovaramo danas na ovaj način. Hvala.

**Poslanik/zastupnik Predrag Kojović odgovor na repliku:**

Zahvaljujem predsjedavajući. Ja mislim da sam jedini ja možda rekao nezakonito i protivustavno. Ali kolega Pindžo tada nisam govorio o nezakonitosti hitne procedure nego moje je mišljenje da s obzirom da Zakon o Budžetima FBiH i Ustav Kantona Sarajevo izričito govore o tome da premijer prezentira Budžet Skupštini govorio sam možda da to što poslanik/zastupnik Kozadra to radi danas da je to možda po mom mišljenju nezakonito i protivustavno. Žao mi je što smo otvorili ovako na jednoj formalnoj stvari na jednom formalnom problemu današnju sjednicu. I mislim da naravno nije ni racionalno bilo očekivati da kada se zaista uzmu obzir sve okolnosti da Vlada nakon 8 dana može izraditi novi Budžet. Ali vjerujem da je to ipak bilo dovoljno vrijeme za nekoga ko će biti budući ministar finansija ko može sa dosta razumijevanja i znanja da analizira i ovaj dokument da pripremi i prezentaciju. I mi smo bili spremni s obzirom na hitnost cijele situacije i da prihvatimo jednu prezentaciju koja će možda imati neke nedoumice, i onda pogotovo uz ovo obećanje rebalansa da na neki način shvatimo današnju odluku kao neku vrstu novog privremenog finansiranja dok ne dođe Budžet de fakto koji će predstavljati političku volju ove Vlade. Ali kao što rekoše moje kolege prije, ništa od toga što smo tražili ne događa. Znači ovdje se stalno insistira da je ovo, kako se događa da je to način na koji se treba da događa ova sjednica. Ja mislim da opozicija zaista ne može biti optužena za opstrukciju. Ovdje zaista ja ne znam da ste imali bilo kakvu opstrukciju od opozicije, ovo je



čisto jedna neefikasnost vladajuće velne. I samo još da završim s tim malo bi nam možda bilo lakše premijeru Konakoviću ako bi ste umjesto 60 i 90 dana sada nam na ovoj sjednici dali i jedno čvrsto obećanje kada tačno će biti rebalans. Mislim da bi postojanje jednog takvog roka pomoglo i vama jer bi ste onda može žešće prionuli na izradu tog istog rebalansa. Hvala.

**Poslanik/zastupnik Dževad Rađo:**

Uvaženi predsjedavajući hvala što ste mi dali riječ. Pozdravljam sve prisutne u ovoj Sali i one koji prate ovu sjednicu odnosno sve zainteresovane ljude koje interesuje donošenje najznačajnijeg akta za jednu godinu u Kanton Sarajevo, a to je Budžet i Zakon o izvršenju Budžeta. Ja bih želio samo da prekinemo ovu trakavicu koja je krenula kako je krenula. U cijelom nastojanju dokazivanja da je neko napravio propuste i s druge strane da daje obrazložene da oni nisu učinjeni i jedni i drugi imaju pravo, ali to nije suštinski problem. Suštinski problem je što je izgubljeno pet mjeseci u bjesomučnoj borbi za podjelu fotelja. To je ključni problem zato mi i jesmo danas u ovoj situaciji kojoj jesmo. Druga stvar mi smo imali identičnu situaciju i prošle godine i na žalost one naredne i prethodne i evo sada imamo i ovaj. Bilo kako bilo, vrijeme za zakazivanje hitne sjednice i dostave materijala ono se uklapa u ovaj poslovnički, hajd da kažem normu. Međutim ko je god pročitao ovaj Budžet, posebno zastupnici koji su bili u prošlom mandatu oni nisu imali posebno problema da shvate taj Budžet. Jer je on praktično identičan Budžetu iz 2014 godine. Prema tome prošle godine kada Budžet nije prošao poslanici iz SBB koji su bili u opoziciji za radi građana Kantona Sarajevo i svih Budžetskih korisnika u pojedinačnom izjašnjavanju podržali su ipak taj Budžet ali smo imali paralelno obećanje da će biti rebalans Budžeta u nekom razumnom vremenu koji će biti ozbiljno primljen. Međutim to se nije desilo u nekom razumnom roku. Na kraju kada se desio taj desili su se već izbori i da ne pričamo o tome. Sada imamo sljedeću situaciju ja želim čvrsto da vjerujem da u slučaju novog premijera slušajući njegov ekspozé, na žalost nisam još imao priliku da ga dobijem u pisanoj formi. On se u startu već ogradio od nekih stvari ključno i ovaj Budžet i najavio da će biti taj neki rebalans Budžeta. Ja očekujem da će novi premijer promijeniti politiku Vlade Kantona Sarajevo da svojom novom vladom i da će u jednom razumom roku pristupiti ozbiljnijem radu rebalansa Budžeta koji će biti zasnovan na realnostima i da će doći u situaciju da što prije izađe sa prijedlogom rebalansa Budžeta. Ja lično ne vidim ništa posebno u odnosu na 2014 to mene naravno ne zadovoljava ali mat ćemo obzira prema naravno građanima Kantona Sarajevo i Budžetskim korisnicima pa ćemo odlučiti kako ćemo se izjašnjavati.

**Poslanik/zastupnik Slaviša Šućur:**

Predsjedavajući, na neki način vi ste mene prekinuli kada sam htio ove vezane tačke da obrazložim. Kada je gospodin Pindžo sada već spomenuo da ima namjeru da b i trebalo tačku 6 i 7 uključiti u tačku 1 moram na to reagovati. Ako prihvatamo nužnost i hitnost donošenja Budžeta za 2015 godinu. Svi znamo koji su razlozi, k ne moramo ponavljati, mislim da nije korektno da Prijedlog programa investicija koji smo jutros dobili a koji je vrlo obiman dokument i koji ima veliku težinu kako finansijsku tako i stratešku. Dakle nismo imali bukvalno vremena da ga prelistamo .ne vidim potrebe za njegovu hitnost. To je dokument koji se donosi na više godina, izuzetno važan dokument i smatram da ga ne treba uključiti u prvi tačku jer nije direktno vezan i gospodin Kozadra je rekao da nisu čak ni zajedno usvojeni. Mislim da bi trebalo i mislim da ne bi trebalo o njima raspravljati na ovoj sjednici, ništa ne košta da se o njima razgovara na idućoj sjednici. A program investicija ja mislim da je bio ranije donesen. Ja zaista ne znam šta se čekalo sa ovim ali ja nisam u stanju, ja ne znam ko jeste, da materijal koji je jutros nama stigao ovako obiman danas razmatra i usvoji toliko bitan dokument. Ja jednostavno ne mogu prihvatiti tu odgovornost.

**Poslanik/zastupnik Muhamed Kozadra:**

Molim vas, znači ja sam u uvodu rekao, procedura usvajanja Budžeta počinje negdje sredinom februara po kalendaru, da prvi dokument i sastavi dokument Budžeta je DOB. Dokument okvirnog Budžeta koji se planira na trogodišnjoj bazi. I kumulativno za sve općine, fondove i Kanton. Drugi dokument jeste Program javnih investicija koji ide uz Budžet a on ima najdirektniju vezu. On treba da sadrži sve politike dugoročnog investiranja, srednjoročnoga i dugoročnog investiranja kao i one programe koji se nalaze direktno u Budžetu a oni su višegodišnji, posebno svake godine. Znači mi imamo i trogodišnje Budžetiranje i samim tim i programi koji se nalaze u Budžetu oni moraju implicirati i naći se u ovom Programu javnih investicija. Ne zalazeći zaista u vrijeme zašto stara Vlada ga nije donijela. Nije imala politike, vi se ne slažete sa politikama koje su imale u zadnjih pet godina. To su projekti koji su započeti i oni neminovno će se provlačiti kroz ove Budžete. Ali politike nove koje treba da usvoji Vlada sa svih aspekata, socijalne, kadrovskih resursa, kapitalnih ulaganja itd. oni moraju biti implementirani u tom programu i DOB i Budžetu. Sve je jasno ovdje. Nije ni Vlada imala niti vi a niti stara Vlada nije se htjela baviti novim politikama. Mi smo samo prosljedili one politike koje jesu bile na osnovu kojih kojima ću ako dozvolite da prezentiram te politike koje su primijenjene imale implikacije na Budžet 2014 a polazni osnov za donošenje Budžeta jeste izvršenje Budžeta u prethodnom periodu za Budžet tekući. Ja vas molim razdvojimo dvije stvari. Ja sam tražio repliku da je imam pa je nisam dobio. Znači premijer dostavlja kada Vlada usvoji a ne moram da obrazlažem, ne mora ga niko obrazlagati ako poslanici ne zahtijevaju. Može Vlada premijer ovlastiti bilo koga da obrazlaže. Može sve i jednog ministra ponaosob da ovlasti da obrazlaže Budžet. Znači, kada Vlada usvoji Budžet obaveza premijera jeste da taj Budžet prosljedi u proceduru donošenja. Znači rekao sam tri faze: prva faza izrade, druga utvrđivanja. Izradu vrši Ministarstvo finansija, utvrđuje Vlada i treća faza donošenja Budžeta. Znači da otklonimo t dileme. Jel ko treba da obrazlaže kako i na koji način. Znači to je defnisano članom 15 kalendarom i članom 32 Zakona o Budžetima. Zahvaljujem.

**Poslanik/zastupnik Izudin Bajrović:**

Hvala uvaženi predsjedavajući. Pozdravljam sve. Ono slušao sam sada gdina Kozadru, ne mogu reći da sam shvatio šta je rekao. Za mene je to prekomplikovano. Međutim radi se o jednoj stvari istupajući i dalje na ovaj način gospodin Kozadra bojim da još više zapetljava stvari. Jednostavno tačno je rekao. Do 23 je on bio v.d ili premijer Vlade i istovremeno na funkciji ministra finansija. On to više nije. Gospodin Konaković premijer i mi jedino njega u ovom trenutku prihvatamo kao nekoga ko ima i odgovornost i obavezu a i pravo da nam pojasni stvari. Ja znam da je gospodin Konaković kapacitiran još kao poslanik/zastupnik je pokazao sve svoje kapacitete sumnjam da je nekapacitiranost razlog zašto se ovakve stvari odvijaju. Jednostavno gdina Kozadru shvatam i prihvatam kao poslanika, zastupnika. Može naravno da diskutujem može i da replicira, može i da predlaže i sve drugo ali ove stvari o kojima danas govorimo čini mi se da se tiču nove Vlade i novog premijera. Hvala lijepo.

**Poslanik/zastupnik Haris Pleho:**

Hvala vam lijepo predsjedavajući. Prije svega želim sve srdačno da pozdravim i poselamim. Obzirom da danas imamo na razmatranju prijedlog najvažnijeg dokumenta ove Skupštine kako za skupštinu tako i za građane ovog Kantona. Ja ne bih sada da elaboriram o procesima da li su svi ispunjeni da bi se danas našao ovaj dokument ali činjenica je da ne ponavljam kompletnu priču koju su kazale naše kolege i potpuno se sa njima slažem. Ja mogu da kažem u svoje ime da sam ovaj dokument dobio prije četiri pet dana, što je prosto nemoguće bilo malte ne dobro ga izlistati a ne istumačiti da bih mogao danas uzeti učešće u kompletnom ovome dokumentu. Ja sam se bazirao na pojedine segmente i sa područja Opštine Novi Grad sa koje dolazim pa ću svoje učešće što se tiče te priče dati pod tačkom kada usvojimo dnevni red. Ono što mogu da kažem u cjelini ovaj Budžet svi možemo danas kazati nije dobar ne valja, ali imamo jednu stvar

koja je gora od toga a to je da ne usvojimo danas ovaj Budžet. U potpunosti se slažem sa kolegom i Kojovićem da nam ovdje je trebao precizno premijer kazati najdalje u roku 60 dana bit će rebalans i da svi subjekti ovoga Kantona uzmu ozbiljno učešće kako bi bio rebalans donesen realno. Za sada toliko i hvala.

**Premijer Elmedin Konaković:**

Na nekoliko stvari ću se ja referirati. Mi potpuno stojimo iza ovog dokumenta kao Vlada formalno zato što smo jutros usvojili tehničke izmjene ovog Budžeta. Dakle formalno stojimo kao Vlada u procesu koji je potpuno zakonit. Ja sam kao šef kluba uticao u donošenju nekih odluka ne tražim da sada Mirza i ja se zamijenimo, da vratimo neke stvari i procedure. To je zakonito jedni odlaze drugi dolaze. Premijer je potpisao Prijedlog Budžeta. To je tačno. 23 smo mi imenovani, 24 smo ujutro došli na posao. Fizički je nemoguće, dakle fizički nije bilo moguće napisati ovdje niko nije sretan niti je neko uživao u ovom procesu. Najmanje su čini mi uživali premijer Kozadra i njegovi saradnici u finansijama koji su morali to pisati da bi stigli proceduru i da bi vi u konačnosti imali barem 4 dana da taj dokument analizirate. Tehnički je i fizički neizvodivo da se on napiše i struktura u roku od 3 – 4 dana od 24 kada smo mi došli na radna mjesta do 28 da vi imate sjednicu Kolegija, karakter hitni. To je nemoguće fizički. To je globalno objašnjenje. Tehničkim izmjenama jutros mi smo radili onoliko koliko smo mogli administrativno na ovom Budžetu. Ustanovili smo neke nelogičnosti na Vladi, korigovali smo ih na Vladi jutros i prosljedili vama. To naravno nisu naše politike, ovaj Budžet nije odraz naših politika najavljenih u ekspozeu. I zbog toga ćemo mi obavezno donijeti rebalans. Kada kažete preciznije a ja kažem 60 do 90 dana recite mi koliko će trajati javna rasprava, znate li? Jeste li odredili koliko će vaša javna rasprava trajati koliko je dovoljno da bih ja vama mogao reći onda 67 dana. Evo ja ću vam reći 75 tačno s tolerancijom 20% gore dole. To je tačno. Dakle nemoguće je reći. Naravno da je isto. Nemoguće je reći 60 dana tačno. A vi mi kažete onda ćemo javnu raspravu od mjesec jer nam treba šira javna rasprava. To je nemoguće. Mi kažemo 60 90 dana ja mislim da je poprilično eksplicitan taj period u političkim procesima koji se tiču samog donošenja Budžeta. U procedurama je nemoguće i da Vlada ponovo razmatra materijal koji je već uputila u skupštinsku proceduru. Jedino da ga povučem. Mi smo mogli tražiti od vas novi Kolegij, povučemo. Kao što smo sve ostale dokumente povukli one koji su otišli prema skupštini a nemaju saglasnost ministara, tražili smo da se vrate, da oni pregledaju., parafiraju i da taj proces nastavimo. I mi uskočili u taj voz koji ide. Dalje potpisan dokument, prosljeđen dokument Skupština Kantona Sarajevo je formalizovan. Mi smo mogli tražiti njegovo povlačenje a onda smo mogli ili tražite da preuzmemo odgovornost za politike u Budžetu. Naravno ja to recimo mogu. Kako možete tražiti recimo od ministra iz DF koji je tek došao na mjesto ministra iz bivšeg partnera BOSS i ima potpuno drugačiji ogled ili SDU-a. Ima drugačiji pogled na tu politiku unutar samog ministarstva da preuzme odgovornost iz ovog dokumenta. To također politički nije Ok. Dakle ja mislim da ovu raspravu o procedurama, nije ovo tako strašno, normalno da imate argumente i razloge i oni više jesu političkog karaktera zato ih ja neću obrazlagati s političkog aspekta. Dakle nisu mogući procesi onako kako ste ih vi predlagali. Ja obrazlažem sada i administrativne procese i formalne i političke i personalne. Nisu bili mogući 24. da sjednemo i da završimo taj dokument onako kako vi tražite. 60 do 90 dana ćemo sve uraditi da taj Budžet bude razmatran u javnoj raspravi uz vaše prijedloge a danas predlažem da pređemo na razgovor o suštini ukoliko ste primijetili ili predložili vi odnositi Budžet. Vi ste ti koji donosite. Mi nemamo sada s tim više ništa. Obrazlažemo i odgovaramo na pitanja. Vi sada predlažete i većina ustanovi neke nepravilnosti, nekim rukama primijenit ih potpuno, njegovu strukturu amandmanski i on odbije drugi oblik. Ne znam ima li još eventualno pitanja na koja nisam odgovorio. Ako nema ja vam se zahvaljujem.

**Predsjedavajući:**

Zahvaljujem premijeru Konakoviću.

Ukoliko se više niko ne javlja za riječ, zaključujem raspravu.

**Molim poslanike da pristupe izjašnjavanju da se Prijedlog Budžeta Kantona Sarajevo za 2015. godinu donese po hitnom postupku.**

ZA JE GLASALO 23 POSLANIKA, SUZDRŽANIH niko I PROTIV 8.

**Konstatujem da je Skupština usvojila Prijedlog da se Budžet Kantona Sarajevo za 2015. godinu donese po hitnom postupku.**

Drugo prethodno pitanje je **Prijedlog zakona o izvršavanju Budžeta Kantona Sarajevo za 2015. godinu po hitnom postupku.**

Ima li potrebe da predstavnik Predlagača obrazloži razloge donošenja ovog Zakona po hitnom postupku? Nema.

Ima li pitanja? Nema.

Zaključujem raspravu.

**Molim poslanike da pristupe izjašnjavanju o Prijedlogu da se Zakon o izvršavanju Budžeta Kantona Sarajevo za 2015.godinu donese po hitnom postupku.**

ZA JE GLASALO 24 POSLANIKA, SUZDRŽANO niko I PROTIV 8.

**Konstatujem da je Skupština usvojila Prijedlog da se Zakon o izvršavanju Budžeta Kantona Sarajevo za 2015.godinu donese po hitnom postupku.**

Treći Prijedlog zakona po hitnom postupku je **Zakon o izmjenama Zakona o visokom obrazovanju.**

Ima li potrebe da predstavnik Predlagača obrazloži razloge donošenja ovog Zakona po hitnom postupku? Ima li pitanja?

Otvaram raspravu.

**Poslanik/zastupnik Slaviša Šućur:**

Ma evo ja se javljam zbog toga što ne bi bilo dobro da uvodimo karakter hitnosti kada hitnost u suštini ne postoji. Dakle izmjena koju mi treba da usvojimo eventualno ovdje utiče na nešto što bi trebalo da proizvede posljedice krajem ove godine. Jeste jednostavan Zakon, to stoji. Radi se o hitnoj sjednici koja je specifična zbog potrebe usvajanja Budžeta i finansijskih planova. Mislim da se ovaj Zakon mogao uputiti u redovnu proceduru ako želimo da se zaista držimo onoga kako je Poslovník definisao hitnost. Dakle koliko je meni poznato odredbe ovog Zakona koji je sada na snazi kaže da prestaju ovi rokovi krajem 2015. je li tako? U septembru 2015 godine. Dakle ovo je moglo u redovnoj proceduri na redovnu sjednicu. Čisto da ne bi nam prešlo u naviku da radimo hitno i ono što zaista ne bi trebalo. Evo to je razlog.

**Poslanik/zastupnik Mario Vukasović:**

Prije svega iskoristio bih priliku da vas pozdravim sve ovdje i naše sugrađanke i sugrađane pored malih ekrana. Ja bih samo ukratko obrazložio hitnost ovog zakona danas. Naime glavni problem jeste što studenti koji su trenutno redovni studenti bi nakon septembra ove godine došli u mogućnost odnosno došli u situaciju da moraju plaćati 6 ili 7.000 KM svoj studij na pojedinim fakultetima. Stoga smatramo da je potrebno da studenti što prije znaju da li će oni ostati redovni

studenti ili će nakon septembra ove godine morati izdvojiti toliku sumu novca koju vjerujem da predstavlja svima problem u današnjoj situaciji. Napominjem da mnogi studenti nisu ni iz Sarajeva, mnogi će ići i kući i u neznanju koji je njihov status nakon septembra mjeseca dalje oni polažu ispite još uvijek. I mislim da to sve utiče na njihovu motivaciju i njihovu mogućnost i sposobnost polaganja ispita. Hvala.

**Predsjedavajući:**

Hvala uvaženom zastupniku Vukasoviću. Ukoliko se više niko ne javlja za riječ, zaključujem raspravu.

**Molim poslanike da pristupe izjašnjavanju o Prijedlogu da se Zakon o visokom obrazovanju donese po hitnom postupku.**

ZA JE GLASALO 25 POSLANIKA, SUZDRŽANO 2 I PROTIV 5.

**Konstatujem da je Skupština usvojila Prijedlog da se Zakon o visokom obrazovanju donese po hitnom postupku.**

**PRELAZIMO NA UTVRĐIVANJE DNEVNOG REDA DANAŠNJE SJEDNICE**

Na osnovu naprijed navedenog Prijedlog dnevnog reda, današnje, 3. Hitne sjednice Skupštine Kantona glasi:

1. Prijedlog Budžeta Kantona Sarajevo za 2015. godinu (hitni postupak);
2. Prijedlog zakona o izvršavanju Budžeta Kantona Sarajevo za 2015. godinu (hitni postupak);
3. Prijedlog zakona o izmjenama Zakona o visokom obrazovanju (hitni postupak);
4. Prijedlog odluke o davanju saglasnosti na Finansijski plan i Odluku o izvršenju Finansijskog plana Zavoda zdravstvenog osiguranja Kantona Sarajevo za 2015. godinu;
5. Prijedlog odluke o davanju saglasnosti na Finansijski plan prihoda i izdataka JU „Služba za zapošljavanje Kantona Sarajevo“-Sarajevo za 2015. godinu;
6. Prijedlog programa javnih investicija Kantona Sarajevo za 2015 - 2017.godinu.

Samo malo. Premijer Konaković se javio prvi za riječ.

**Premijer Elmedin Konaković:**

Ja sam četiri godine zagovarao da imaju zastupnici prava prije Vlade pa su Šućur i Pindžo bili prije a ja ću poslije.

**Poslanik/zastupnik Slaviša Šućur:**

Evo predsjedavajući ja sam u diskusiji spomenuo da mi tražimo da se ovaj Program investicija skine sa dnevnog reda. Smatramo da se nisu stekli osnovni uslovi. Jer u Zakonu o Budžetima ne piše da je on sastavni dio Budžeta. Za DOB prihvatam. Ali za Program javnih investicija to ne piše i smatram da se nisu stekli uslovi, nismo stigli da analiziramo materijal, suviše je bitan. Tražim da se skine s dnevnog reda da se pojavi na nekoj od narednih sjednica u redovnoj proceduri. Neka se izjasni Skupština o prijedlogu prije nego što se izjasnimo o ukupnom dnevnom redu.

**Poslanik/zastupnik Mirsad Pindžo:**

Predsjedavajući ja sam bio predložio da se to po prijedlogu Vlade razmatra kao sastavni dio Budžeta ali nemam ništa protiv da se skine sa dnevnog reda i razmatra na nekoj od narednih sjednica i kao posebna tačka dnevnog reda jer ako je Vlada rekla da će raditi rebalans Budžeta onda neka i te politike koje će ugraditi u Budžet onda neka ugrade u Program javnih investicija i da ga razmatramo na nekoj od posebnih sjednica i da ne utvrđujemo ovo kao tačku dnevnog reda, a pogotovo ne kao posebnu tačku. Hvala.

**Poslanik/zastupnik Adnan Solaković:**

SBB podržava prijedlog gđina Šućura i Pindže da se ovo povuče. Muhamed Kozadra izuzetno kvalitetan manipulator matematike pa bi mi ovo ipak da se odgodi, da bi mogli lakše raspravljati. Ovo je izuzetno osjetljivo pitanje, ovdje su većinom krediti i to bi trebalo da se ide u sljedeću. Zahvaljujem.

**Predsjedavajući:**

Zahvaljujem uvaženom zastupniku Solakoviću. Samo malo više poštovanja prema zastupnicima.

**Poslanik/zastupnik Muhamed Kozadra:**

Gospodine Solakoviću, ovo nije matematika. Član 30 izričito kaže da Ministarstvo finansija do 20. oktobra dostavlja Vladi prijedlog programa javnih investicija. Rekao sam maloprije na prijedlog politike koje se utvrđuju do 15. maja te politike nisu utvrđene a 15.11. Vlada donosi program javnih investicija. DOB isto procedura drugog dokumenta koji je prilog Budžetima on se donosi do 30.06. tekuće godine za Budžet. Isto taj dokument ne ide na razmatranje nego informativno i obavještava se i objavljuje se u službenim novinama. Obavještava se Skupština o tom dokumentu. Ne raspravlja Skupština o tom dokumentu nego to su dva dokumenta iz kojih proizlazi kroz objašnjenje ćete vidjeti. Dio projekata koji se nalazi u Budžetu nalaze se u ovom. Niste mogli pogledati, naravno, preko 900 miliona je projekata u ovom dokumentu odnosno programu javnih investicija. Prema tome nije ovo nikakva manipulacija. Ovo je dokument koji završava na Vladi. Stara Vlada nije ga imala nije ga uradila jer Zavod za planiranje radi ovaj dokument na osnovu politika koje Vlada naloži prema tome, zaista ne vidim razloga da se manipulira na ovakav način. Direktno je obrazloženje ne donosi ga Skupština.

**Poslanik/zastupnik Haris Pleho:**

Hvala lijepo predsjedavajući. Obzirom da sam ja novi zastupnik ili stvarno meni nije jasno o čemu mi uopšte raspravljamo da li ovaj dokument Prijedlog programa javnih investicija trebao se naći kao dopunski dokument ako sve ovo imamo u ovom Budžetu. U potpunosti se slažem da ovo možda treba skinuti da nije se trebalo uopšte se naći na današnjem dokumentu, evo kao što poslanici koji su bili u prošlom mandatu znaju već o čemu se radi da li su to krediti ili sve ostalo, ja nisam bio dovoljno involviran u tu priču pa malo mi je nejasno. Ali sam iščitao ovaj dokument Prijedlog programa javnih investicija i našao sam znači u ovom dokumentu u knjizi u Budžetu gdje stoji evo primjer radi imamo finansiranje kapitalnog projekta u Novom Gradu škole Aneks. Ako mi danas skinemo ovaj projekat jel to znači da izvlačimo i iz Budžeta sve te projekte i ne može se danas o njima izjašnjavati? Sada dolazimo u jednu situaciju po mom razmišljanju skidanjem ovoga prijedloga programa javnih investicija sa tačke dnevnog reda i ovaj Budžet nije mi jasan da ga možemo usvojiti ovako kako nam je i predložen? Bolje možda da se uzme neka pauza da nam da bolje objašnjenje kako bi smo se mogli opredijeliti šta da radimo. Hvala.

**Poslanik/zastupnik Zvonko Marić:**

Hvala predsjedavajući. Gospodine Kozadra mislim da u moru nekih nekorektnosti ovaj vaš prijedlog izaziva vidite i nedoumice i nesporazume i vidite sporimo se oko nekih stvari oko

kojih ne bi trebali. Naprosto evo ja sam imao privilegiju u odnosu na gđina Šućura da sam dobio ovaj materijal sinoć evo gospodin Šućur jutros. Gospodin Pleho je imao vremena da to iščita i uočio je da je otprilike ovo sadržano i u prijedlogu Budžeta. Nema potrebe da sada raspravljamo o tome i ja zaista predlažem da se ovo skine sa dnevnoga reda jer ne doprinosu ama baš ničemu a pogotovo ne konstruktivnoj raspravi i onome što od nas gledatelji očekuju. Zato da ne bi smo komplicirali takve stvari molim vas da odustanete od tog prijedloga da se ovo uvrštava a na kraju krajeva i izjasnit će se o svemu tome i Skupština. Ne znam čemu sve ovo vodi. Nismo imali prilike da vidimo, vrlo je važna stvar i sada ne moramo o tome raspravljati niti voditi raspravu da li to treba uvrstiti ili ne. Hvala vam.

**Predsjedavajući:**

Zahvaljujem uvaženom zastupniku Mariću. Pošto se više niko ne javlja za riječ zaključujem raspravu i dajem riječ premijeru Konakoviću.

**Premijer Elmedin Konaković:**

Ovo je onaj dio gdje smo se mi malo umiješali u prijedloge stare Vlade. Pa smo vratili na doradu zato ste dobili kasno ovaj materijal. Neusaglašen je bio Program javnih investicija sa Budžetom. Ministri su mene iznenadili na prvoj sjednici Vlade brzo uvidjevši te matematičke nepravilnosti. Vratili smo ga na doradu dali zadatak Zavodu za planiranje da ga vrati korigovanog. I još jednu stvar. Procedure se dešavaju tako da ovaj naš uredba o donošenju programa javnih investicija nije usaglašena sa federalnom i dali smo drugi nalog da hitno se krene u usaglašavanje te uredbe. To jedan proces koji nije dugoročan. Brzo ćemo ga realizirati i usaglasiti ga sa aktima po vertikali. Ovaj dokument je sastavni dio Budžeta. Uvijek bio. Ne razmatra se ne izjašnjava se o njemu. Pomaže vama da imate širu sliku kapitalnih investicija u Kanton Sarajevo na način da ono što je Budžetom predviđeno imate tačno i uporedivo sa dijelom Budžeta. Ono što se zovu kandidovani projekti su namjere politika iz njih vidite kako se razvija taj program javnih investicija. Zato jeste dugoročniji nego neki drugi dokumenti. Donosi se unaprijed za godinu dvije, na osnovu pokazatelja. Imate često izvore finansiranja koji nisu samo iz našeg Budžeta pa vidite sposobnost nekog ministra da obezbijedi sredstva a udruži ih sa nekim fondovima ili drugim nivoima vlasti i građanima Kantona Sarajevo implementira projekat za koji mi eventualno nemamo dovoljno sredstava. I samo ga kao takvog trebate posmatrati. Kada mijenjamo Budžet, obaveza je da izmjene na Budžetu na kapitalnim projektima ako smanjujemo taj dio kapitalnih investicija koji je usvojen u programu odmah ga moramo korigovati mi u Programu javnih investicija. Dakle to su jednostavni procesi, mi ih svi još uvijek ne poznajemo dovoljno. Ovo je dio Budžeta pomaže vam da imate jasniju i širu sliku, ne treba ga izdvajati. Greškom je došao kao tačka dnevnog reda, izazvao je te polemike. Ja vas molim da ga tretirate kao sastavni dio Budžeta. Hvala vam.

**Predsjedavajući:**

Hvala premijeru Konakoviću. Imamo prijedlog:

Predlažem da se tačka 6 ne razmatra kao posebna tačka nego u sklopu tačke 1 Prijedoga Budžeta. Molim skupštinu da se izjasni ko je za?

**Poslanik/zastupnik Predrag Kojović intervencija:**

Zahvaljujem predsjedavajući. Vidite ja očigledno je da je došlo do greške. Ovo nije tačka. Ovo nije materija o kojoj se izjašnjava Skupština. Ona se daje k znanju. Trebalo je samo staviti da se radi o informaciji koja se daje Skupštini. Ne može biti ni tačka ni prva ni zadnja. Samo je treba preimenovati u informaciju.

**Predsjedavajući:**

Jel smatramo da je ona sastavni dio Budžeta?

Pročitat ćemo dnevni red bez tačke 6 dat ćemo na glasanje taj dnevni red.

7. Prijedlog Budžeta Kantona Sarajevo za 2015. godinu (hitni postupak);
8. Prijedlog zakona o izvršavanju Budžeta Kantona Sarajevo za 2015. godinu (hitni postupak);
9. Prijedlog zakona o izmjenama Zakona o visokom obrazovanju (hitni postupak);
10. Prijedlog odluke o davanju saglasnosti na Finansijski plan i Odluku o izvršenju Finansijskog plana Zavoda zdravstvenog osiguranja Kantona Sarajevo za 2015. godinu;
11. Prijedlog odluke o davanju saglasnosti na Finansijski plan prihoda i izdataka JU „Služba za zapošljavanje Kantona Sarajevo“-Sarajevo za 2015. godinu;

Molim poslanike da se izjasne o Predloženom dnevnom redu.

ZA JE GLASALO 29 POSLANIKA, SUZDRŽANO 2 POSLANIKA I PROTIV 3 POSLANIKA.

**KONSTATUJEM DA JE SKUPŠTINA ZA 3. HITNU SJEDNICU SKUPŠTINE KANTONA SARAJEVO USVOJILA DNEVNI RED, KAKO JE I PREDLOŽEN.**

**AD – 1.**

**PRIJEDLOG BUDŽETA KANTONA SARAJEVO ZA 2015. GODINU – HITNI POSTUPAK**

Prijedlog Budžeta dobili ste uz poziv za sjednicu.  
Molim predstavnika Predlagača da podnese uvodne napomene.

**Poslanik/zastupnik Muhamed Kozadra:**

Zahvaljujem predsjedavajući. Ja zaista nerado činim ovo na kraju krajeva poslije svega ovoga, ali zbog kompletne odgovornosti i svega onoga da sam u funkciji ministra i člana stare Vlade radio ovaj dokument, provodili politike koje jesu tada bile i sa zadovoljstvom ću ga prezentirati ovdje i braniti stavove koji su bili kao osnova za implementacija ovakvog dokumenta.

Na početku sam rekao da izrada Budžeta počinje evo da kažem sada usvajanjem DOB-a, Dokumenta okvirnog Budžeta i ukratko ću samo kazati da Dokument okvirnog Budžeta sadrži rashode Kantona, rashode općina i rashode fondova, i on za 2015 godinu iznosi 1.148.998.800. kada je kreiran DOB Budžet je manji bio, nacrt Budžeta znači za 64.300.000. tada nisu bila poznata razgraničenja, tj projekti koji se nisu realizirali. Znači posebno iz namjenskih sredstava, iz kreditnih sredstava, oni su ostali kao stari projekti i kreditna sredstva znači 8.400.000. namjenska sredstva 21 milion. Prijedlog pokriva deficita od 20 miliona i privatizacije 6 miliona. Znači to su stvari koje su nedostajale za DOB kada se donosio. A obzirom da sada donosimo Budžet, pošto su sve poznate činjenice završni račun je gotovo, i znamo sve pozicije, stoga je Budžet povećan za 24 miliona kada pratite Budžet i DOB. I ovaj Program javnih investicija, da ne ponavljam ovdje svi izdiskutovali kroz prethodne aktivnosti, zašto i kako se donosi. On je 918.033.000. znači samo da pojasnim zaista, to je dokument koji se završava sa vladom. A Vlada ima u njega implementirati sve ono što unese u Budžet. Znači sve te politike koje jesu. Znači sa aspekta godine, tri godine i više godišnjih projekata koji će se investirati ne samo u trogodišnje jer se Budžet planira trogodišnje, DOB se planira trogodišnje i ovaj dokument šire se naslanja na Strategiju razvoja Kantona. Prema tome da zaista otklonimo dileme da nije



dokument o kojem će se raspravljati danas ovdje. Zakon o Budžetima je u novom Budžetu predvidio i funkcionalnu klasifikaciju. Sve ono što se nalazi po kodovima i po nosiocima. Znači imamo tekuće rashode, tekuće izdatke, kapitalne izdatke i primitke itd. One se klasificiraju u deset grupa i vi ćete vidjeti u Budžetu da ispod dole kao novina imate funkcionalnu klasifikaciju a one se odnose na opšte javne usluge, odnosi se na javni red i sigurnost. Mi nemamo odbrane drugog principa funkcionalnog ovdje kojeg nema, ekonomski poslovi, zaštita životne sredine, stambeni zajednički poslovi, zdravstvo, rekreacija, kultura, i religija, obrazovanje, socijalna zaštita. Znači tu je 10 funkcionalnih klasifikacija što je novina u odnosu na prethodne Budžete i na dnu svakog razdjela odnosno svake potrošačke jedinice imate tu klasifikaciju izvedenu i ona se mora slagati sa ovom klasifikacijom kakva je bila i predočena. Ono što je premijer rekao ovdje da je Vlada tri tehničke greške koje jesu predložene, ona je to jutros i usvojila i to postaje sastavni dio. A one se odnose, u prijedlogu Budžeta Kantona Sarajevo u članu 1. iznos od 10 miliona tekući suficit treba da iznosi 9.528.000. A tamo stoji 10 miliona. Jer je 61 milion nepokrivenog deficita, to ćemo kroz prezentaciju vidjet ćete da je tu došlo zbroja. A u dijelu Budžetskih korisnika nigdje se ne odnosi na razliku prihoda i rashoda, nego samo podjela između onog konačnog rezultata. Tehnička greška također došlo je do određenih tehničkih grešaka u prijedlogu Budžeta Sarajevo vezano za broj zaposlenih i to kod sljedećih Budžetskih korisnika. Skupština Kantona Sarajevo poslanici, parlamentarne grupe, broj zaposlenih 21 se briše. Kantonalno Tužilaštvo umjesto 122, treba da stoji 125 zaposlenih, Ministarstvo kulture i sporta umjesto 13 treba da stoji 14. I treća tehnička greška u članu 3 Prijedloga Budžeta Kantona Sarajevo za 2015 godinu pozicije u razdjelu 34 glava 01 potrošačka jedinica 001 ekonomski kod 615 300 subanalitika 002 pretvaranje odlagališta Smiljevići u centar za upravljanje otpadom sa rješavanjem IPO namjenska sredstva iz federalnog fonda za zaštitu okoliša 60.000, namjenska sredstva Federalnog fonda za zaštitu okoliša razgraničenja 160.000 u iznosu od 220.000 prebacuju se i razdjela 33 glava 1 potrošačka jedinica 001 ekonomski kod 615 300 nova subanalitika pretvaranje odlagališta Smiljevići u Centar za upravljanje otpadom sa rješavanjem IPO namjenska sredstva iz Federalnog fonda za zaštitu okoliša 60.000. namjenska sredstva Federalnog fonda za zaštitu okoliša razgraničenja 160.000 u iznos 220.000.

Ovo sam iščitati zato što ovo postaje sastavni dio ovo je kao Amandman Vlade koja je prihvatila i izmjene tehničkih grešaka da bi ušlo u stenogram uz ono što je sve predloženo u Budžetu.

Ja sam pripremio prezentaciju kompletnog Budžeta i ovim bi uvodni dio završio ovdje i ja bih zamolio da mi se omoguće tehnički uslovi da na video zidu prezentiram Prijedlog Budžeta za 2015.godinu. zahvaljujem.

**Predsjedavajući:**

Hvala uvaženom. Samo malo, imamo prezentaciju pa poslije prezentacije ćemo imati pitanja.

**Poslanik/zastupnik Adnan Solaković:**

Uz dužno poštovanje gđina bivšeg ministra finansija, opet je počelo sve o brojevima ovdje pričati. Nisam čuo poboljšanje, promjene, to nije mi odmah rekao. Počeo mi je opet da dezavuiše mi brojevima koje niko ovdje ne razumije, a čisto sumnjam i građani. Gdje mi moramo biti i matematičari. Dalje, ne želimo da učestvujemo u ovom Budžetu koji je izazvao Plenum, nezadovoljstvo građana, koji su izlazili na ulice, raznim demonstracijama koje su bivale, nezadovoljstvo ostalih radnika ovdje. Mi napuštamo skupštinu. Hvala lijepo.

**Predsjedavajući:**

Zahvaljujem uvaženom zastupniku Solakoviću. Možete spustiti platno za prezentaciju molim vas. Nastavljamo sa radom.

**Poslanik/zastupnik Muhamed Kozadra:**

Predstavio prezentaciju Prijedloga Budžeta Kantona Sarajevo za 2015.godinu

**Predsjedavajući:**

Prije nego krenemo sa pitanjima i raspravama samo molim vas samo još jedno. Da li predstavnici radnih tijela žele riječ, prije nego što krenemo sa pitanjima? Ne. Ima li pitanja?

**Poslanik/zastupnik Predrag Kojović:**

Imam zaista samo dva pitanja. Bilo bi lakše da smo imali Izvještaj o izvršenju Budžeta za 2014.godinu da analiziramo ovaj Budžet. Ali dva pitanja. Običaj dobri je da u obrazloženju Budžeta na početku samom se predstave neki makroekonomski pokazatelji koji onda predstavljaju osnov za prognoze i projekcije, pogotovo prihoda. Mi smo imali prošle godine sličnu situaciju kada smo okarakterisali prošlogodišnji Budžet kao nerealno planiran pogotovo u dijelu prihoda. I tada ste vi koristili ove pokazatelje koji su došli iz Odjeljenja za makroekonomsku analizu, koji su uglavnom bili duhovitog karaktera jer su predviđali privredni rast recimo u BIH i Kanton Sarajevo od 3,5%. Ali evo nas mi na godinu dana nakon toga kada sam ja govorio da je to duhovito očekivanje, a vi tvrdili da je to istina i kako bih rekao na tome bazirali jedan Budžet koji je bio dosta snažan od 798 miliona. A vidim ove godine ste izbjegli korištenje tih makro ekonomskih pokazatelja pa me zanima šta mislite. I drugo pitanje se tiče, sada je ne znam kome da ga uputim, poslaniku Kozadri ili novom ministru finansija. Da li je dobro domaćinski deficit, znači manjak u Budžetu, pokrivati u onom obaveznom dijelu, koji ste minimalno obavezni, znači od 90 miliona morate pokriti 30 miliona, pa u sljedećoj godini 30 miliona itd. i vi ste našli stvarno jedno neobično ekonomsko rješenje za to. Znači ono što dugujem ću vratiti tako što ću uzeti novi dugoročni kredit. Pa me zanima, pogotovo me zanima ako neko iz nove Vlade ima potrebu da komentariše taj pristup i ako bi ste nam vi mogli malo objasniti, znači planirali ste uzeti 20 miliona kredita za pokrivanje tog deficita a 10 miliona iz nekog fantomskog suficita koji vi očekujete u ovom narednom Budžetu. Hvala.

**Poslanik/zastupnik Bibija Kerla:**

Pozdravljam sve prisutne, prije svega predsjedavajući Skupštine, dopredsjedavajuće, sve ministre i moje uvažane kolege. Hvala mom kolegi Kozadri na veoma opširnom obrazloženju Budžeta za 2015 godinu. Mi 23.02. napravismo jednu zgradu sa 60 spratova u koju smo uselili 11.000 ljudi a ustvari nismo napravili protupožarne stepenice. Pa me interesuje da li će Rebalans Budžeta to napraviti? Hvala lijepo.

**Predsjedavajući:**

Hvala uvaženoj zastupnici Kerli. Ako se niko ne javlja za pitanja, ako nemamo više pitanja uvaženi zastupnik Kozadra.

**Poslanik/zastupnik Muhamed Kozadra:**

Predrag Kojović. Ja sam od Peđe rekao da ću tražiti javno izvinjenje zbog upravo ovih pokazatelja o kojima smo govorili. Od prezentacije Budžeta koji sam prezentirao kada je bilo rečeno da je prenapuhan da je nemoguće ostvariv itd. sa aspekta prihoda, odnosno makroekonomskog okvira. Makro ekonomski okvir se daje uz nacrt Budžeta. Znači vi uz nacrt Budžeta i one prospekcije koje dobivamo od viših nivoa i on je bio u nacrtu Budžeta i u prijedlogu se on ne komentira. Znači nismo bili u prilici ali smo ga u nacrt ugradili. Drugo fantomski deficit. Mi smo rekli da se deficit može, suficit, da se deficit može pokriti na tri načina. Prvi način je suficitom. Drug način kreditom i treći način kombinacijom ove dvije varijante. Mi smo prošle godine, znači morali smo zatvoriti ravnotežu. Prikazali smo maksimalan nivo prihoda koji je u 1%. Znači Ministarstvo finansija je stara Vlada nije fulila u prihodima koje je iako smo odstupili od onoga što je Federacija. Mi smo u 1% u ovakvoj kriznoj situaciji i svake godine kretali se od 1 do 1,5% u fuli procjene prihoda. Izvinjavam se na izrazu u „u fuli“ ovdje. Znači i dali smo određene ciljeve i zadatke koji su bili dijelom ovdje

prezentirani i napravili smo uštede da smo, nismo uzeli 126 miliona, uzeli smo samo 18 miliona. I znači sa 126 miliona došli smo, 126,5 došli smo na 90,5 miliona. Znači 36 miliona je smanjen deficit. Pola je znači suficitarnog ostvarenog deficita što kroz ove mjere koje smo predložili i Vlada koja će poduzeti mjere će u narednom periodu naći prostor ali to sam naglasio da se ostvari suficit u tom periodu ili ti da se obezbijedi pokriće socijalnog dijaloga koji će da bude ostvaren u narednom periodu. Znači i sada je predviđeno 20 miliona samo zaduženja a prevashodno će se opet plaćati kapitalni projekti zbog kojih ostaju obaveze i zbog likvidnosti. Nije se išlo na zaduženje 95 miliona. Nego smo rekli u budućim godinama stavili smo formalno kredit. Ne mora da bude kredit to u uopšte može da bude i suficit ako se povećaju prihodi, a varijanta svih nivoa vlasti mora da da odgovor na povećanje prihoda jer su to svi rekli. I u toj varijanti za dvije godine bit će promjena politika. Neće biti kredita bit će suficit koji će da se ostvari. Znači ako sam dao odgovor. I iz ovog protivpožarnog. Ne znam koliko će protivpožarnog ova zgrada pošto je ona pod zaštitom moći dozvoliti takvu vrstu intervencije projektne. Zahvaljujem.

**Poslanik/zastupnik Predrag Kojović dodatno pitanje:**

Gospodine Kozadra hvala vam. Ali eto nadam se da će, zaista stvarno se nadam da će i premijer Konaković možda ne sada ali nekom drugom prilikom. Kada vi govorite da ćete otplatiti deficit suficitom onda bih ja volio da čujem koje konkretne poteze ćete poduzeti da se poveća konkurentnost Kantona Sarajevo u privrednom smislu što će proizvesti veće prihode. Ili ako kažete uradit ćemo to uštedama na rashodovnoj strani, volio bih da mi kažete u ovim programima smatramo, znači evo socijalni dijalog sa sindikatima da pregovaramo. Znači da nam kažete neke vrlo konkretne poteze koji će rezultirati tim suficitom i zato ga zovem fantomski jer takvih najava nije bilo konkretnih. Druga stvar, vi na neki način svo vrijeme govorite o podmirivanju akumuliranog Budžetskog deficita kreditiranjem kao da je to rješenje. Ako je to rješenje hajmo onda uzeti 90 miliona maraka i kredita i potpuno riješiti suficit. Ali ne govorite vi to jer vi znate jako dobro. Prvo da smo dostigli maksimalno ili da ćemo dostići uskoro maksimalno zaduženje i isto tako znate da je FBIH iskoristila onaj neiskorišteni dio do maksimuma koji nam je ostao.

**Poslanik/zastupnik Haris Pleho:**

Hvala lijepo predsjedavajući. Ja imam jedno pitanje ali prvo moram da podsjetim da je Vlada 2009 donijela jednu odluku gdje je jednostrano je kršila kolektive ugovore i nagomilala ugovore u dijelu naknada, toplih obroka, regresa, jubilarnih nagrada i tako taj nagomilani dug sa 2015 godinom iznosi otprilike oko 28 miliona maraka. Ono što mene interesuje, a upućujem pitanje, a nisam primijetio da u ovom Budžetu ima određen grant barem za ona izvršna rješenja po tim kolektivnim ugovorima, želio bih na to pitanje da mi odgovori kolega Kozadra da li će to u rebalansu se pokazati ili neko dodatno objašnjenje gdje bi jednostavno ljudi oni i radnici koji imaju izvršna rješenja znali da će se to planirati u rebalansu. Hvala.

**Predsjedavajući:**

Hvala zastupniku Plehi. Prije nego dam riječ Kozadri i premijeru Konakoviću ima li još nekih pitanja? Dobro.

**Poslanik/zastupnik Muhamed Kozadra:**

Da krenem od Plehe. Gospodine Pleho maloprije sam dao obrazloženje, znači na koji način? U prezentaciji je 20 miliona izvršenih i 23 miliona do 31.12. pravosnažnih presuda koje su došle u Kanton bez kamata, bez sudskih troškova, advokatskih itd. To je zaista nepoznanica za svih nas i dat je prijedlog kako da dođemo do te cifre i da se reprogramira. Nije 2009 donesen onaj, Kolektivni ugovor je daleko ranije potpisan ali izmjene i dopune nikada nismo mogli od dolaska

ekonomske svjetske krize gdje je jedan od zakona koji je bio u implementaciji Zakon o uštedama gdje je bio uvjet da MMF uđe u 3. Stand by aranžman da bi zaustavili negativna kretanja da se sve ovo smanji. Smanji broj uposlenih, smanje plate itd. Do dan danas, znači donešen je Zakon o plaćama i naknadama gdje su precizno određene ove sve stavke. Samo su državni službenici i namještenici imaju potpisan sporazum. Svi su prihvatili u onom dijelu kada je riječ osnovica i kada je riječ usklađivanje koeficijenta. I tačka dalje. Poslati su ti ugovori, rekao sam jednom ovdje da potpišu te ugovore da se postigne i evo temporalno na dvije godine da prekine utuženje da dođemo do te mase sredstava koje jesu i na način kako sam predložio ovdje dođe do ušteta i planira u Budžetu. U Budžetu nema ni jedne jedine stavke jer po zakonu o izvršnom postupku bilo je obaveza da se 5% Budžeta planira za presude al to kad bi došlo do pogubnost stvarne blokade Budžeta na svim nivoima bi došlo. Cca mi bi trebali ovdje da izdvojimo 30 miliona za takve vrste sudskih sporova koji se dešavaju i priliv Budžeta ne bi bilo zaista ništa.

Peđa šta si ono rekao molim te podsjeti me. U dijelu suficita. Da u suficit čista matematika mi imamo sve te proračune. 126 miliona da smo uzeli i kroz godine sedam osam godina imali bi jako visoke kamatne stope jer jedini način da se komercijalno zadužujemo jeste jer nema a to smo sugerisali federalnoj Vladi i federalnoj Skupštini da u konsolidaciji Budžeta ili ti preraspodjele jeftinih kredita MMF je jeftin kredit. Jest on kratkog roka ali nisu kamatne stope 6 i 7% da bi imali jako velike negativne efekte i onda smo krenuli sa evo 10% da uzmemo deficita da utičemo samo na likvidnost da imamo što manje rashode negativne efekte. A da sustizemo tu likvidnost jer ona je posmak sa aspekta prihoda 2,5 mjeseca. Da ništa drugo ne isplatimo prošle godine ništa ni jednu jedinu marku za nove troškove od 01.01.2014 morali bi deficit platiti. Ali mi smo sve plaćali. Činjenica da smo plaćali sa aspekta keš floa koji je pristizao najstarije obaveze koje smo morali platiti i vodili tekući život. I to ja preporučujem i novoj Vladi na taj način da obezbijedi likvidnost tekućeg poslovanja. Ovdje nisam napomenuo da je 10 miliona revolvinga. U ovih 20 miliona da se može uzmeš za pet dana i vratiš za pet dana ako dolaze neke obaveze koje treba izmiriti. To smo mi radili i to svi rade. To Federacija radi emisijom trezorskih zapisa, mi to nismo radili i mislim da ne trebamo da radimo na taj način. Da možemo bolje efekte na ovaj način postići. A politike ove evo ja molim premijer da odgovori.

### **Premijer Elmedin Konaković:**

Mi bi bili sretni da ne pokrivamo recimo kredite. Dakle bili bi najsretniji da kažemo pokrit ćemo svih 30 viškom rashoda nad приходima. U ovom trenutku to nije objektivno. Dakle ono kako je radila Vlada u ovim okolnostima posebno, dakle mislim da je model bolji nego što sam ja mislio da se može primijeniti. Paralelno s tim ponovit ću dio ovih detalja iz Ekspozea koji uzgred još nisam objavio na stranici Kantona Sarajevo čekao sam da možda neko ima neke dopune jer sam pozvao da date eventualno neke prijedloge ako ste procijenili neke manjkavosti. Ja sam ga završio i objavit ću ga naredne sedmice. Nisam dobio ni jednu sugestiju konkretno. Lektorisali samo ga čak i objavit ćemo ga naredne sedmice u izvornom obliku mom, dakle onako kako sam ga pisao. U tom Ekspozeu stoje radikalne najave ušteta na pozicijama koje smo mi već dijelom demonstrirali. Dakle ušli smo odmah duboko u analizu onog sektora koji je najproblematičniji. Govorimo s jedne strane o Budžetskim korisnicima a ti su podaci javni i jasniji su dosta od onih recimo koji dolaze iz sfere komunalne privrede. Gubitašima koji imaju nepotrebne rashode to analiziramo. Ta ušteta ne znači ušteta u Budžetu jer to su njihova sredstava. Čak i ukidanje tih skupština preduzeća. CIK-u smo poslali upit da nam odgovore da li smo mi ili sekretari ministarstava koji imaju nekoliko stotina hiljada maraka uštete ne ide na stavke iz Budžeta ali naravno ostavlja nam prostor da smanjujemo te dotacije pa to znači i u Budžetu određena vrsta uštete. Dakle racionalizacija da ne ponavljam to ste već vidjeli po određenim potezima ove Vlade. Kada smo govorili o приходovnoj strani mi smo akcentirali nekoliko stvari. Detektovali smo onda po broju malih i srednjih preduzeća kao osnovnog pokretača privrede Kanton Sarajevo zaostaje debelo za nekih evropskim prosjecima pa smo na nekih 4,5 po hiljadu

stanovnika, što je skoro duplo manje od nekog europskog prosjeka. Pravimo prijedlog mjera obezbjeđivanje određenog fonda revolving fonda za podršku malim i srednjim preduzećima, zdravim koji već posluju pozitivno i potrebna im je određena vrsta ekonomske injekcije preuzimajući rizike u dijelu kamata i sa bankama ćemo vrlo brzo otvoriti, sa nekima već jesmo, razgovor o tome da tražimo sredstva udružena u odnosima 1:5, 6, 7 i taj mali revolving fond koji je po primjerima razvijenih europskih zemalja vrlo brzo rastući. Jer uglavnom ti zdravi privredni subjekti brže zapošljavaju uz podrške. Zapošljavanje ponavljamo stanje. Jer u dijelu prihoda Kantona Sarajevo na neke možemo uticati politički ja sam o tome govorio tako što čuvamo taj Zakon o raspodjeli javnih prihoda FBiH. Ne damo da nam uzmu naše pare. Ili se eventualno borimo za još bolju poziciju. Ako on dođe na dnevni red Federalnog parlamenta. I to je moguća prihodovna strana. Ili moguća slabija prihodovna strana ako eventualno procijeni Federacija da nam uzme naš novac. Dakle to je potencijalna opasnost. U dijelu direktnih ubiranja naših, dakle to su doprinosi i to su porezi na dobit preduzeća, što se ponovo vraća samo na zapošljavanje. Dakle kao prioritete i one grane u kojima smo procijenili da je to moguće detektovali smo turizma, IT sektor i drvno metalSKU industriju kao primarne. Gdje npr. od turizma i parametara koje imamo potpuno ne postojanje ni vizije razvoja turizma i posebno ne postojanja kontrole procesa u turizmu u dijelu da 11% popunjenosti hotela u vrijeme SFF-a pokazuje koliko tamo ima prostora za ubiranje nekih potencijalnih sredstava. I eventualno kontrolom ljudi koji obnašaju te funkcije onog dijela legalno zaposlenih u turizmu. Dakle imamo već određene prijedloge mjera i u Ekspozeu i ovo što najavljujemo naravno kao ponovo dio te prihodovne strane zato da bi nam ti krediti bili što manji ili da ih ne bi smo uopšte imali. Govorimo o procesima javnih nabavki u kojima su vrlo moguće i ogromne uštede, njihovom integracijom kroz ministarstva, njihovom integracijom kroz Vladu, dakle možda uredom koji će čak kontrolisati taj kompletan proces javnih nabavki na nekoliko ovlaš kontrola koje smo uradili ustanovili smo da postoje institucije koje kupuju lož ulje po cijeni 2,30 ili 2,40. da postoje anomalije koje su ogromne to su procesi ušteda koje mi hrabro otvaramo, dakle sve ćemo to pregledati, izanalizirati i povući određene poteze koji će brzo dati efekte na tom dijelu ušteda. Govorili smo o projektima koji nam daju mogućnost da dokvalifikacijom sa Zavodom za zapošljavanje finansiramo IT sektoru ljude koji će ponovo brzo zauzeti svoja radna mjesta i ponovo puniti kasu na dijelu prihoda po osnovu doprinosa. Dakle tu su mogući mi ih tagetiramo kao primarne jer ponavljam još jednom. Dakle nemamo ovaj proces politički nam otežava da sve to bude sastavni dio ovog dokumenta. Naravno da mi to elaboriramo. Ja sam rekao dijelom ću ja prezentirati politike a one će biti sastavni dio rebalansa. Dakle u njemu ćemo mi izdvojiti novac ako bog da za šestosjed na Bjelašnici ili nećemo naći investitora koji nam omogućava brži razvoj te planine i legalno zaposlenje ljudi koji gore treba da brzo počnu sa djelovanjem. Dakle to su politike. A nismo mogli u osam dana realno je ponovo sve te politike integrisati u ovaj dokument. Gospodin Lukić i ja već smo bili na sastanku u Zavodu za planiranje u kom smo vidjeli da su neki procesi mogući. Imali ste primjere izrada regulacionog plana što je možda jedan od primarnog problema za bijeg investitora. Zbog čega bježe investitori iz Kantona, rekao nam je jedan od ljudi koji tamo rade da se dešava da umru investitori koji pokrenu izmjene regulacionog plana prije nego što se isti usvoji. Dakle to je slučaj egzaktan pokazatelj da imate sada jedan primjer dobrog djelovanja Zavoda- Opštine Vogošća na velikom projektu 50 miliona vrijednom u kom taj regulacioni plan u mnogo kraćim rokovima rade. Ministar Lukić i mi ćemo obezbjeđiti zakone i predlagati zakone koji ubrzavaju te procedure da na taj način privlačimo te strane investicije. A digresija u tome što oni dobro rade onda naš Vodovod se pojavi i kaže ne može. Ne kaže ni kako može nego kaže ne može i uspori proces nekoliko mjeseci što znači da ćemo kada preuzmemo Skupštine i upravljamo kvalitetnije NO, direktorima JKP poslati poruku da mi brže i efektivnije očekujemo i od njih kao što brže i efektivnije možemo sankcionisati one koji tamo eventualno ne rade svoj dio posla. To je riječ administracije. To sam sebi zapisao kao odgovore na pitanja gdina Kojovića. Ako imate još nešto dok sam ja ovdje a sigurno ćemo Kozadra i ja zajedno do kraja još na određena pitanja i diskusije zauzimati zajedničke stavove.

Hvala. To je naš Budžet i vaš Budžet. Ako se danas usvoji glasali vi za ili protiv on je vaš Budžet.

### **Predsjedavajući:**

Zahvaljujem premijeru Konakoviću. Pošto sam ja pitao ima li još pitanja ovo sve nekako prelazi u raspravu. Znači, ja ovim putem otvaram raspravu o Budžetu Kantona Sarajevo za 2015.

### **Poslanik/zastupnik Sabina Ćudić:**

Dešava se pomalo šizofrena rasprava danas jer imamo istovremenu odbranu nacarta odnosno prijedloga Budžeta o kom raspravljamo i imaginarnog rebalansa Budžeta kojim nam se brani svaka primjedba na ovaj Budžet. Tako da sve što ukazujemo na tekuće probleme Budžeta o kom danas raspravljamo dobijamo isti odgovor da će se to riješiti u roku od 60 do 90 dana. Zato neću ulaziti u niz problema koji ovaj Budžet sadrži već ću (nerazumljivo) probleme koje rebalans ne može riješiti. Odnosno ako danas usvojimo ovaj Budžet ovi problemi će biti trajno zacementirani i dodat će dodatne probleme na ovaj socijalni dijalog o kom priča gospodin Kozadra. Naime drago mi je da je gospodin Kozadra završio svoju prezentaciju sa analizom socijalnog dijaloga, odnosno neuspješnosti dosadašnjeg socijalnog dijaloga i izdataka po kategoriji plata i primanja Budžetskih korisnika. Kao što znamo u raspravu o rebalansu Budžeta u decembru prošle godine došli smo do podatka koji smo kasnije istražili dodatno i koji su još alarmantniji od onih prikazanih da je u Kanton Sarajevo prošle godine broj učenika u srednjim školama i osnovnim školama opao za 2000. istovremeno dešava se porast pri zapošljavanju ali ilegalnom, dakle ne regularnom zapošljavanju bez odobrenja Vlade u broju od 500 dodatnih poreskih kartica koje je sam gospodin Kozadra identifikovao od kojih je samo 1 uz odobrenje Vlade. Dakle imamo 499 novozaposlenih, ilegalno novozaposlenih. A sada ću objasniti zašto i kako ilegalno. U situaciji gdje broj učenika zbog stope pada nataliteta kako u BIH tako u Kanton Sarajevo rapidnog pada nataliteta dolazimo do jedne ogromne nelogičnosti. Zašto rebalans neće riješiti ovaj problem? Na Komisiji koje sam član, Komisiji za ravnopravnost polova imali smo predstavnike predlagača Budžeta iz kabineta gđina Kozadre gdje nam je eksplicitno odgovoreno da je ovaj Budžet zaključno sa 31.12.2014 uzeo u obzir sva zaposlenja koja su se u 2014 desila. Te nam je eksplicitno odgovoreno da dobrim dijelom, citiram :“legalizuje sve ove neregularno zaposlene u domenu obrazovanja“. Dakle, ovaj Budžet će legalizovati odnosno uvesti u sistem onih 499 zaposlenih koji su tu došli bez odobrenja Vlade. Ovo je dobar momenat naravno da naglasimo kako mi isto tako rečeno od strane predlagača da osnovne i srednje škole ne podnose izvještaje Skupštini Kantona Sarajevo već predaju zajedničku informaciju. Znamo koja je razlika između izvještaja i informacije tako da nikada ove klupe, odnosno poslanici i poslanice u ovoj Skupštini nisu ni odlučivali o finansijskom kriminalu koji se u tom sektoru dešava. A zašto je u pitanju finansijski kriminal? Svi Budžetski korisnici uključujući osnovne i srednje škole potpisuju sporazum odnosno potpisuju izjavu, kako nam je ponovo rečeno iz kabineta gđina Kozadre kojima se obavezuju da Budžetska sredstva koriste u skladu sa zakonom. Na žalost ponovo priznato je da ti sporazumi ostaju mrtvo slovo na papiru odnosno da ni na koji način nisu predmet niti finansijske istrage niti krivičnih postupaka. Tako da dolazimo evo došli smo u situaciju gdje ćemo to legalizovati. Ono što mene interesuje kome u konačnosti naravno šteti ovaj proces. To je naravno učenicima i učenicama đacima Kantona Sarajevo koji kada škola recimo dobije sredstva kako sam i u decembru upozoravala kada dobije sredstva za obnovu krova, izgradnju sale za tjelesni odgoj i ne znam, informatizaciju itd. Ta sredstva odlaze na zapošljavanje kao što možemo pretpostaviti stranačkih kadrova mimo zakona i mimo bilo kakvih zakonskih odluka. Rečeno mi je da će detaljnija informacija o ovom stajati u izvještaju o izvršenju Budžeta koji ćemo usvajati u aprilu ove godine, ali bojim se da će naravno tada biti prekasno. Neregularnosti su već ustanovljene, mi ćemo usvojiti Budžet, ti ljudi će ući u sistem, rebalans ih neće moći izbaciti iz sistema a izvještaj o izvršenju Budžeta će pokazivati te nepravilnosti ali će biti tada prekasno da išta po tom pitanju uradimo. Dakle, samo da naglasim

radi se o 5735 uposlenih kako smo na prethodnom slajdu koji je upravo gospodin Kozadra pokazao, uposlenih u osnovnim i srednjim školama gdje je u protekloj godini ostvaren porast za 9,5% uposlenih. Ponavljam u godini kada je rapidni pad broja učenika. Imam konkretna pitanja zapravo ne za godinu Kozadru niti za premijera već za novoizabranog ministra obrazovanja. Interesuje me može li nam obećati da nam se danas obrati, može li nam obećati da će u narednih 45 dana podnijeti ovoj Skupštini detaljan izvještaj o ovim finansijskim malverzacijama i koliko je Budžet oštećen i kako možemo spriječiti nastajanje dodatnih zaduženja po ovom pitanju? I drugo pitanje, kako će socijalni dijalog zar ne radimo nešto, znači postavljamo sami sebi zamku. Zapošljavamo ljude neregularno, a zatim očekujemo da će oni u socijalnom dijalogu odustati od svojih plata i primanja radi ušteda Kantona Sarajevo. Hvala.

**Poslanik/zastupnik Amel Mekić:**

Dobar dan. Pošto se prvi put javljam ja želim da se zahvalim vama predsjedavajući i da pozdravim uvaženog premijera, ministre, zastupnike i naravno gledaoce ispred malih ekrana. Gledajte, da bih se ja mogao očitovati da li ću podržati Budžet za 2015 godinu, ja bih postavio par pitanja našem uvaženom premijeru. Jer vaša izlaganja su uopštena, a ja želim tačno da mi navedete korake koje ćete uraditi za podizanje privrede Kantona Sarajevo i naravno rak rana našeg društva to je korupcija. Evo uzet ću za primjer ZZO i kompletno naše zdravstvo. Naravno, šta ćete uraditi za obrazovanje, šta će biti sa Grasom, a šta za ZOI-om? Jer evo, novi sam ovdje u kantonalnoj Skupštini, jedno se priča, drugo se misli, a treće se radi. Pa da tačno preciziramo korake koji će omogućiti da se naše društvo ekonomski izvuče iz ovog kolapsa. Hvala. Toliko od mene.

**Poslanik/zastupnik Slaviša Šućur:**

Evo još jednom pozdravljam sve. Zaista nalazimo u jednoj vrlo čudnoj situaciji i čovjek se pita koliko ima smisla ulaziti previše u strukturu ovoga Budžeta. Dakle mi nismo u mogućnosti, svjesni smo pritisnuti rokovima da bitno utičemo na izmjene i tako da mislim da smo čak malo i nepotrebno potrošili puno vremena i ostali smo zbunjeni jer je dosadašnji premijer lijepo je to što je prenio iskustva svojim nasljednicima. Ali mogao je to uraditi dolaze iz iste političke stranke. Ja se nadam da ćemo imati priliku zaista brzo da pričamo o rebalansu kada ćemo imati priliku da kažemo šta zaista mislimo o Vladi novoj Vladi i njenoj politici. Jer ovaj Budžet je odraz politike stare Vlade koja više nije tu i mislim da nema previše svrhe. Mi danas treba da usvojimo Budžet da bi život moga da teče dalje a promijenit nećemo ništa. To treba da bude svima jasno. Mi smo dobili uz materijale jedan čudan dokument kakav ja nikada nisam vidio, iskoristit ću priliku u okviru ove tačke da o tome nešto kažem. A to je bilo izjašnjenje Vlade na izvještaje skupštinskih komisija. U kojima je pisalo na puno mjesta da Vlada ne prihvata izvještaje skupštinske komisije ili prihvata izvještaje skupštinske komisije. To je meni zaista neshvatljivo i neprihvatljivo. Skupštinska tijela rade i odgovaraju za skupštinu ne za Vladu. I ne znam otkud pravo Vladi da prihvata ili ne prihvata izvještaj skupštinske komisije. Vlada može prihvatiti ili ne prihvatiti amandman. Da se razumijemo, ako se radi o konkretnom amandmanu na Budžet ili na neki dokument kao predlagač. Ali o izvještajima nema pravo da se izjašnjava. Ako je to najava manira u kom će Vlada upravljati skupštinom mislim da je to loše, ja se nadam da premijer kao dugogodišnji poslanik/zastupnik u Skupštini Kantona i ne pomišlja da uvede nešto tako jer to bi zaista bilo skandalozno u najmanju ruku. Evo toliko.

**Poslanik/zastupnik Mersiha Omerbegović:**

Zahvaljujem predsjedavajući. Pozdravljam sve prisutne i građane Kantona Sarajevo koji prate današnje zasjedanje. U ime Kluba DF-a dat ću kratak osvrt na prijedlog Budžeta za 2015 godinu. Obzirom da je Budžet instrument politike a da je prethodna Vlada utvrdila prijedlog i uputila ga u parlamentarnu proceduru po hitnom postupku ovaj Budžet u potpunosti oslikava politiku prethodne Vlade. Predloženi Budžet ne sadrži politike novoizabrane Vlade pa time i

politike DF-a, kao članice ove koalicione Vlade. I prihodovna a posebno rashodovna strana ukazuje na te politike i iznijet ću samo nekoliko podataka u prilog ove tvrdnje. Projekcija prihoda u Budžetu za 2015 godinu iznosi 676.300 KM što je za 15,30% manje u odnosu na Budžet prethodne godine. Na osnovu ovoga trenda na prihodovnoj strani čini mi se neprimjerenim raspored utroška sredstava na rashodovnoj strani. Pa u dijelu tekućih izdataka najveći udio imaju plaće i naknade troškova zaposlenih, koje su za 4.380.400,00 veće od iznosa na ovoj poziciji u prethodnoj godini. Pa je samo obrazovanju gdje imamo i tehnološki višak planirano finansiranje 160 novoupisanih a svake godine je sve manje novo-upisanih učenika. Politika DF-a kao i programski cilj koalicije u pogledu zapošljavanja u javni sektor je jasna i sadrži odluku o maratorijumu na zapošljavanje u javni sektor na period stabilizacije. Povećanje izvršilaca u javnom sektoru će stoga imati podršku samo ukoliko se radi o kapacitiranju pravosudnih organa zaduženih za otkrivanje i procesuiranje kriminala i korupcije. Ugovorene i druge posebne usluge su čak za 2.309.300,00 veće od iznosa u prethodnoj godini a da za ovo povećanje nema čak ni obrazloženja. Ovo dakako baca sumnju na transparentnost u trošenju javnog novca a posebno jer se radi naglašavam o ugovorenim i drugim posebnim uslugama. U isto vrijeme kapitalni transferi su umanjeni za cca 5 miliona KM. Pa stavimo li u odnos kretanje tekućih izdataka i kapitalnih transfera da se primijetiti da je ovo potrošački Budžet. Što ne priliči dakako ekonomskoj situaciji u kojoj živimo i koju svakako želimo mijenjati. Uz ovakve trendove na rashodovnoj strani nerealno je očekivati da će se kroz suficit u naredne dvije godine a kako kolega Kozadra reče u obrazloženju naredne tri godine pokriti akumulirani Budžetski deficit od 61 milion KM kako je planirano u Budžetu. Naime, izvjesnije je da bi se Budžet našao u poziciji da mu se deficit povećava i da se krpjenje Budžetskih rupa finansira novim zaduženjima. Kako je alternativa usvajanje ovakvog Budžeta njegovo ne donošenje što bi svakako značilo blokadu sistema i gotovo svih procesa u Kanton Sarajevo, time i obustavu isplate plaća, socijalnih, boračkih i svih drugih naknada i obaveza, Klub DF-a će podržati predloženi Budžet uz Zaključak da se zaduži Vlada da u što kraćem roku, a najmanje za 60 dana pripremi rebalans Budžeta. Zahvaljujem.

**Poslanik/zastupnik Segmedina Srna Bajramović:**

Zahvaljujem uvaženi predsjedavajući. Pozdravljam sve prisutne. Pa evo iako sam potpuno svjesna svih ograničavajućih faktora kada je u pitanju današnja rasprava o Budžetu posebno vremena i nove kadrovske strukture Vlade, ipak smatram da neke stvari treba reći s ciljem detekcije ključnih problema u finansijskom planiranju koje ovaj Kanton rashodovnim pritiskom nezaustavljivo vode ka finansijskom kolapsu. Također želim jasno istaći da bez obzira na naše međusobne političke razlike svakome treba dati šansu da u okviru svog resora konkretnim potezima pokaže kako vidi realizaciju obećanog. Na žalost svjedoci smo da mi u jednoj sedmici imamo glasanje odnosno sjednicu na kojoj potvrđujemo Vladu i evo danas glasanje o najvažnijem finansijskom dokumentu, ali ipak smatram da je politički korektno da danas svi u svom kapacitetu pokušamo jasno istaknuti više sugestije neko li kritike o tome gdje su otežavajuće okolnosti finansijskog planiranja u Kantonu Sarajevo. Budžet koji imamo pred sobom ustvari pokazuje da je sistem u potpunosti izgubio mehanizam kontrole vlastitog održavanja i ako toga nismo svi zajedno ovdje svjesni onda smo u velikom problemu. Razloga je sigurno više, pojedinačno se možemo ubjeđivati i vjerovatno b smo svi bili u pravu u detekciji različitih uzroka, ali ono što se suština jeste kako je zajednički sadržilac svim pojedinačnim razlozima neodgovorna politika. Prostora za politički komformizam više nemamo, i zato u interes svih onih koji očekuju stabilnost javnog sistema i po horizontali i po vertikali, moramo početi pisati istinite, tačne iznose u Budžet. Politička pragma jednogodišnjih preživljavajućih Budžeta sa evidentiranjem deficita koji se pokrivaju primitcima iz kreditnih zaduženja i zapravo samo odlaganje problema koji mora biti naprosto zaustavljeno u interesu svih građana Kantona Sarajevo. Vrijeme je da dobijemo Budžet istine u ovom kantonu sa svim pokazateljima koji će realno stanje koje živimo pokazati u brojkama i očekujem ga i većina nas očekujemo od ove



Vlade u vidu rebalansa. Ne želim da kreatori ovog Budžeta misle da se u ovim mojim konstatacijama krije bilo kakva optužba nego isključivo jasna poruka kako nam treba rješenje koje će nas zajedno vratiti u finansijsku realnost jer nam vrijeme nepovratno curi. Pitanje jednostavno da li će naredna finansijska godina uopšte biti prilika za takvo nešto pogotovo kada se uzmu parametri poreznog potencijala koji nas očekuje. Kao konkretan dokaz ovome o čemu sam govorila želim jasno pokazati komparacijom dva dokumenta koja danas imamo kao tačke dnevnog reda a to je Budžet i DOB. Koji bi po svojoj suštini zapravo velikim dijelom trebali biti konzistentni jedan drugome po pitanju ključnih finansijskih parametara ukoliko nema neke velike ekonomske krize. U Budžetu imamo konstatacije predlagača citiram: „prihodi Kantona su planirani u skladu sa važećim propisima koji definišu i određuju pripadnost kantonu uvažavajući sve aktivnosti koje se sa aspekta atuelnih fiskalnih mjera provode na višim nivoima vlasti i njihovih refleksija na Budžet Kantona. Projekcija prihoda Budžeta Kantona Sarajevo za 2015 godinu izvršena je na osnovu postojećih zakonskih propisa i iznosi 676.300.000, 00 KM što je za 15,30% manje u odnosu na Budžet Kantona Sarajevo za 2014.godinu. u DOB-u za period 2015-2017 citiram stoji: „Na osnovu iznesenog se vidi da je ukupni prihodni potencijal Kantona Sarajevo u 2015 godini 612 miliona KM ili 23,35% manji u odnosu na prethodnu godinu.“ Dakle potpuno sam svjesna kako su ova dokumenta rađena u različitim vremenskim periodima sa odmakom od nekoliko mjeseci. Ali pokazuje nepreciznost u pristupu. I rekla bih jednu nedopustivu fleksibilnost. Razlika u planiranju 64 miliona KM. Iza koje opet stoji politički pragmatizam vođen rashodovnom politikom. Odnosno rashodovnim pritiskom. Zato smatram da je vrijeme da se oko nekih stvari, tačnije reformi u ovom kantonu postigne opšti politički konsenzus jer u protivnom niti ćemo mi a niti će Vlada imati svrhe sjediti ovdje gdje sjedimo jer javnom sistemu prijete nesagledivi finansijski problemi. Prije nego što završim, želim istaknuti još jedan argument u prilog ovome o čemu sam govorila i što nas sve zajedno treba dodatno uozbiljiti a to su konstatacije po pitanju akumuliranog deficita. I dosadašnjih kreditnih aranžmana koji su sigurno najveći uteg novoj Vladi a koja također citiram iz oba dokumenta. Uskoro završavam. Naime u Budžetu Kantona Sarajevo za 2014 godinu očekuju se kreditna sredstva u ukupnom iznosu od 142.701.400 miliona u ovom momentu nije poznato da li će se Kanton Sarajevo kreditno zaduživati u 2015 godini. Prijedlog Budžeta Kantona Sarajevo za 2015 godinu planiran je akumulirani deficit iz prethodnih godina u iznosu od 90.520. 800 KM pokriće akumuliranog deficita iz prethodnih godina u 2015 kolega Kojović je čini mi se već govorio o tome planirano je iz 10 miliona tekućeg suficita i 20 miliona maraka dugoročnih kredita. Ostatak akumuliranog deficita bit će pokriven u naredne dvije fiskalne godine što se može vidjeti iz planiranih većih prihoda u 2016 i 2017 godini u odnosu na planirane rashode. Ove dvije konstatacije same po sebi dovoljno govore u prilog teške situacije u kojoj se nalazimo sa političkim promašajima u finansijskom planiranju koje smo imali prethodnih 10 godina. Već predugo trošimo iznad realnih mogućnosti što nas je uvelo u dužničku krizu koja može imati nesagledive posljedice. Kada gledate Budžet za 2015 godinu možete ga okarakterizirati najvećim dijelom sistemskim, tj potrošačkim i dodatno neizvjesnim sa svim onim finansijskim parametrima koji se odnose na realnost kapaciteta prihodovne strane. Ono što se pokazuje iz godine u godinu bez obzira koja vlast kako Budžet sam po sebi ne znači ništa ukoliko ga ne prate ekonomske i druge sektorske politike. Na kraju, cifre u Budžetu danas nam dokazuju društvenu realnost i stvaraju neodložnu obavezu za ozbiljno društveni dijalog svih zainteresiranih za budućnost ovoga Kantona. Niko nema više alibi da sjedi sa strane, definiše zahtjeve i kritikuje. Vrijeme je za rješenja koja nisu isključivo u sferi politike. Šta god o tome neko drugi mislio. Zahvaljujem.

**Poslanik/zastupnik Mirza Čelik:**

Poštovani predsjedavajući, dopredsjedavajući, sekretaru, kolege i kolegice zastupnici, premijeru ministrice i ministri u Vladi, uvaženi gosti, gledaoci pored malih ekrana, s obzirom da se prvi

put javljam selam alejkum i dobar dan. Pa ovo danas možemo reći da je Budžet u skladu sa dešavanjima u BIH. Naravno da ćemo i zbog zakonskih rokova Klub SDA podržati ovakav Budžet ali da ćemo kroz rebalans odnosno na izlaganje premijera u ekspozeu usaglasiti politike kroz taj rebalans. I u svezi s tim Klub SDA predlaže zaključak koji ću pročitati u cijelosti:

*Obavezuje se Vlada Kantona Sarajevo da u roku od 90 dana pripremi i u skupštinsku proceduru uputi Izmjene i dopune Budžeta Kantona Sarajevo za 2015 godinu.*

Obzirom da je rok do 90 dana molio bih premijera da se izjasni o ovome roku da li je to realan rok za ovu izmjenu i dopunu Budžeta Kantona Sarajevo za 2015, te da se izjasni po osnovu toga. Na osnovu predloženog zaključka molim stručne službe da podijele zaključak svim skupštinskim zastupnicima i da se isti izjasne svim skupštinskim zastupnicima. Zahvaljujem predsjedavajući.

### **Poslanik/zastupnik Eldar Čomor:**

Uvaženi predsjedavajući, dopredsjedavajući, premijeru, članovi Vlade, kolegice i kolege zastupnice i zastupnici, selam alejkum i dobar dan. Budžet za 2015 godinu kao što je većina nas ovdje govorila niti je razvojni niti je socijalni, već je realan odnosno stabilizirajući. Uposlenici i broj uposlenika u Kanton Sarajevo je onakav kakav jeste i mi trebamo dati podršku Vladi Kantona Sarajevo i njihovoj namjeri da se te stvari stabiliziraju. Da se mimo odluka Vlade ne vrši upošljavanje, jednostavno da Skupština Kantona Sarajevo stane prije svega iza svojih riječi i da podršku Vladi Kantona Sarajevo da te stvari spriječi i na kraju je li da sankcioniše one koji krše odluke Vlade i odluke Skupštine, odnosno zaključke Skupština Kantona Sarajevo. Plate i naknade u Budžetu Kantona Sarajevo jesu onakve kakve jesu i idu kako idu. Ali ja ću ovdje samo govoriti i napomenuti da bih volio da Vlada Kantona Sarajevo u rebalansu Budžeta malo više povede računa o modelima finansiranja ustanova u Kanton Sarajevo. Ovdje mislim pogotovo na osnovne i srednje škole. Na način kako se te škole finansiraju. Jer realno imamo situaciju da određene škole koje su manje i po broju uposlenika i po kapacitetu i broju učenika nekada dobiju više ili isto od nekih drugih JU, odnosno škola koje imaju puno više učenika, puno više uposlenika, puno više površine, mislim da treba zauzeti nekakav fer korektan i realan odnos prema svim JU u Kanton Sarajevo. A ne ko je jači, ko je ljepši, ko je bolji, kao što je u većini slučajeva bilo i do sada. Jednostavno ta nekakva navika se stekla koja ne bi trebala da bude. Ali jedna stvar u Budžetu koju sam vidio da se prenijela iz prošle godine, krediti u iznosu od nekih 8 miliona KM i namjenska sredstva. Prije svega mislim da to više govori o nesposobnosti onih institucija koje su trebale a nisu realizovale određene projekte koji su bili obezbijedena kreditna sredstva i namjenska sredstva. Mislim da bi nova Vlada Kantona Sarajevo trebala da nađe bolji način, odnosno da natjera određene institucije da ona sredstva koja su evidentna koja su realna, koja su neupitna na kraju krajeva, ne zavise od nekih drugih parametara da dođe do njihove realizacije. Javne nabavke. Sistem javnih nabavki. Mi imamo danas situaciju da je svaki direktor vrši javnu nabavku za svoju ustanovu. Mislim da bi nekim načinom da se te javne nabavke stave na jedno mjesto, da se određuju sa jednog mjesta i mislim da bi puno lakše bilo svima nama da kontrolišemo i da preispitujemo i pitamo jedno mjesto vezano za javne nabavke a ne da svaki direktor vrši nabavku onako kako on misli da može, kako misli da treba, i na kraju krajeva, razlika u utvrđenim cijenama ne znam za nabavku određenih goriva ili nekih drugih stvari. Sve zavisi od škole do škole. Odnosno do sposobnosti menadžera jedne ili druge ustanove kako može da završi tu javnu nabavku. Sve u svemu dovedeni smo u ovu situaciju u kojoj jesmo. Svjesni smo stanja u kojem jesmo, vremena i dana u kojem jesmo. Treba podržati ovaj Prijedlog Budžeta onakav kakav jeste, podržati evo i predsjednik Kluba je govorio o ovom roku do 90 dana kako bi zajedno sa onih 100 dana ocjene rada Vlade pa i rebalansa, odnosno izmjena i dopuna Budžeta dali adekvatnu ocjenu i rada Vlada u prvih sto dana njenog rada, angažmana a i na kraju krajeva da budemo i mi kao zastupnici u prilici u nekoj javnoj raspravi da damo konkretne primjedbe na Budžet Kantona Sarajevo za 2015 godinu jer ovom prilikom nismo bili u mogućnosti niti možemo nešto puno da promijenimo zbog

vremena koje jeste.

**Poslanik/zastupnik Haris Pleho:**

Hvala lijepo. Ja ono što želim da ovdje istaknem, to jeste da skrenem ovoj novoj Vladi jedan bitan akcent koji su vjerovatno, ja ću to smatrati tehničkom greškom, ali moraju da razmišljaju da su preuzeli potpisane ugovore i sporazume od prethodne Vlade kao primjer navest ću kapitalnim projektima gdje u 2014 godine prošla Vlada u Budžetu usvojila 200.000 za objekat u Dobroševićima. Ugovorom je potpisano da se taj projekat do 2015 realizuje. U ovoj knjigi, u ovom dokumentu nisam vidio da je planirano u 2015 godini i jedan fening iz ovoga Budžeta. Smatram zato sam i kazao da je to vjerovatno tehnička greška i da će se u rebalansu naći dio novca za ovaj projekat. Druga stvar imamo također kapitalni projekat koji se odnosi na Školu na Aneksu. Gdje su započeti radovi i gdje imamo završetak radova također u 2016 godini. Kroz ovaj prijedlog Budžeta vidimo da su planirana sredstva ali ne do 2016 već do 2017 godine što je znači prekoračenje toga ugovora koji je potpisan. I tu rebalansom moramo voditi računa da se sredstva iz 2017 ravnomjerno po mom mišljenju rasporede na 2015 i 2016 godinu. Moramo naglasiti da svakako ti objekti ostaju vlasništvo ovoga Kantona. I po meni što je ključna stvar, imamo IX transverzalu koja se priča unazad pet, šest godina a radi se o transferzali na području Općine Novi Grad i ove godine znači ide se u rješavanje imovinsko pravnih odnosa i gdje je nemoguće da jedna opština može to izfinansirati bez pomoći ovoga Kantona a gdje bi samim tim znači jednostavno dobili saobraćaj sigurno poboljšan što je u interesu svakako ovoga Kantona a nisam vidio ni da su ta sredstva predviđena u 2016 ili u 2017 godini. Također imamo obećanja od prethodne Vlade za Memorijalni centar na Brdu Žuč gdje nisam primijetio također da je i jedan fening osim za projektnu neku dokumentaciju dat u ovome Budžetu. Također imamo obećanja od prethodne Vlade za vrtić Vjeverica koji na Alipašinu polju već pet, šest godina tako da kažem stoji neadekvatno a može se upotrijebiti i biti u interesu upravo onoga o čemu smo svi pričali, a to jeste građana. Po mom razmišljanju, ovaj Budžet nije razvojni, nije ni stabilizirajući ako podhitno ne doživi rebalans onako kako smo svi ovdje pokušavali ovdje da to realno dovedemo, on će biti mom mišljenju stagnirajući obzirom da je manji za 100 i nešto miliona od prethodnog Budžeta. Zahvaljujem.

**Predsjedavajući:**

Zahvaljujem zastupniku Plehi. S obzirom da više nemamo prijavljenih za raspravu, zaključujem raspravu.

Obavještavam vas da su se Skupštini Kantona Sarajevo obratili: Faruk Bešlić predsjednik Sindikata srednjeg i visokog obrazovanja, nauke i kulture Kantona Sarajevo i Salih Kruščica predsjednik Samostalnog sindikata državnih službenika i namještenika u organima državne službe, sudske vlasti i javnim ustanovama u FBiH zahtjevima za obraćanje na današnjoj sjednici, vezano za tačku dnevnog reda Prijedlog Budžeta Kantona Sarajevo za 2015 godinu.

U skladu sa članom 115 Poslovnika Skupštine Kantona Sarajevo gosti učestvuju u radu Skupštine prema odobrenju Kolegija.

S obzirom da su zahtjevi imenovanih stigli nakon održane sjednice Kolegija, a Poslovníkom je propisano da ukoliko se ukaže hitna potreba da gost učestvuje u radu i raspravi pred Skupštinom, Skupština može na sjednici odlučiti da mu se da riječ.

Zato bih molio da se izjasnimo da li da dozvolimo obraćanje ovoj dvojici sindikalaca. Ko je za?

Za je glasalo 25, suzdražan niko, protiv niko.

Znači ovom prilikom dajem riječ gđinu Faruku Bešliću predsjedniku Sindikata srednjeg i visokog obrazovanja, nauke i kulture Kantona Sarajevo.

**Faruk Bešlić predsjednik Sindikata srednjeg i visokog obrazovanja, nauke i kulture Kantona Sarajevo:**

Poštovani predsjedavajući, zamjeniče predsjedavajući, zastupnice i zastupnici, premijeru i ministri, dame i gospodo. Ovdje sam da iskažem protest zbog usvajanja Budžeta a da nije vođen socijalni dijalog. Ili to ne za čitav Budžet oko utvrđivanja cijene rada za 2015 godinu. Socijalni dijalog je neophodan po zakonima i međunarodnim sporazumima, Međunarodne organizacije rada, koji imaju te konvencije supremaciju nad našim zakonodavstvom. Očito, predlaganje Budžeta bez socijalnog dijaloga, predlaganje Budžeta bez rješavanja pitanja izvršavanja sudskih presuda, stavljamo dajemo javnosti da ova Skupština ne želi poštovati sudsku vlast. Izvršne sudske presude one se moraju izvršiti, ko ne želi da ih izvrši zna postoje sankcije. Sindikalne sankcije su te to ćemo imati ići dalje u presude i tražiti izvršene ovih sudskih presuda. A što se tiče sindikalne akcije mi ne želimo još govoriti da li ćemo preduzimati neke druge mjere u sindikalnoj borbi. Nije do sindikata da se nisu htjeli dogovoriti oko tužbi. 2009 godine Vlada na čelu sa Mehmedićem donijela odluku o kršenju kolektivnog ugovora. Tada jedini put imate odluku Vlade da je utvrdila topli obrok 11 KM i tada je utvrđeno ako bude sredstava da će se isplatiti regres. Ni za jednu više odluku Vlada nije nikada donijela. Pogledajte akte, ja ih imam. Znači nastavljena je samo utuženje. Nastavljeni su problemi koje smo imali od 2009 godine. Željeli smo da damo podršku Vladi, da razgovaramo, ali ako namirenje sudskih presuda nema u ovom Budžetu, šta možemo očekivati. Ja mogu sada u ime svog sindikata govorim, ja imam takvu pregovaračku poziciju da moj kolektivni ugovor, mog sindikata težak 5 miliona maraka, u tužbama. Jedini ostali. Osnovno obrazovanje nema mogućnost tužbe, policija nema kolektivnog ugovora, državni službenici su za dvije godine zaledili određene članove kolektivnog ugovora. Mi nismo ni jednu. 5 miliona je bilo u igri. U septembru sam ja nudio nagodbu nikada odgovor od ministra finansija i premijera, vd , nisam dobio da sjednemo da razgovaramo kako ćemo. Od septembra do sada je to 2,5 miliona ponovo tužbi. Pa ko to može upravljati više procesom? To su sada pojedinačne tužbe, više mene niko ne pita hoće li biti tužba neće li biti tužba. Svak ide. Znači ovo moramo stati, moramo dogovoriti, moramo vidjeti način naplate tih sudskih potraživanja, da ne bi došlo do blokade ovog Kantona, pitanje života u kantonu. Iako ja imam kritike od svog članstva zašto ja nudim da mijenjamo kolektivni ugovor, ko je mene ovlastio, zašto ja moram da radim itd. Znači ja sam i s druge strane od Vlade nemam signala da želi razgovarati, osim deklarativnog, i premijera pohvaljujem izrazio želju kada je prvi put govorio da moramo postići dogovor i nagodbu. Ovdje još moram reći, vi ćete usvojiti Zakon o izvršenju Budžetu ja ne znam za šta ćete usvajati Zakon o izvršenju Budžeta kada se on sigurno krši (nerazumljivo). Ako su plaće bile drugi prioritet ako su krediti morali do petog i desetog isplatiti a plaće se evo možda danas isplaćuju,. Šta je 25 dana tu? Znači mi smo zadnji prioritet. Neko je prekršio i taj Zakon koji vi danas donosite. Mora se utvrditi odgovornost mora. Za ovo sve što je u Kanton Sarajevo. Ja ne bježim od svoje odgovornosti ali svi premijeri, svi predsjedavajući Skupštine, svi ministri koji su nudili Budžet a nisu predvidjeli namirenje sudskih presuda, kršili su Zakon i sada će se Zakon prekršiti ali su odgovorni čelni ljudi. Znači nema sudskih presuda u ovom Budžetu, predsjedavajući stavio prijedlog Budžeta tu, znači neko mora u tom lancu imati odgovornost. Neka sudovi svoj posao radimo i neka odgovaraju. Mi znači ostajemo još kod dva elementa socijalni dijalog je nezamjenjiv sve što se krene u štrajkove proteste opet socijalni dijalog mora da bude a to nam nije u interesu. I moramo razgovarati ozbiljno o Budžetu o kolektivnom ugovoru a moramo govoriti i u našem resoru gdje možemo naći uštede ali to će biti bolne uštede. Vi morate donijeti tada škola i sve ostalo a to su onda političke odluke od načelnika općina svega toga ali to će biti bolno ali se izgleda morat ćemo to da uradimo. Hvala lijepo.

#### **Predsjedavajući:**

Zahvaljujemo gđinu Faruku Bešliću. Dajemo riječ gđinu Salihu Kruščici.

#### **Predsjednik Samostalnog sindikata državnih službenika i namještenika u organima državne službe, sudske vlasti i javnim ustanovama u FBiH:**

Zahvaljujem. Poštovani predsjedniče Skupštine i radno predsjedništvo, poštovani premijeru i članovi Vlade, poštovani zastupnici, ja sam Adil Aljić na dužnosti predsjednika Koordinacije samostalnog sindikata državnih službenika i namještenika u organima državne službe, sudske vlasti i javnih ustanova Kantona Sarajevo. Sve vas lijepo pozdravljam i zahvaljujem se na pruženoj mogućnosti da iznesem primjedbe sindikata na prijedlog Budžeta Kantona Sarajevo za 2015 godinu. Samostalni sindikat državnih službenika i namještenika u o organima državne službe, sudske vlasti i javnih ustanova u FBiH ističe da je utvrđeni prijedlog Budžeta Kantona Sarajevo za 2015 godinu u kom je predloženo osnovica za obračun plaća u iznosu od 276 KM a koja prethodno nije dogovorena sa sindikatom, i pored višestrukih pismenih zahtjeva sindikata upućenih Vladi Kantona Sarajevo od novembra 2014 godine, a što je bila obaveza prema članu 5. Zakona o plaćama i naknadama u organima vlasti Kantona Sarajevo Službene novine Kantona Sarajevo broj 33/11 i 5/13, nezakonita. To ukazuje da Vlada Kantona Sarajevo nije uvažavala sindikat kao socijalnog partnera već je imala potpuno ignorantski odnos prema sindikatu što je dovelo do višegodišnjeg nepoštivanja i kršenja prava iz radnog odnosa državnih službenika i namještenika, utvrđenih zakonom, Kolektivnim ugovorom i podzakonskim propisima od strane Vlade Kantona Sarajevo. Od donošenja Zakona o plaćama i naknadama u organima vlasti Kantona Sarajevo 28.12.2011 godine Vlada Kantona Sarajevo suprotno odredbama zakona utvrdi Nacrt Budžeta Kantona Sarajevo bez da prethodno sa sindikatom dogovori osnovicu za obračun plaće. Ovaj sindikat se svake godine obraćao Skupštini i Vladi Kantona Sarajevo sa primjedbama na nacrt Budžeta, ukazivao na naprijed navedene činjenice i predlagao mjere koje bi doprinijele značajnim uštedama u Kantona Sarajevo koje nisu prihvaćene od strane Skupštine i Vlade Kantona Sarajevo. Naime, članom 5 Zakona o plaćama i naknadama u organima vlasti Kantona Sarajevo je propisano da Vlada Kantona Sarajevo u dogovoru sa sindikatom utvrđuje osnovicu za obračun plaća u skladu sa članom 5 Zakona o plaćama i naknadama u organima vlasti FBiH, s tim da se ne može utvrditi veća osnovica od osnovice utvrđene na federalnom nivou. Članom 5. Zakona o plaćama i naknadama u organima vlasti FBiH propisan je način utvrđivanja osnovice za obračun plaća i ona iznosi 360,80 KM, s tim što je u dogovoru sa sindikatom na Federalnom nivou utvrđena umanjena osnovica u iznosu od 315 KM. Osnovica za obračun plaća u Kantonu Sarajevo za 2012 bila je utvrđena u iznosu od 283,00 KM retroaktivno na insistiranje sindikata, tek u 2013 godini a za 2013 i za 2014 također na insistiranje sindikata po već utvrđenom nacrtu Budžeta je utvrđeni iznos od 276 KM. Činjenica je da je navedena osnovica od 276 KM manja od zakonom utvrđene osnovice za 23,5% a osnovice koja se isplaćuje iz federalnog organa je 12,4%. Ona je značajno manja od osnovice koja je isplaćuje u Gradu Sarajevo, kao i svim općinama u Kanton Sarajevo i FBiH, što je sam i premijer maloprije rekao. Sindikat je, imajući u vidu ekonomsko socijalno stanje u Kanton Sarajevo, i u Budžetu Kantona Sarajevo za 2014 godinu prihvatio u pregovorima sa vladom Kantona Sarajevo osnovicu u iznosu od 276 KM. Sindikat je i tom prilikom isticao kako prema Vladi Kantona Sarajevo tako i na Skupštini Kantona Sarajevo ponovo ističe da su plaće i naknade koje nemaju karakter plaće državnih službenika i namještenika u Kanton Sarajevo značajno manje od plaća i naknada na federalnom nivou, od plaća i naknadama u svim općinama Kantona Sarajevo kao i svim općinama u FBiH. Manje su i od plaća i naknada i od MUP-a Kantona Sarajevo, od plaća i naknada uposlenika u obrazovanju, manje su od plaća i naknada u svim javnim preduzećima u Kanton Sarajevo, pa i onih koji posluju sa gubicima a finansiraju se iz Budžeta. Radi se o višemilionskim gubitcima. Naime, zbog izmjene i dopune Zakona o državnoj službi ukinata je naknada po osnovu ocjene o rade, procenat uvećanja plaće po osnovu minulog rada za 0,6 svaku započetu godinu penzijskog staža, smanjen na 0,5. pravo na jubilarnu nagradu iako je utvrđena kolektivnim ugovorom, nije propisano zakonom o plaćama i naknadama u organima vlasti u Kanton Sarajevo i ista se ne isplaćuje državnim službenicima i namještenicima u Kanton Sarajevo. Ovaj sindikat vodeći računa o teškoj ekonomskoj situaciji nije zahtijevao striktnu primjenu linearnog povećanja osnovice za obračun plaće na osnovu povećanja troškova života, ali shodno članu 1 kolektivnog ugovora o

izmjenama i dopunama općeg kolektivnog ugovora za teritoriju FBiH. Ono što posebno naglašavam je činjenica da su dana 06.12.2013.godine potpisane i objavljene izmjene i dopune Kolektivnog ugovora za službenike u organima uprave i sudske vlasti FVBIH objavljene u službenim novinama broj 97/13 kojim se na period od dvije godine utvrđuje umanjeni iznos naknade za TO i regres a što nije učinjeno sa kolektivnim ugovorima u drugim sindikatima. Primjera radi, sindikat navodi da je neto plaća za najčešća radna mjesta državnih službenika i namještenika, namještenik referent 717, 60 KM, državni službenik stručni saradnik 1.021,20 KM. Prema tome, ovaj sindikat je imao osjećaj za tešku ekonomsku socijalno stanje u državi a ne odgovornom politikom Vlade Kantona Sarajevo i ne primjenjivanjem odredbi iz člana 9 Zakona o izvršenju Budžeta Kantona Sarajevo prema kojoj su plaće i doprinosi porezi i naknade zaposlenicima na drugom mjestu u dinamici izvršenja Budžeta dovedeni u situaciju da državni službenici i namještenici u Kanton Sarajevo od početka 2013 godine primaju platu zadnjeg dana u narednom mjesecu za prethodni mjesec, a do kraja 2012 godine plaće su isplaćivanje do 6. u narednom mjesecu za prethodni mjesec. Sindikat je konstantno ukazivao Vladi Kantona Sarajevo da kašnjenje u isplati plaća dovodi do višestrukih problema. Počev od obračuna visokih zateznih kamata po kreditima do opomena kako članova sindikata tako i njihovim žirantima koji se još i naplaćuju i da je sve veći broj naših članova koji nisu u mogućnosti, iako rade, da prehrane svoje porodice. Međutim i pored svih zahtjeva sindikata plaće za novembar mjesec 2013 je isplaćena tek u januaru 2014, a ispunjenjem zahtjeva sindikata da se plaća za mjesec novembar 2014 isplati u decembru 2014 godine od iste je odbijen i porez na dohodak i po tom osnovu i onako niske plaće državnih službenika i namještenika umanjene u prosjeku za 80 do 100 KM. Sindikat se obratio Vladi Kantona Sarajevo sa zahtjevom obzirom da se odnosi na novu Vladu želim da uvaženi poslanici uzmu u obzir i da imaju u vidu samo činjenice koje ću iznijeti. Sindikat se obratio vladi Kantona Sarajevo sa zahtjevom:

1. Izjednačavanje osnovice za obračun plaća sa federalnim organima i uprava na iznos od 315.KM,
2. planiranje sredstava u Budžetu za isplatu pravosnažnih sudskih presuda po tužbama državnih službenika i namještenika, što je zakonska obaveza.
3. redovnu isplatu plaća u isto vrijeme svim Budžetskim korisnicima
4. poštivanje važećih zakonskih propisa, Zakona o radu, Zakona o plaćama, Zakona o izvršenju Budžeta Kantona Sarajevo Kolektivnog ugovora.

Kako dosadašnja Vlada Kantona Sarajevo nije ispoštovala navedene zahtjeve sindikat je organizovao i proveo štrajk upozorenja i donesena je odluka o vođenju generalnog štrajka ukoliko novoimenovana Vlada hitno ne pristupi pregovorima sa sindikatom ne ispuni postavljene zahtjeve koji su realni i opravdani. Mi smo pažljivo slušali Ekspoze uvaženog premijera i pozdravljamo odluku da se pristupi pregovorima odnosno da se svi dosadašnji problemi koji su evidentni protekloga perioda više ne guraju pod tepih nego da se zaista počnu rješavati jer oni su iz dana u dan usložnjavaju i nagomilavaju što reče kolega doći ćemo u situaciju da više nećemo da ih kontrolišemo. Ovaj sindikat ističe da nema ništa protiv kolega članova sindikata MUP\_a Kantona Sarajevo i članova sindikata obrazovanja u Kanton Sarajevo, ali smatra da su državni službenici i namještenici diskriminirani u odnosu na ostale, imajući u vidu da su njihove plaće i naknade koje nemaju karakter plaća manje, da se isplata plaća ne vrši u isto vrijeme svih Budžetskim korisnicima i da se žalbe na prvostepene presude po osnovu potraživanja iz radnog odnosa izjavljivale i povećavali troškovi sudskog postupka samo za državne službenike i namještenike čime je značajno oštećen Budžet Kantona Sarajevo a za što je odgovorna vlada odnosno Vlade, sve prethodne Vlade Kantona Sarajevo. Vlada je svojom neodgovornom politikom dovela do urušavanja digniteta državnih službenika i namještenika što sigurno nije cilj reforme javne uprave, obzirom da isti obavljaju složene i odgovorene poslove i zbog čega su i doneseni posebni zakoni koji tretiraju prava i dužnosti službenika i namještenika. Sindikat ponovo predlaže mjere koje bi doprinijele uštedama u Budžetu Kantona Sarajevo za

2015 godinu a koje su ranijim prijedlozima nisu bile prihvaćene. Ja neću da ovom prilikom oduzimam dragocjeno vrijeme da zamaram. Mi smo vama dostavili prijedlog 25 mjera. Smatramo da zaista još ima dosta vremena da se postignu značajne uštede kako bi se po osnovu potraživanja i po osnovu ugroženosti radničkih prava ljudima vratilo dostojanstvo i bar nekakav minimum plaće uskladio sa FBiH. Znamo da su plaće ionako male ako još zakidate i to malo, u razgovorima u svim pregovorima mi smo rekli Vladi i poručujemo novoj Vladi, ako treba da se odrekemo godinu plaće ali da znamo zbog čega. Ali da se u isto vrijeme novac troši netransparentno, nenamjenski a da se vamo nama otkida da nemamo mi smo u situaciju mi koji radimo da prehranjujemo svoje porodice, to zaista nema smisla i u ovom momentu sindikati odnosno naši članovi su zaista odlučni da idu do kraja sa štrajkom kako bi svoja stečena prava i ostvarili. Hvala lijepo.

### **Predsjedavajući:**

Zahvaljujemo gđinu Salihu Kruščici. Dajemo riječ predlagaču Zakona. Gđinu Kozadri i Konakoviću, uvaženi zastupnik Kozadra, pa premijer Konaković.

### **Poslanik/zastupnik Muhamed Kozadra:**

Neću puno komentirati sindikalce. Samo ću preporučiti Vladi novoj i dat ćemo materijale sve koje smo imali. Ja sam učestvovao u četiri Vlade. I pregovarali sa sindikatom oko iznalaženja rješenja. Dat ćemo im video zapise ima preko 12 sahata snimljenog materijala. To sam u uvodnom rekao kako i na koji način smo pokušali postizati dogovore, i kako su se mijenjali premijeri itd. Iznio kompletnu situaciju o tužbama i pokušajima da se iznađu. U martu poslali prijedlozi sem državnih službenika i namještenika koji su potpisali temporalnog karaktera primjenu odredaba Zakona o državnim službenicima i namještenicima. Ostali niko nije to učinio niti vratio to prema Vladi. Uzelo se iz kolektivnog ugovora. Mi ovdje govorimo o 11.000 uposlenika. A svih 11.000 uposlenika se referiraju na Zakon o državnoj službenicima i namještenicima izuzev policije. Znači i oni trebaju da donesu svoj Zakon i kod njih je drugačija osnovica no ova. Uzeli su osnovicu, uzeli koeficijente a dalje sem državnih službenika i namještenika niko nije prihvatio. Ignorantski odnos znači ove kasete će pokazati ali ja zaista niti Vlada nije mislila radila ovaj Budžet. Stara Vlada. Mislila je da će u ovom periodu nova Vlada raditi da ne komentiram dalje. Komentirat ću samo odraze Segmedini Srna. U uvodnom mom izlaganju ovdje sam rekao razliku između prihodovnog kapaciteta DOB-a i Budžeta. Pa sam rekao u stenogramu možete naći, 64 300 odnosi se na sljedeće stavke: nismo znali koliko neće biti završenih projekata. Mi smo ih planirali. 21 miliona razgraničenih gledali ste ovdje. Nismo znali da neće biti potrošeno 13 miliona kredita ostalo 8,4 miliona. Tada nismo znali. Trebali se potrošiti do kraja nisu potrošeni. 20 miliona kredita nismo znali, bilo je 140 miliona prošle godine prijedlog uzeli smo 18. do danas ne znamo al je prijedlog 20 miliona hoćete li usvojiti ili nećete. Znači ni tada ga nismo znali. 6 miliona privatizacija, obrazložio sam. Zbog čega nismo naplatili 6 miliona a očekivali smo. Poslije usvajanja DOB-a došlo je do stavljanja van snage Agencije za privatizaciju tako ni tih 6 miliona nije ušlo u tom. I 5 miliona više naplaćenih prihoda poreza na dobit, poreza na dohodak koji su iznad Budžeta naplaćeni. Toga nije bilo u to vrijeme jer mi tada koristimo okvir Budžeta. Prema tome, govoriti, ja bih volio da mi kažete, ovo sam u uvodu rekao zašto se razlikuje, koje su to neistine i netačne cifre u ovom Budžetu. Da je Budžet izgubio svoju potpunu kontrolu to sam dao kroz obrazloženje da nije tačno. Pored posmaka od 2,5 mjeseca primanja i odgovaram odmah na pitanje ovdje prvog, drugog, trećeg i četvrtog prioriteta isplate i plaća na kraju krajeva Budžetskim korisnicima. Znači Zakon o Budžetima član 80. u starom Budžetu a u novom Budžetu član 8, član 42 i član 45 govore eksplicitno o položaju i prihvatanju Zakona o Budžetima i drugih zakonskih propisa, gdje izričito kaže ali u različitim članovima, ja ću vam prepričati šta, a je bilo tada rečeno u jednom članu, svi zakoni i propisi po kojima nastaju obaveze ako su veće od Budžeta primjenjuje se Budžet. Eksplicitno. Budžet se primjenjuje. Ono što je u Budžetu i niko nema pravo znači

Zakon koji je Zakon o Budžetima dao je aproprijativno pravo a to je prenesemo pravo. Aproprijacija direktno stoji u Budžetu ovlaštenje zakonodavne vlasti izvršnoj vlasti bilo kojeg nivoa dokle može trošiti, dokle u Budžetu stoji. Sve preko Budžeta jeste nenamjensko trošenje sredstava, zloupotreba položaja. Prema tome, svaki Budžetski korisnik od, nek oprostite, evo od vatrogasaca pa nadalje, od svih 165 bilo koje škole, koliko je u Budžetu dozvoljeno ima toliko se ponašati i trošiti. Sve ostalo je ovo što sam maloprije rekao. Član Zakona 5 o plaćama i naknadama izričito je rekao, ovo sve što su sindikalci rekli, ovo je istina. Samo nije još istina trebalo je reći i dopuniti da jedna od Vlada koja je vodila pregovore i sa ovim istim sindikatima i na nivou Kantona i na nivou FBiH, a to sam u uvodnom rekao da smo imali potpisan temporalnu primjenu, odnosno moratorij na ovo čijem se temelji utuženje na nivou Kantona Sarajevo. Znači FBiH je potpisala i izričito isti taj sindikat koji sjedi ovdje potpisao je za FBiH da se ne primjenjuje TO 2% nego 1% i da se ne primjenjuje 50% od federalnog prosjeka, odnosno 70% ali izričito u toj tački, imam taj materijal ovdje ali imaju ga i oni, a se ne odnosi na kantone i općine. Šta to znači. Isti sindikat isti Zakon o Budžetu, isti Zakon o plaćama dva različita pristupa. I ja sam milion puta rekao ovdje da je najniža osnovica u Kanton Sarajevo. Evo u ovoj zgradi sjedimo 315 u Općini centar, kod nas je 276. ali čega je ona odraz? Ona je odraz Budžetske mogućnosti. A to sam rekao. Svake godine, ove godine je namjanja razlika zahtjeva. 204, 205 miliona. Znači Budžet se pravi od prihoda. I vi trošite kući od prihoda što imate. Znači ovdje Budžet mora biti kreiran na spram prihodovne mogućnosti i kapaciteta raspoloživo a ne od zahtjeva i ne od onoga što je i to smo rekli, da je more zakona neusglašeno, nije izvršena harmonizacija da oni posebno u socijalu gdje imamo izdvajanja daleko veća od naše mogućnosti. Stoga kada smo rekli sve Vlade ne ova Vlada i općinska vijeća imamo ako hoćemo prosperitet u cijelom društvu onda svi moramo zajedno istovremeno odreagirati. Što sam rekao da Kanton odnosno Budžet nije izgubljena kontrola. Ovaj posmak od 30 dana u zakonu kaže poslodavac ima ispostaviti uposleniku platnu listu u roku od 30 dana po završetku mjeseca. I tačka. Poslije ispostavljene platne liste svaki uposlenik ima pravo poduzimati zakonske norme za naplatu svojih potraživanja. Mi nismo prekršili izuzev novembarske plate 2013 godine kada nismo imali sredstva s kojim ćemo isplatiti to. Znači nema kašnjenja. A zašto nema kašnjenja. I nije istina. Zakon o obligacionim odnosima kaže ima se platiti najstarija obaveza jel tako bilo kojeg prioriteta. Tako? Onaj koji potražuje ima pravo da traži. Šta mu se treba platiti ali po istom članu zakona kaže ima se platiti ono što je najstarije. E mi smo pravili kombinacije najstarijeg i tekućeg života po prioritetima. Broj 1 vraćanje obaveza kreditnih plaće materijalni troškovi, transferi tekući, kapitalni izdaci po zakonu kako je Zakon definirao. Zakon o izvršenju Budžeta. I Zakon o izvršenju Budžeta ovo što je Bešlić govorio on se odnosi samo na ovaj zakona. A Budžet je Zakon. Kada je usvojen on je Zakon. I on se odnosi na izvršenje ovih pozicija. A u ovom Budžetu je prva pozicija deficit. Sijalicu nemojte uračunati 1 kw potrošen u novoj godini a imamo deficita imali smo ga 126, imali smo ga da ne govorim o kontinuitetu rasta deficita od 2012 24 miliona, 2013 98 miliona, pa prošle godine 126 miliona, pa sada znači on je prva stavka. Prva stavka koja se ima izvršiti. Evo da poštuemo do kraja Zakon o obligacionim odnosima to bi bilo. Međutim usaglašavanje pozicija sa svim potražiocima i osiranjem izvoda otvorenih stavki na 31.12. postiže se ovaj konsenzus da idemo tekući život da vodimo da nestane i da djelimično isporučujemo i plaćamo obaveze koje su nastale iz ranijih perioda. Znači to je suština i nije Budžet Kantona kolabirao u tom smislu sa aspekta. Ima opterećenja s aspekta likvidnosti solventnosti, pokriće tekućih obaveza i ukupnih obaveza. Ali smo sve izvršavali u kapacitetu prihoda koji jeste i po zakonu o izvršavanju Budžeta i zakona o trezoru. Ja zahvaljujem. Pokušao sam kombinirati. Ja se izvinjavam ako sam prekoračio. Studenti i đaci znači u onim tabelama koje su date, tamo tačno stoji koliko je pripravnika više od Budžeta, pripravnika preko zavoda zašto imamo povrat. I oni preko koji nisu preko Zavoda za što ima tačna cifra koliko su isplaćeni jedni koliko su drugi isplaćeni a posebna priča su normativi primjena normativa po broju učenika i to smo tražili. Zaista godinu i pol dana nije bilo ministra koji će raditi. Mi smo, postoji od 18 do 32 učenika u razredu da se nađe



optimalno i da se odredi broj uposlenika u obrazovanju naspram učenika koje imamo i pada učenika. Ona tabela koju smo pokazali ovdje tačan pad učenika koje vi prihode ostvarujemo. Mi ostvarujemo manje prihode po tom osnovu za 12 miliona za srednje i osnovu obrazovanje iz indirektnih poreza. Upravo zbog tih stvari gdje moraju biti urađeni i primijenjeni normativi i koliko će biti odjeljenja koliko će biti nastavnika, koji je to tehnološki višak, kako se treba upošljavati. To je jedan ogroman proces koji je i ove četiri Vlade koje su bile prije naslijedile to, pokušavale da razriješe zajedno i sa sindikatom, i sa svim ostalim u procesu i ovoj Vladi ostaje da ako želimo da dovedemo do ravnoteže.

**Predsjedavajući:**

Zahvaljujemo zastupniku Kozadri, uvaženi premijer Konaković. Zaključena je rasprava nemamo više. Poslovnička intervencija uvaženi zastupnik Šućur.

**Poslanik/zastupnik Slaviša Šućur:**

U ranijim izlaganjima premijer je rekao da je Vlada napravila neke intervencije na ovaj tekst Budžeta.

**Premijer Elmedin Konaković:**

Pročitao ih je ministar Kozadra u ovom izlaganju.

**Poslanik/zastupnik Slaviša Šućur:**

Mene zanima samo pošto nemamo ovdje u materijalima, dakle pazite, uvodno izlaganje je bilo zaista jako dugo i veliko nismo imali priliku da upratimo to sve. To nemamo u tekstu i mene zanima zaista bilo bi bitno da razjasnim koji tekst usvaja. I zanima me jedna stvar, odgovorite mi samo finansiranje Grada Sarajeva da li je u te izmjene izvršen jer ja ne mogu da uopšte shvatim na koji način će Grad Sarajevo funkcionirati do usvajanja rebalansa jer u ovom tekstu koji mi imamo nema ga nikako.

**Predsjedavajući:**

Nije to poslovnička intervencija. A premijer će odgovoriti.

**Poslanik/zastupnik Slaviša Šućur:**

Pa poslovnička je jer kažem da ne znam o kom se tekstu izjašnjavam.

**Premijer Elmedin Konaković:**

Ja ću se po zaključenoj raspravi referirati na ova pitanja postavljena u proceduralno legalnom dijelu a evo gospodin Kozadra i Šućur će sami iskomunicirati odgovore na ova pitanja postavljena poslije. Krenut ću, prva je bila kolegica Ćudić. Ova rasprava na slovo š je interesantna bila i ja se potpuno slažem sa vama u odnosu prema problemu da moratorij na zapošljavanje koji je uvela vlada Kantona Sarajevo i koji je ponovo na snazi u Kanton Sarajevo ne može kršiti niko, ni u jednom segmentu života u Kanton Sarajevo. I mislim da su toga svjesni svi koji su i Budžetski korisnici i vanBudžetski korisnici. Dakle postoje određeni problemi u prvom razgovoru sa sindikatima, mislim da smo ih svi svjesni da želja da se popravi status u obrazovanju ljudi, konkretno, ne može rezultirati činjenicom da ih bude što više i da zarađuju što više a učenika što manje. To je tačka. Dakle, toga ako nisu svjesni ljudi u osnovnom ili srednjem obrazovanju epiloga i hapi enda u ovoj priči nema. Ja mislim da jesu i mi smo već razgovarali o tome da se određenim normativima i procesima koji se tretiraju ovih 10 i 25% norme pa nastavniku koji radi ili ne radi dovoljno već pokrenemo određene izmjene kako bi smo ovo doveli da ovdje nije riječ, u Budžetu stoji 166 ljudi viška u odnosu na 14 na izvršenje. Tačno 166, u osnovnom obrazovanju više a u srednjem manje 22. dakle to su egzaktni brojevi i tih 166 je ovih o čemu je govorio Kozadra kada je riječ o pripravnici. Ja sto posto stojim na

istom stanovništvu da mi sa sindikatom moramo naći način da ljudi koji rade u osnovnom obrazovanju imaju bolji status bolje plate i da racionalno rasporede svoje vrijeme kako bi konačni korisnici, učenici i studenti bili što zadovoljniji. Dakle na tome ćemo sigurno raditi na način na koji ste i vi diskutovali. Druga stvar gospodin Mekić. Ja sam o koracima za poduzimanje mjera za dizanje privrede dijelom govorio. Neću taj dio ponavljati. Evo ova tri specifična pitanja. Dakle borba protiv korupcije na način koji se mi ovdje i ja personalno borim četiri godine je jedan aparat koji ima svoj hodogram i mi ćemo na njemu istrajavati, prije svega transparentnim procesima, kvalitetnim informisanjem javnosti o svemu što se kod nas dešava. Omogućit ćemo i neke linije komuniciranja s građanima koji žele da prijavljuju korupcije na način kako do sada možda nije bio slučaj. I to je svakako prva i primarna borba za očuvanje stabilnosti života u Kanton Sarajevo i najveći problem je generalno korupcija u našem društvu. Mi ćemo u nastavku govoriti, pitali ste me za ZZO. Govorit ćemo o tom dokumentu i vidjet ćete da smo već mnogo ozbiljno pristupili činjenicama. Da je tamo bilo nekih prijedloga nepotrebnih rashoda, pogotovo na stavkama o kojima mi ovdje pokušavamo stalno naći određene uštede, tu smo već konkretno djelovali i predložili vama. Ustanovili smo da i dosadašnje procedure nisu baš bile regularne pa ćemo i o tome nekoliko riječi da ne otvaram tu tačku. Vidjet ćete na tom dijelu koliko ozbiljan odnos prema Zavodu imamo. O ZOI smo govorili u više navrata i kao Skupština Kantona smo pokazali tu donošenje tog sanacionog plana implementacija kredita, procesi koji se trenutno vode u ZOI u dijelu racionalizacije prostora, menadžment taj dio posla radi dobro. Trenutno su u zgradu u kojoj je bio ZOI uselili neki subjekti, dijelovi obrazovanja, našeg Pravobranilaštva, izdajemo te prostore kako bi smo njima omogućili bolje prihode. Sanacija plohe u Zetri je preduslov da 01.06. uđe Direkcija za robne rezerve u skladišta koja treba da budu funkcionalna sa 11.000 kvadrata raspoloživih od kojih 4 – 5.000 uzima naša Direkcija za robne rezerve. Odmah ima sigurne prihode da ne zavisimo samo od snijega i meteoroloških prilika. ZOI kao takav potencijal uz ovo što pokrećemo u dijelu formiranja Fonda za okoliš i Direkcije za turizam i posebno otvaranja te teme turizam ZOI treba da omogući mnogo bolje uslove za rad uz naravno vrlo visoko postavljene ciljeve tom menadžmentu. Dakle menadžment ima zadatak da predlaže neka rješenja, za neka mi imamo neke konkretne prijedloge. U Grasu je malo drugačija situacija. O njemu govorimo stalno. Postoji set mjera koje je Skupština usvojila a Vlada nije zbog specifičnosti u kojima je radila realizirala. Dakle jedna od mjera je da napokon znamo koliko se štampa i koliko se prodaje karata u Grasu. To je prva primarna mjera, dakle da ne parafraziram da tu kontrolu procesa u Grasu potpunosti preuzme osnivač, to jest Kanton kako bi smo u narednih nekoliko mjeseci pokušali dovesti u red tu firmu na način da onako kako smo povećali prihode na nekim kontrolnim mjestima implementiramo taj proces do kraja. Da naravno razgovaramo o toj teškoj temi u ovoj godini. Ona će biti predmet ekonomskoj i socijalnoj cijeni usluga i u Toplanama i u Grasu, subvencija koje su male od strane države za neke kategorije u kojima nisu potrebne to je drugi proces kada je riječ o Grasu i ključni proces u Grasu su ljudski resursi. 1700 ljudi nije viška, nema viška ali ima vrlo nekvalitetno raspoređenih radnika u Grasu. Također ćemo od menadžmenta hitno tražiti nove sistematizacije u kojima će ljudi biti uposleni. Da istovremeno administraciji ne sjedi višak ljudi a fale vozači i ljudi koji su osnovni pokretači procesa u tom KJP. Gospodin Šućur je detektovao jedan problem koji sam ja odmah detektovao na prvoj sjednici Vlade i nisam znao za tu proceduru i pitao sam se, zašto nama skupštinska radna tijela šalju na izjašnjavanje vaše stavove. Zašto dolaze uopšte Vladi Kantona Sarajevo. Skupština radna tijela, pitao sam sekretara rekao mi je da je praksa i odmah sam tražio da se ta praksa ukine. Skupština ima svoja radna tijela naše materijale, radna tijela pripremaju Skupštini kao stavove, a onda vi pošaljete nama na izjašnjavanje što sam ja bio bolestan, jedva sam iščitao sve stavove ovih skupštinskih radnih tijela. Nekih 20 minuta i gdje god se vi niste slagali s nama mi se nismo složili s vama. U konačnosti ta procedura nema nikakav epilog. Ništa. Čak ni stavovi skupštinskih radnih tijela nisu obavezujući za skupštinu koja ih formira a kamo li za Vladu. Onda je bio jedan stav skupštinskog radnog tijela koji kaže:“ Nalaže se Vladi Kantona Sarajevo

da to uradi..“ Ne može skupštinsko radno tijelo naložiti Vladi Kantona. Skupština može. Tu ćemo proceduru prekinuti tako što nam neće skupštinska radna tijela više slati materijale na izjašnjavanje. Mislim da je to potpuno nepotrebno. Ako neko misli drugačije zaista bih ja želio to čuti. I potpuno ste vi u pravu.

Gospodin Čelik i DF i SDA su nam dali rokove 60 do 90 dana. Meni su rekli da ja ostajem kod onog 75, 20% gore dole tolerancije. Nek bude taj model mi ćemo se potruditi da taj rebalans bude predložen na takav način da u njemu ovo o čemu danas govorimo i ono što mi mislimo da bi trebale biti naše politike eksplicite potvrdimo. Gospodin Čomor je govorio o jednoj stalnoj pojavi koliko dobiju škole u Kanton Sarajevo. Dakle imali ste ono naš odnos prema domaćinima, smo se mi ponašali kako ne treba. Ljudi koji uštede, ljudi koji u toku godine potroše manje na održavanje na struju, na grijanje mi prepíšemo tu stavku u Budžetu naredne godine a oni koji troše rastrošni su i njima prepíšemo stavku u Budžetu i taj koncept ćemo mijenjati kvalitetnijom analitikom i analizom jer neko od zastupnika je govorio a i ministar Kazazović znam da se s tim slaže, mnogo više informacija o procesima unutar osnovnog i srednjeg obrazovanja, posebno visokog obrazovanja, bit će dostupno svima nama i javnosti. Što će biti pretpostavka da se taj dio uređuje na način kako je adekvatno. Neće biti ne tako naravno brzo, nije lako rješivo ali truditi ćemo se da ta neravnopravnost i neravnomjerno raspoređivanje prema osnovnim školama prestane na način da valoriziramo neke vrijednosti i one koji štede na neki način stimuliramo. Gospodin Pleho je govorio o kapitalnim projektima. Nekih od njih istina nema u ovom Budžetu. Nekih ima u onim drugim stavkama kapitalnih transfera kod Direkcije za ceste i oni koji su započeti, projektna dokumentacija postoji, kreditna sredstva za neke postoje i mi ćemo svakako te realizirati na način kako je predviđeno i rokovima a ove koje smo eventualno ispustili u ovom prijedlogu Budžeta naravno tretirat ćemo ponovo u dijelu prijedloga novih aktivnosti u rebalansu. Rekli smo o tom Vjeverica vrtiću na Alipašinom polju. Takvih ima nekoliko. I tu su ljudi iz sindikata pokazali zainteresovanost da nekim konkretnim prijedlozima mjera mi riješimo probleme. Ja sam govorio o tome kao o potencijalnoj prihodovnoj strani jer imate liste čekanja u vrtićima od 360 čini mi se djece koja čekaju da im se oslobode mjesta u vrtićima, što znači da prvo ta tržišna cijena nije prevelika, ona je možda malo ispod one planirane. Eventualno imali ste anketu neku roditelja to smo dobili informaciju iz sindikata u kojima preko 70% roditelja misli da se može blago korigovati ta cijena. Tom cijenom uposliti ovi novi ljudi i otvoriti nova obdaništa. Dakle, to je jedan proces koji ćemo vrlo brzo intenzivirati novom anketom među roditeljima. Taj višak sredstava nikada nećemo trošiti za neke druge stvari nego ga reinvestirati u taj segment te javne ustanove tako da evo i to je jedno od konkretnih rješenja. A opet kažem vrlo je zainteresovana druga strana da se taj dio priče također stabilizira. Sada ću se vratiti na par rečenica i neću dugo ovoga što su sindikati kazali, što uglavnom slušamo na kraju svake Budžetske godine i na početku nove. Mi smo već poduzeli mjere i zakazali sastanke i sa sindikatima kao što smo najavili i sa drugim JKP po resorima, u narednih desetak dana običi ćemo sve one koji su naši i Budžetski i vanBudžetski korisnici a dio su ovog našeg sistema. Sindikate smo stavili u prvi plan jer taj socijalni dijalog za nas jeste naravno bitan. Ja ću to komparirati kako je meni danas ovdje slušati sindikate kada sa svojim zahtjevima i kako mi je kada recimo odem na taj sastanak o raspodjeli javnih prihoda na FBiH pa mi gore izvuku parametre koliko to u drugim kantonima zarađuju ljudi. I mene shvatite da između ta dva pritiska mi ovdje koji donosimo odluke smo stalno. Pričali su mi o ženi koja živi tamo na rubnom području, ustvari sestrama koje rade jedna u OŠ ZDK a jedna u OŠ Kanton Sarajevo. I upoređivanje njihovih standarda uslova života i rada. To je jedan dodatni pritisak otežavajući kada govorimo o Zakonu o raspodjeli javnih prihoda FBiH. Pa nam oni kažu vi živite prekomotno i predobro, mi se branimo i potrošačkom korpom i cijenom života u Sarajevu i drugim argumentima specifičnog načina života, ponekad to nije dovoljno. A svjesni smo naravno da stvari treba popravljati. Ja mislim da ih treba popravljati ovako kako gospodin Aljić govori. Tako što ne možemo imati u komunalnim preduzećima koji su gubitaši i ništa ne rade na tome da poprave stanje prosjeke plata ljudi sa SSS veće nego visoko obrazovanih nastavnika i

profesora. Taj proces ćemo voditi. On će biti pravedan i njega ćemo balansirati. A ne možemo naravno obećavati. Ima još jedan paradoks. Predsjednica Općinskog suda u obilasku suda nam je rekla o tome da tužbe koje su 170 KM TO čini mi se nas kao katom koštaju skoro 1000 KM jer imamo 400 i nešto KM troškova suda i troškove advokata i nije nam naravno logika da mi puštamo te sudske procese nego mislim da nije ni vama logika da puštate te sudske procese. Jer bilo ko pobijedi u ovom procesu mi ili sindikati ugasit će Kanton. I tako da neće biti uopšte ni raspodjele ni prihoda ni rashoda nećemo imati priliku da popravljamo stanje. Čini mi se neko je također od zastupnika govorio da to vrijeme brzo dolazi. Zato ta svijest o efektima koje mi imamo i od štrajkova i od tužbi i svega mora biti jedan dio priče kada govorimo o rješenju. Rješenje nije ti nagomilani troškovi suda tužbe. Nije rješenje da jedni drugima obećamo a ne ispunimo . mi to nećemo raditi zato vam nećemo ni obećati da ćemo vam platiti sudske presude u ovom ili rebalansu Budžeta jer su one velike i dolaze svaki dan i mislim da to rješenje moramo tražiti na drugačiji način. A ponavljam još jednom, popravljat ćemo anomalije da u dijelu sistema koji nije produktivan svi od mene preko Vlade, pa svih ostalih u kantonu Sarajevo nemamo nezaslužene beneficije dok istovremeno ljudi rade drastično ispod cijene svoj radnog sata u odnosu na ono što eventualno zaslužuju. Dakle taj dijalog smo pripremili. Napraviti ćemo jednu konferenciju o kantonu nakon što vas sve obiđemo. I ovo što je Kozadra danas uradio mi još dodatno elaborirati da vidite zašto nisu plate do tog u mjesecu jer je nemoguće zato što mi imamo svoje prihode, imamo FIH koja nam u određenom periodu doznava tranše. Imamo direktne svoje poreze koje ubiremo. Mi ih ne uberemo do 10 tako da vaše novce niko ne drži u fiokama. Vaše novce, naše novce Budžetskih korisnika i građana Kantona ćemo transparentno prikazivati i te njihove tokove. Da znate zašto eventualno kasnimo s platama jer i nama kasnimo s platama i to bi povećanje vaše osnovice nama isto povećalo platu. To je bilo jednom ovdje pa smo doživjeli pritiske javnosti. Ja imam toliko. Za Gradsku upravu smo u problemu zato što smo obećali ljudima iz Grada da ćemo u rebalansu Budžeta tražiti nova sredstava. Prije nego što Zakon isti taj famozni o raspodjeli javnih prihoda tretira i Grad Sarajevo jer treba da ga tretira. On je jedan čini mi se jedini zanemaren u cijelom ovom procesu i nema svoj status nit o njemu neko govori. Kanton kao interes da funkcioniše dok god smo ovako organizovani će učiniti maksimum napora da se to desi. Ja mislim da je nas viška na ovom prostoru. Evo ovdje gdje mi danas boravimo smo trenutno na prostoru Opštine Centar, Grada Sarajevo, Kantona Sarajevo, FBIH, države. Na pet smo nivoa vlasti trenutno smješteni. To je viška ali je to ustavna reforma o kojoj ja neću gubiti vrijeme jer ona ima svoj mogući tok rješavanja na nekom višem nivou. Dok se to ne desi funkciju Grada Sarajeva trebamo zadržati i mi ćemo raditi ono što bude do nas i što nam to naše, kako Kozadra stalno apostrofira i meni se to sve više sviđa, mogućnosti Budžetske dozvole kao osnovni parametar. Koliko Budžet bude dozvoljavao mi ćemo se odnositi prema svim ovim problemima. Ja vam se zahvaljujem . molim vas da podržite ovaj prijedlog Budžeta i date nam vremena da kvalitetnijim rebalansom popravimo ono što mi budemo mislili kao politika da treba. Hvala.

### **Predsjedavajući:**

Zahvaljujemo se premijeru Konakoviću. Ja bih zamolio službu da pozove zastupnike da se pripremimo za glasanje. A prije toga jedna moja lična sugestija. U buduću kada nam se predstavnici sindikata obraćaju sa zahtjevom za obraćanje, imali smo sada situaciju pa sam ja dobio zahtjev da nam se obrati Salih Krušćica a obraća se drugi gospodin Alić. Molim te gospodine Aliću kada izadete drugi put da se predstavite, obrazložite razlog zašto ne. Znači mi smo ovdje prozivali drugog čovjeka a obratio nam se drugi čovjek. Znači u praksi to u buduću da se ne ponavlja.

**MOLIM POSLANIKE DA PRISTUPE IZJAŠNJAVANJU O PRIJEDLOGU BUDŽETA KANTONA SARAJEVO ZA 2015. GODINU – HITNI POSTUPAK.**

ZA JE GLASALO 22 POSLANIKA, SUZDRŽANO niko I PROTIV 5 .

**KONSTATUJEM DA JE SKUPŠTINA DONIJELA BUDŽET KANTONA SARAJEVO ZA 2015. GODINU PO HITNOM POSTUPKU.**

Molim vas još malo strpljenja imamo još samo jedan zaključak.

Klub zastupnika SDA dostavio je svim zastupnicima i nama Zaključak:  
*Obavezuje se Vlada Kantona Sarajevo da u roku do 90 dana pripremi i u skupštinsku proceduru uputi Izmjene i dopune Budžeta Kantona Sarajevo za 2015.godinu tj. Rebalans Budžeta.*

*Za je glasalo 25, suzdržana 2, protiv niko.*

Znači ova Skupština je usvojila ovaj Zaključak.

**AD – 2.**

**PRIJEDLOG ZAKONA O IZVRŠAVANJU BUDŽETA KANTONA SARAJEVO ZA 2015. GODINU (HITNI POSTUPAK)**

Prijedlog zakona dobili ste uz poziv za sjednicu.

Da li je potrebno da predstavnik Predlagača podnese uvodne napomene. Nema potrebe. Ima li pitanja? Nema. Otvaram raspravu. Nema. Zaključujem raspravu.

**MOLIM POSLANIKE DA PRISTUPE IZJAŠNJAVANJU O PRIJEDLOGU ZAKONA O IZVRŠAVANJU BUDŽETA KANTONA SARAJEVO ZA 2015. GODINU.**

ZA JE GLASALO 22 POSLANIKA, SUZDRŽANO ništa I PROTIV 5 poslanika .

**KONSTATUJEM DA JE SKUPŠTINA DONIJELA ZAKON O IZVRŠAVANJU BUDŽETA KANTONA SARAJEVO ZA 2015. GODINU .**

Hajmo još jednu tačku dnevnog reda ako može. Visoko obrazovanje.  
Sačekajte samo malo. Možemo li još jednu tačku da završimo pa da idemo?

Molim vas dajemo pauzu za ručak od sat vremena, može?

**NASTAVAK NAKON PAUZE**

**Predsjedavajući:**

Nastavljamo sa radom.

AD – 3.

## **PRIJEDLOG ZAKONA O IZMJENAMA ZAKONA O VISOKOM OBRAZOVANJU (HITNI POSTUPAK)**

Prijedlog zakona dobili ste uz poziv za sjednicu.

Molim predstavnika Kluba Demokratske fronte da u svojstvu Predlagača podnese uvodne napomene.

**Predstavnik Kluba DF-a Mario Vukasović: UVODNO IZLAGANJE**

**Predsjedavajući:**

Zahvaljujem uvaženom zastupniku Vukasoviću.

Da li predstavnici radnih tijela žele riječ? Nema. Ima li pitanja?

**Poslanik/zastupnik Sabina Ćudić:**

Hvala na pojašnjenju. Zapravo ja imam niz pitanja čini mi se koji se tiču određenog broja nelogičnosti u prijedlogu pa se nadam da ćete mi ih pojasniti i razjasniti i da ćemo doći do nekog najpametnijeg rješenja. Mi u Našoj stranci smo se sastajali sa studentima predstavnicima Medicinskog fakulteta i Stomatologije i Veterinarskog fakulteta dakle fakulteti koji svojim trajanjem zahtijevaju određene ustupke i znamo da je u regionu i Srbija i Hrvatska su pravile te ustupke kada je dužina trajanja odnosno dužina trajanja roka u kom možete završiti fakultet prema onim uslovima u kojim ste ih upisali. Ako kao što ste sami spomenuli, proces usvajanja Bolonje na raznim fakultetima u Kanton Sarajevo je tekao različitim tokom, pa tako imate Likovnu akademiju koju ste evo npr. spomenuli, gdje još uvijek studiranje po Bolonjskom sistemu nije uvedeno, što znači da kada se uvede evo recimo da se teoretski uvede ove godine ti će studenti i studentice u svakom slučaju opet biti u zakonski nepovoljnom položaju jer neće moći završiti po tom sistemu do ovog roka zakonskog do kog vi predviđate 2018. TO znači da ćemo biti u istoj situaciji za dvije ili tri godine kada ćemo ovaj rok pretvoriti u rok do 2020 ili 2025 kako bi smo ispoštovali zakonske rokove, odnosno ne zakonske rokove već neke ljudske rokove vezano za uslove pod kojima su ti studenti upisali taj studij. Istovremeno kažete da ne smijemo ulaziti u to ko su vječni studenti i ko ne i ono što je najproblematičnije po ovom što predlažete jeste da ovaj izmjena zakona ne predviđa nikakva dodatna Budžetska sredstva. Kako su te stvari nelogične?

1. Studiranje svih studenata na UNSA košta naravno Budžetske korisnike, odnosno Budžetske platiše i znači da produžavanjem ovog roka određen broj studenata kao što su studenti i studentice Ekonomije koje ste spomenuli, koji su upisali 2005 će moći studirati po tom sistemu prema ovom prijedlogu narednih 13 godina. Znači mogu i jednom i sve na račun Budžetskih platiša u Kanton Sarajevo. E sada to znači da su oni u startu već u povoljnijem položaju nego studenti koje ste spomenuli 2012 po Bolonjskom ili koji će tek upisati 2015 ili 2016. zar ne mislite da bi bilo logičnije da se rokovi vežu upravo to brojem godina od uvođenja Bolonje? Što znači da na Ekonomiji svaka vrsta produžavanja ovog roka i izdvajanja naših sredstava za studente koji studiraju po istom sistemu možda već 13 godina smatram da je neprihvatljiva. Istovremeno se slažem s vama da studenti koji su kasnije upisali, posebno Medicinski fakultet i oni koji će tek upisati po Bolonji moraju imati taj zakonski određen rok koji se može vezati za početak Bolonjskog procesa. Ako smatrate da svako ima pravo da obnovi godinu dva puta onda bi najlogičnije bilo da je taj rok 8 ili 9 godina a ne nikako kako prema ovome sada stoji 15 ili 17. hvala.

**Predsjedavajući:**

Zahvaljujemo se uvaženoj zastupnici Ćudić. Ima li još pitanja? Ako nema pitanja ima li potrebe za odgovor? Zastupnik Vukasović.

**Poslanik/zastupnik Mario Vukasović:**

Zahvaljujem se zastupnici Ćudić na pitanju. Što se tiče troškova studiranja ne proizveli nikakve dodatne troškove jer studenti kada su upisali fakultet njima je garantovano to. Mi smo već znali koji će biti troškovi njihovog studiranja. Oni sada neće dobiti neke nove povlastice. Pa bez obzira koliko traje jer u trenutku kada je njima dopušteno da upišu pod tim uslovima fakultet već se znalo da li mogu studirati. Znači ako njihov studij traje kao na medicini šest godina, znači oni imaju pravo 12 godina studirati bez povećanja, bez da se njihov status promijeni. Što se tiče studenata Akademije likovne umjetnosti, informaciju koju smo mi dobili jeste da je 2005 / 2006 uvedena Bolonja na prvom ciklusu. Drugi ciklus 2010/2011. međutim problematičan je ovaj treći ciklus koji nije nikako uveden. A ako bi produžili ovaj rok svakako je potrebno da se insistira na uvođenju Bolonje i samim tim studenti koji upisuju sada doktorat ne bi imali problem koji se ogleda u tome. Ali ne moraju ga završiti. Ako upišu po Bolonjskom procesu onda oni studiraju ne studiraju po starom sistemu. Mogu studirati.

**Predsjedavajući:**

Molim vas samo da se ograniči rasprava. Znači da ne raspravljamo između sebe nego sa poslanicima, sa skupštinom, obraćate se Skupštini.

**Poslanik/zastupnik Mario Vukasović:**

Izvinjavam se. Ne znam da li sam odgovorio na pitanje zastupnice Ćudić. Ako ima potrebe da dodatnim pojašnjenja stojim na raspolaganju.

**Predsjedavajući:**

Zahvaljujemo se uvaženom zastupniku Vukasoviću.

**Poslanik/zastupnik Predrag Kojović:**

Zahvaljujem predsjedavajući. Pokušat ću ja pojednostaviti pitanje. Koji je interes građana Kantona koji plaćaju porez u Budžet iz koga mi plaćamo Univerzitet da finansira studiranje nekoga ko studira Ekonomiju 12 godina?

**Poslanik/zastupnik Sabina Ćudić:**

Dakle pojašnjenje. Govorimo i u prave ste, pogrešno sam se izrazila. Ako studenti Akademije likovne koju ste spomenuli, upišu doktorat, s obzirom da Bolonjski proces nije uveden, upišu studij ove godine onda neće ga moći završiti do 2018, je li tako? Govorimo da se zakonski rokovi pomijeraju za sve ravnomjerno što nije u redu jer konstantno dovodi pomijeranjem rokova ako ih pomjerimo i do 2028 opet su studenti spomenutih fakulteta u nepovoljnijem položaju u odnosu na studente Ekonomije. Zar ne bi smo trebali vezati broj godina koji mogu studirati za datum upisa? Znači, sami ste spomenuli. Ako upišete Medicinu 2010 onda je morate završiti do 2022 je li tako? Imate 12 godina a ne 22? Hvala.

**Predsjedavajući:**

Zahvaljujemo se uvaženoj zastupnici Ćudić. Da li se pošto su ovo bila pitanja, više prešlo na raspravu da li se još neko javlja za raspravu?

**Poslanik/zastupnik Mirsad Pindžo:**

Ma ja želim samo malo koliko je u mojoj mogućnosti, obzirom da sam učestvovao u izradi ovog zakona i u pripremi analiza da malo razjasnimo ove stvari o kojima su kolege govorile. I

eventualno pošto je predlagač Klub DF-a i kao predsjednik Kluba da odgovorim kolegi Kojović koji je interes građana Kantona Sarajevo da ljudi studiraju toliko godina. Interes građana Kantona Sarajevo i ove skupštine je da provodi Zakon. Zakon je studentima omogućio studiranje na toliko godina. Tačno propisao koliko godina traje studij, koliko puta ima pravo da obnovi godinu i došli smo u poziciju neodgovornošću ne radom, aljkavošću ili objektivnim okolnostima da pojedini fakulteti nisu uveli Bolonjski proces po zakonu. Znači oni su kršili Zakon. A pošto smo mi zakonodavac i moramo omogućiti ista prava svim građanima koje tretira taj Zakon, a to su studenti onda moramo produžiti ovaj rok da ne bilo diskriminacije. Jedni studenti imaju pravo na pojedinim fakultetima čije su uprave bile odgovorne pa uvele na vrijeme po Zakonu o Bolonji i oni su završili studij po starom sistemu, a ovi drugi koji nisu uveli sada trebaju da ispaštaju studenti da ne mogu završiti po tom sistemu ni krivi ni dužni, nego se moraju vratiti na prvu godinu, plaćati godinu da bi položili razliku predmeta. I to se odnosi naravno i na finansiranje. Završetkom studija ako je student Veterinarskog fakulteta na petoj godini koja su dodatna sredstva jer je on svakako u sistemu školovanja? Ovaj Budžet plaća to nastavno osoblje. Koja su dodatna sredstva ako mu omogućiti da završi taj studij po tom sistemu ili naravno, dodatna sredstva bi trebala ako bi ga vratili na prvu godinu, jer Bolonjski proces podrazumijeva puno više rada sa studentima i vođenja tih studenata i onda bi naravno trebala dodatna sredstva. Obzirom da završavaju studij po sistemu koji su započeli nikakva dodatna sredstva koja već nisu predviđena u Budžetima ne trebaju. Zašto nismo naravno razmatrali smo i tu opciju što kolegica Čudić govori broj godina od momenta uvođenja Bolonje. I tu je razlika. Sistem ni po starom sistemu studiranja a ni po Bolonjskom procesu nije isti, ne traje isti broj godina. Drugo, od nekih fakulteta ni Ministarstvo obrazovanja nije moglo pribaviti informaciju kada su uveli Bolonjski proces i koliko imaju studenata po starom sistemu studiranja jer sve ove podatke nismo pribavljali mi nego pomoćnik ministra za obrazovanje nauku i mlade Kantona Sarajevo. I zamislite kada državni organ zatraži od pojedinih fakulteta informaciju i neće da je dostave. I naravno da ne bi pogriješili da uvedemo određenim fakultetima i ponovo napravimo diskriminaciju prema studentima eventualno na onim fakultetima čiji uprave se nisu udostojile ni da odgovore Ministarstvu, mi smo onda predložili jedinstveni rok. Tako je bilo i u prethodnom zakonu što ne znači da će studenti koji su upisali studij i imali ga vremena završiti po starom sistemu odnosno po zakonu koji je važeći, naravno da neće studirati 20 godina jer je propisano koliko puta mogu obnoviti godinu. Tako da im se to neće dozvoliti. Jednostavno druge odredbe zakona im neće dozvoliti da budu vječiti studenti i da studiraju 20 godina. Zato smatram da iz potrebe da svi građani budu jednaki pred zakonom, a ovdje je u pitanju 3646 studenata trenutno, bez ovih fakulteta koji se nisu udostojili ni da odgovore, mi smatramo da je opravdano da se ovaj Zakon izmijeni u hitnoj proceduri jer zamislite čovjeka koji je upisao ili postdiplomski studij prošle godine i on razmišlja hoće li on moći stići, hoće li mu komisija zakazati odbranu rada, a on je možda i uradio do 30. 09.2015.godine. da ih ne dovodimo u poziciju da strepe nad svojim dosadašnjim radom i rezultatima što su ih postigli, da ih ne kažnjavamo jer nemamo na to pravo, i da omogućimo da svi ljudi budu pred zakonom jednaki. Mi smatramo da je opravdano da ovaj Zakon bude usvojen kako je predloženo, naravno uz mišljenje i Vlade ministarstva koje je pozitivno. Hvala lijepo.

**Predsjedavajući:**

Zahvaljujem zastupniku Pindži. Ukoliko se više niko ne javlja za riječ, zaključujem raspravu.

**MOLIM POSLANIKE DA PRISTUPE IZJAŠNJAVANJU O PRIJEDLOGU ZAKONA O IZMJENAMA ZAKONA O VISOKOM OBRAZOVANJU.**

ZA JE GLASALO 25 POSLANIKA, SUZDRŽANO niko I PROTIV niko .

**KONSTATUJEM DA JE SKUPŠTINA DONIJELA ZAKON O IZMJENAMA ZAKONA**



## **O VISOKOM OBRAZOVANJU.**

### **AD – 4.**

## **PRIJEDLOG ODLUKE O DAVANJU SAGLASNOSTI NA FINANSIJSKI PLAN I ODLUKU O IZVRŠENJU FINANSIJSKOG PLANA ZAVODA ZDRAVSTVENOG OSIGURANJA KANTONA SARAJEVO ZA 2015. GODINU**

Prijedlog odluke ste dobili uz poziv za sjednicu.

Molim predstavnika Predlagača da podnese uvodne napomene.

### **Sekretar ministarstva zdravstva Alma Pehlić: UVODNO IZLAGANJE**

#### **Predsjedavajući:**

Zahvaljujem se. Da li predstavnici radnih tijela žele riječ? Zastupnica Segmedina Srna Bajramović. Izvinjavam se zastupnici ako može samo premijer Konaković jednu dopunu zakona pa da otvorimo raspravu. Zahvaljujemo se.

#### **Premijer Elmedin Konaković:**

Prije nego vi zastupnici uzmete riječ za eventualna pitanja i rasprave, dobili ste na vaš sto materijal koji se zove izmjena ovog akta i ja hoću da vam pokažem i ukažem na nepravilnosti kod donošenja ovog akta. Samo metodologiji i zakonu koji drugačije reguliše način donošenja ovog akta. Počet ću od ovog pravnog osnova. U obrazloženju ovog dokumenta, ovako kaže: Razlozi za donošenje, ako možete pratiti čitati, možete, to je na kraju ovog materijala, preskočit ću ovaj prvi dio pa kaže, članom 27, stav 2 zakona o Budžetima u FBiH također je propisano da finansijski plan vanBudžetskog fonda sa odlukom o izvršenju finansijskog plana donosi nadležni organ utvrđen zakonom, odnosno aktom tog fonda da način predviđen tim propisima i pod uvjetom određenim ovim zakonom. Kod izrade finansijskog plana vanBudžetskog fonda primjenjuju se ekonomski parametri i smjernice iz člana 17 stav 3 Zakona o Budžetima u FBiH. Finansijski plan vanBudžetskog fonda Kantona dostavlja se kantonalnom ministru finansija na mišljenje a koji je ovlašten eventualno predložiti izmjene i dopune istog. Ovaj plan dostavlja se na mišljenje i kantonalnom ministru zdravstva. Član 27 stav 7 Zakona o Budžetima FBiH regulisano je da parlament daje saglasnost na finansijski plan vanBudžetskog fonda. Imajući vidu finansijski plan i odluku o izvršenju finansijskog plana ZZO Kantona Sarajevo za 2015 godinu koji je usvojio UO ovog zavoda na sjednici održanoj 13.03. isti se dostavljaju radi davanja suglasnosti na iste a uz iste se dostavljaju naprijed pomenuta mišljenja. Ne daje saglasnost parlament, parlament donosi finansijski plan jer Zakon kaže sljedeće: član 27 finansijski plan vanBudžetskog fonda. Finansijski plan vanBudžetskog fonda donosi nadležni organ utvrđen zakonom, odnosno aktom tog fonda na način predviđen tim propisima i pod uslovima predviđenim ovim zakonom. VanBudžetski fond mora pripremiti prijedlog finansijskog plana na osnovu instrukcija iz člana 19 ovog zakona i dostaviti nadležnom Ministarstvu. Kod izrade finansijskog plana vanBudžetskog fonda primjenjuju se ekonomski parametri i smjernice iz člana 17 stav 3 ovog zakona. Prijedlog finansijskog plana vanBudžetskog fonda mora sadržavati podatke iz člana 20 stav tri ovog zakona. Prijedlog finansijskog plana vanBudžetskog fonda dostavlja nadležno ovdje piše u zakonu federalno ministarstvo Vladi do roka 15.10. tekuće godine sa mišljenjem ministarstva finansija koje je ovlašteno predložiti njegove izmjene i dopune. Nakon razmatranja Vlada dostavlja parlamentu prijedlog finansijskog plana vanBudžetskog fonda najkasnije do datuma 05.11. tekuće godine. Parlament donosi finansijski plan vanBudžetskog fonda do 31.12. tekuće godine. Dakle parlament donosi finansijski plan. Mi ga svi u parlamentu utvrđujemo. Kako stoji u obrazloženju nije tačno.

Metodologija predlaganja ovog akta za iznos koji imamo ovdje predviđen 349.900.955 KM predviđeno i u proceduri u kojoj smo dobili na pet šest strana ovog akta pokazuje neprimjerenu metodologiju sa nejasnim terminologijama. A pročitati ću neke od njih koje vrlo uopšteno govore o ogromnom trošenju Budžetskih sredstava građana Kantona Sarajevo i više nikad to neće biti praksa kod donošenja ovakvog dokumenta. Vlada Kantona Sarajevo razmatrala je jutros na hitnoj sjednici i utvrdila da ta metodologija nije zadovoljavajuća jer iz nje ni u obrazloženju gdje se drastično povećavaju rashodi na stavkama koje su u slučaju kreiranja Budžeta Kantona Sarajevo potpuno drugačije tretirane sa uštedama na svim mogućim stavkama, a čitat ću one koje nam je UO zavoda i Zavod poslao sa udvostručenim i utrostručenim rashodima po stavkama na koje je Vlada dala prijedloge izmjena. Dakle metodološki potpuno neprimjereno i uvest ćemo u narednim mjesec ili dva kada budemo radili rebalans novu metodologiju i prihoda i rashoda iz kojih će se vidjeti jasan raspored sredstava kao što se u donošenju Budžeta Kantona Sarajevo vidi pa u Budžetu Kantona Sarajevo za duplo veći iznos dobijemo nekoliko stotina strana, a ovdje za duplo manji nekoliko strana. Stav Vlade Kantona Sarajevo a parlamentu predlaže prijedloge izmjena i dopuna, kao predlagač smatrajte to amandmanom na ovaj dokument i eventualno vi ga možete mijenjati i donositi je sljedeći:

Veliko povećanje troškova stručne službe uz istovremeno angažovanje troškova na stavkama koje govore o angažovanju vanjskih saradnika po pitanju pravnih usluga i drugih usluga pokazuje ne postojanje vizije i funkcije stručne službe ZZO. Te na to mi ulažemo određene amandmane ustvari amandmanski smo djelovali kako bi smo uravnotežili ova davanja. Vraćamo to na izvršenje 2014. i ne kažemo da je time proces gotovo, on se može promijeniti nakon što elaboriramo potrebu da se u stručnoj službi ovaj broj novouposlenih za koji mi ne znamo ni tačan broj ni njihovu strukturu ima određen potrebe i vidjet ćemo njihovu funkciju eventualno pa ćemo u rebalansu možda vratiti sve na isti iznos, ali ja nešto mislim da neće biti baš tako. Pa smo onda predložili sljedeće:

- U članu 3 u tabeli Ukupni rashodi i izdaci pod rednim brojem 1 troškovi stručne službe sa 6.923.250 umanjiti na izvršenje iz 14 iznos 5.637.021 KM ukupno umanjjenje za 1.286.229 KM i to sa konta 712 110 1.1.1.2
- Izdaci za materijal i usluge koje ste vi nama predvidjeli ove godine uduplano ovako kaže:
- Izdaci za materijal i usluge izvršene 2014 godine je 771.000 a prijedlog za 2015 je 1.347.000 KM. Razlika od 575.594 KM što također u nekom detaljnom obrazloženju povećanja tih rashoda nema. Dakle nema dok ne dijagnosticiramo i ne ustanovimo potrebu za enormno skoro duplo većim rashodima na ovim stavkama, Vlada je predložila amandmanski vraćanje na 2014 na iznos od 771.406.
- Na stavkama Porodična medicina privatna praksa redni broj 2. tačka 3. konto 613 942 , 284.000 predviđeno KM, vraćamo na 189.688 KM.
- Redni broj 2. tačka 3. konto 613943 konsultativno specijalistička zdravstvena zaštita sa 1.690.710 na izvršenju na 2.120.000 KM
- Ortopedska i druga pomagala 2.9. konto 613.949 sa 7.363.380 izvršenja prijedlog 8.000.000. Vlada kaže 7.500.000. malo više od onog što ste potrošili u 2014 a opet bez ikakvog elaborata zašto 8 miliona
- Izdaci po osnovu drugih samostalnih djelatnosti, povremenog samostalnog rada. 681.902 izvršenje, a 900.000 prijedlog. Vraćamo na 681.902
- Konto 613.970/980 kaže jedna stavka Ostale ne spomenute usluge i dadžbine. Ja ni u jednoj strukturi Budžeta takvu interpretaciju nisam vidio. Zato govorim o metodologiji. Ako postoje u obrazloženju ili u nekim drugim informacijama trebali ste to Skupštini Kantona dostaviti šta su i zašto su predviđene na 1.705.000 KM. A izvršenje je bilo 443.000 KM što znači uvećanje od 1.261.171 KM. Ostale nespomenute usluge

Analizirajući ovaj dokument prijedlog zaduženja kreditnog od 15 miliona KM dali smo zadatak i nalog u zaključcima to imate UO ne to je ovaj drugi zaključak da se zakonska opravdanost izanalizira za zaduživanje Zavoda kod domaćih komercijalnih banaka treba saglasnost Skupština Kantona Sarajevo. Postoji odluka o zaduženju koja je iznosila 40. miliona KM po toj odluci taj iznos je potrošen. Dakle novih 15 miliona predviđenih ovih Budžetom je procedura u kojoj njenu zakonitost trebaju ocijeniti organi kojima smo za to dali nalog jutros na Vladi. Drugu opravdanost uzimanja ovog kredita zatražili smo od UO Zavoda i ministarstva zdravstva da nam raščlani i prezentira Vladi Kantona prvo pa Skupštini Kantona Sarajevo potrebu i opravdanost donošenja ovog dokumenta. Još ću samo nekoliko kada sam već tu ocjena naših ovog dokumenta u kom sljedeće: „Svi kapitalni izdaci se tretiraju tim kreditom zato nismo htjeli donositi poseban zaključak jer je on zakonski proces. Dakle da zaduženja nema bez Skupštine i Vlade, pa nismo htjeli reći nemojte se zadužiti bez saglasnosti skupštine i Vlade. To zakonom je već definisano. Ovdje kaže sljedeće: adaptacija poslovne zgrade 900.000 KM. Nabavka opreme, nabavka stalnih sredstava u okviru prava. Imaju ove interesantne stavke po pitanju trenutnog zaduženja Zavoda i kamata na trenutno zaduženje zavoda. Tu su rashodima samo da nađem, pri tom konstatacija da ovdje izdaci za reprezentaciju su četiri puta veći od onog što ima premijer Kantona Sarajevo trenutno direktora Zavoda ili službe. I pet ili šest puta veći od onoga što ima predsjedavajući Skupštine i iks puta veći od onoga što nema ni jedan od resornih ministara u Kanton Sarajevo, nema ni jedan reprezentaciju. Ovdje stoji stavka 32.000. umanjena je od onog prvobitnog plana koji sam ja također gledao, imam ga gore u prijedlogu. Obaveze po ugovoru o kreditu sa Saudijskim fondom za razvoj 1,5 milion u ovoj godini, to mi je donekle jasno. Kamate na domaće pozajmljivanje u toku ove godine 1.728.314 KM. Kamata imamo u ovoj godini. Kroz raspravu ću tražiti da nam dostavite informacije o stanju zaduženja pod kojim uslovima su dizani ti krediti, pod kojim kamatama, koji je to iznos ako se u ovoj godini vraća 1.728.314 KM. I kaže ovdje otplata domaćeg pozajmljivanja 9.053.000 ovim planom predviđeno samo u ovoj godini. Koliko je to zavod zadužen? To je ocjena Vlade Kantona Sarajevo o dokumentu za koji mislimo da nije adekvatan vremenu u kom mi živimo, ne izražava politiku razvoja i pružanja kvalitetnih zdravstvenih usluga u Kanton Sarajevo. Najavili smo odmah i taj dokument ćemo brže izraditi od onog koji se zove Budžet Kantona Sarajevo sa prijedlozima mjera za jasniju viziju i implementaciju ideja koje mi imamo i predstavljene su u Ekspozeu. Vama za raspravu i ovaj dokument tretirajte kao sastavni dio našeg prijedloga jer po zakonu mi na osnovu onoga što nam dostave iz Zavoda predlažemo vama a vi usvajate ovaj finansijski plan. Tako da je postao sastavni dio ovog materijala.

#### **Predsjedavajući:**

Zahvaljujem premijeru Konakoviću. Otvaramo raspravu. Dajemo riječ uvaženoj zastupnici Segmedini Srni Bajramović. Hvala.

#### **Poslanik/zastupnik Segmedina Srna Bajramović:**

Zahvaljujem. Zapravo rekla sam da imam nekoliko pitanja. U aktu ministarstva finansija mišljenja finansijski plan ZZO Kantona Sarajevo kaže se između ostalog da finansijski plan prihoda i izdataka JU ZZO Kantona Sarajevo za 2015 godinu sadrži i planirani broj radnih mjesta. Na strani 7 plana za 2015 godinu ZZO za podatke JU Dom zdravlja Kantona Sarajevo rubrika broj finansiranih zaposlenika je prazna, dok je uredno popunjena za sve druge zdravstvene kantonarne ustanove. Zbog čega to nije bitan podatak samo za jednu zdravstvenu ustanovu a za otale jeste? Na strani 19 tačka 2 rashodi zdravstvene zaštite u trećem pasusu se govori o sukcesivnom rješavanju pitanja postojećeg nefinansiranog kadra kao višegodišnjeg problema, posebno velikih ustanova KCUS, Opća bolnica, JU Dom zdravlja i to primarno u domenu medicinskog kadra za kojeg postoje neophodna odobrena od nadležnog ministarstva te prijemima novog kadra u skladu sa prioritetima. I isto se obrazlaže korekcijama naknade za pružanje usluge primarne zdravstvene zaštite u kojima se vidi o kojem je potrebnom

medicinskog kadru riječ za sve zdravstvene ustanove, opet osim JU Dom zdravlja. Zašto? Na strani 21 i 22 za finansiranje bolničke zdravstvene zaštite planirane su korekcije naknade za pružanje usluga i navedeno je da se korekcije odnose između ostalog i za finansiranje 52 zaposlenika u KCUS i 56 u Općoj bolnici Abdulah Nakaš. Opet nema konkretnog prikaza planiranog kadra u JU Dom zdravlja. A na strani 19 se nagovještava. Zašto? Još jedno zašto? Toliko. Zahvaljujem.

**Predsjedavajući:**

Da li ima još neko pitanja prije odgovora. Ako nema više pitanja da li predlagač može da odgovori. Premijer Konaković.

**Premijer Elmedin Konaković:**

Mi smo čak kod analize ovog dokumenta na sjednici. Mi smo održali dvije sjednice Vlade i dva Kolegija do sada. Koja je održana ne jutros, to smo razmatrali prošlu sjednicu, dobili amandman sa tačnim brojem uposlenih u Domovima zdravlja kao prijedlog ministarstva pa su ga povukli. Zato što cijenimo da u svim ovim ustanovama od one politike koju smo najavili hitno i promptno moramo utvrditi registar ljudi i registar prostora. Legitimisanje samo ili potvrđivanje samo broja posebno sada u Domu zdravlja koji je u fazi priznat je taj kadar novcem ali nije priznat brojem i nije priznat strukturom. Ako se sjećate imali smo oko toga rasprave oko spornih stomatoloških novih mjesta i nekih drugih u kojima je Vlada procijenila da će dodatno u rebalansu sigurno stajati i priznat će se kadar. Na način kada kažemo tamo imamo toliko i toliko medicinskog a toliko nemedicinskog kadra. A u medicinskom kadru kažemo sljedeće: toliko ima tih i tih profesija da ne nabrajam tu nomenklaturu. To će se sigurno desiti. Ni jedna zdravstvena ustanova neće biti osporena ili marginalizirana u odnosu na drugu, ali je zbog ove brzine i hitnosti ovog procesa nama bilo jutros teško reći, da tako je tačno je, smo povukli taj amandman i odmah smo pristupili izradama ovog dokumenta koji će sadržavati u sebi u rebalansu egzaktni tačan broj ljudi i njihovih zvanja, potreba kako bi smo onda u tom slučaju mogli kreirati onu politiku specijalizacija u onim dijelovima koje nemamo. Znači ono što smo kroz naše politike najavljivali. To je Vlada procijenila i na tome će sigurno raditi. Hvala.

**Predsjedavajući:**

Hvala premijeru Konakoviću. Ovim smo završili sa pitanjima. Otvaram raspravu.

**Poslanik/zastupnik Slaviša Šućur:**

Hvala predsjedavajući. Evo i mi smo analizirajući ovaj prijedlog finansijskog plana došlo do identičnih zaključaka, dakle da je zaista ne primjereno da indeks prosječnih povećanja troškova administracije Zavoda je negdje 130 a kod usluga, dakle onoga zbog čega Zavod postoji, da je to 102. tako da je veliki dio ovih izmjena koje je Vlada usvojila na tragu onog što smo i mi također zaključili. Ja sam s premijerom Konakovićem imao jedan kraći razgovor jer ovdje sada faktički ostaje pitanje ovih 3,2 miliona koji su predviđeni da dođu iz Budžeta. Oni su praktičkim osim iznosa od 1000 KM nestali a mi smatramo da postoji potreba i da je svaka marka ne tako značajan iznos i te kako potrebna. Ali kao što sam rekao u segmentu poboljšanja usluga a ne povećanja broja zaposlenih sa onako lošom strukturom kakvu imamo, ili na povećanje troškova administracije. Tako da je za nas, evo sa ovim izmjenama, mi smo rekli da ćemo cijeniti ovu Vladu i sve što se radi ovdje na osnovu konkretnih poteza, mi jesmo opozicija, ali za nas su ove izmjene u ovom momentu prihvatljive, s tim što ostaje naravno da vidimo šta će se desiti kod rebalansa. Znači da se usaglasimo rebalans Budžeta i izmjene ovog finansijskog plana te da ćemo naravno donositi konačan sud o tome kako je ta razlika upotrijebljena. Da li je upotrijebljena na pravi način. Eto toliko i hvala.

### **Premijer Elmedin Konaković:**

Možda sam radi stenograma trebao pročitati sve ove prijedloge, ponovit ću ih pa mi izvinjavam se što sam do pola pročitao i stao. Dakle,

- u tabeli ukupni Rashodi i izdaci troškovi stručne službe iznosi 6.923.250 KM umanjiti na 5.637.021 KM. Ukupno umanjenje za 1.286.229. i to je sa konta 1.1.1.2 rednog broja.
- izdaci za materijal i usluge umanjiti sa 1.347.000 KM na 771.406 KM. Ukupno umanjenje za 575.594 KM
- 2.2. konto 613 942 porodična medicina privatna praksa umanjiti sa 284.000 KM na 189.688 KM. Ukupno umanjenje je za 94.312 KM
- Redni broj 2.3. konto 613 943 konsultativno specijalistička zdravstvena zaštita umanjiti sa 2.120.000 na 1.690.710 KM. Ukupno umanjenje za 429.290 KM
- Redni broj 2.9. konto 613.949 ortopedska i druga pomagala umanjiti sa 8.000.000 KM na 7.500.000. ukupno umanjenje za 500.000 KM
- Redni broj 2.10. konto 613 979/980 izdaci po osnovu drugih samostalnih djelatnosti i povremenog samostalnog rada umanjiti sa 900.000 KM na 681.902 KM. Ukupno umanjenje je 218.098 KM
- Redni broj 2.11. konto 613.990 ostale nespomenute usluge i dadžbine. Umanjiti sa 1.705.000 KM na 443.829 KM. Ukupno umanjenje za 1.262.171 KM
- Ukupno umanjenje po svim stavkama iznosi 3.789.100 KM

Mi smo predložili uravnoteženje Budžeta, nismo ih raspoređivali iako će ova prihodovna strana vjerovatno rasti pa ćemo na tim kontima imati ta sredstva koja ćemo raspoređivati na ono o čemu vi diskutujete danas. Na procjene interesa ili prioriteta u tim politikama. Pa smo uradili sljedeće.

- Ukupni prihodi i primici u dijelu Prihoda planiranih Zavoda r.br. 4 konto 712 110 doprinosi za zdravstveno osiguranje koje se plaća na teret Budžeta umanjiti sa 3.200.000 KM na 1000 KM kako bi ta stavka ostala otvorena i punila se onim realnim intenzitetom, a drugi dio iznosa
- r.br. 5 konto 712 110 prihoda od doprinosa obaveze iz prethodnih godina umanjiti sa 4 miliona na 3.409.900. ukupno umanjenje za 590.100 KM, što čini ukupnu razliku.

Pa imamo u konačnici Budžet u iznosu od 346.111.855 KM. Napomena još jednom dakle svaka ta prihodovna strana koju mi možda slabije procjenjujemo u ovom trenutku od Zavoda ili možda bolje, vidjet ćemo, svako njeno punjenje će biti izbalansirano sa rashodima na stavkama koje odredimo mi kao prioritete.

### **Poslanik/zastupnik Goran Akšamija:**

Zahvaljujem predsjedavajući pozdravljam sve prisutne. Što se tiče ovog finansijskog plana Klub zastupnika DF-a i Odbora za zdravstvo izvršio je jednu njegovu analizu i zaključili smo da se radi o metodološki vrlo loše urađeno i čak priličito neozbiljnom dokumentu za planirani iznos Budžeta. U samom dokumentu vidi se da nedostaju strateški ciljevi, srednjoročne makroekonomske pretpostavke i prognoze, kvalitetni demografski podaci, jasan prikaz programa liječenja u inostranstvu, usluga liječenja u samom Kanton Sarajevo, i posebno prikaz javnosti rada. Što se tiče pravnog okvira premijer je to već spominjao pa ne bih želio sada da to spominjem, a vidim da se slaže većina zastupnika. Ali potpuno poseban naglasak dajemo na jedan potpuno nedostatan prikaz programa likova i potpuno nedostatan prikaz pružanja zdravstvene zaštite i omogućavanja kvalitetnog osiguravanja prava iz obaveznog vida zdravstvenog osiguranja. Ovakav dokument DF smatra krajnje neprihvatljivim u ovom vidu i iz tog razloga predlaže radi vremenskog ograničenja vezanog za dan održavanja ove Skupštine da se dokument prihvati sa sljedećim zaključcima:

1. Neophodno je uraditi rebalans Finansijskog plana ZZO Kantona Sarajevo u periodu od 60 dana, naravno primjenjujući jedinstvenu metodologiju
2. što se tiče našeg drugog našeg zaključka, vidim ovdje je identičan sa zaključkom Vlade, pa ga neću i izlagati
3. i kao treći zaključak, odnosno drugi koji sada dolazi sa naše strane, da se dalja nabavka opreme i sva predviđena kapitalna ulaganja rade isključivo u dogovoru i sa ovlaštenje Ministarstva zdravstva Kantona Sarajevo do donošenja rebalansa finansijskog plana.

Također u ovom trenutku postavljam pitanje kapitalnih ulaganja od strane ZZO. Poznat nam je Master plan iz 2011 godine kojim se finansira izgradnja CMB KCUS ali da se ovakvom praksom u daljem treba prestati i da se zna za šta su ta sredstva namijenjena, odnosno to su sredstva od doprinosa koji su naravno predviđeni za pružanje liječenja i nabavke lijekova i svega ostalog što treba za osiguranike. Također, vidim ima još dosta primjedbi u ovome, zanima me na šta se odnosi stavka Naknada za članstvo u UO i komisijama Zavoda jer koliko nam je poznato komisija se sastaju u toku radnog vremena i taj negdje iznos ovdje iznosi 500.000 KM za 2015 godinu? Hvala. I molim da ovi zaključci idu na glasanje.

### **Predsjedavajući:**

Hvala uvaženom zastupniku Akšamiji. Da li je još neko javlja za riječ? Ukoliko se više niko ne javlja za riječ, zaključujem raspravu. A ovom prilikom dajem riječ kojom se obratio direktoru Kenanu Crnkiću, direktoru ZZO Kantona Sarajevo da se obrati.

### **Direktor ZZO Kantona Sarajevo Kenan Crnkić:**

Zahvaljujem predsjedavajući. Pozdravljam sve prisutne i gledaoce ispred malih ekrana. Koristim ovu priliku da kažem da smo mi veoma transparentno i javno kao ZZO za ovih godinu dana koliko sam ja direktor obavještavali javnost o stanju u zdravstvu, koje je bilo ugroženo. Koristim priliku da iskoristim jedan podatak koji je egzaktan a to je da su svi kantonalni zavodi u BIH u bankrotu i u gubitku. Da sam ja ovaj Zavod preuzeo sa 14 miliona KM gubitka, da je ove godine taj gubitak u potpunosti anuliran. Da sam ga preuzeo sa ispražnjenom obavezom zakonskom rezervom koja je ove godine napunjenja i s obzirom da sam kao profesor ekonomije pisao knjige o uspjehu znam da se u ovoj zemlji sve osim uspjeha prašta, jel? Interesantno mi je zaista kako je pošto sam pratio cijelu diskusiju danas kada je Budžet u pitanju sve bilo hitno, ni na šta se nije moglo reagovati, a ovdje je Vlada bez da je konsultovala ikoga iz Zavoda donijela 12 stvari umanjiti ovo s ovoga, ovo s ovoga, naravno Vlada ima pravo na to. Mi smo samo servis. Ali odgovoran servis. I ja ću vam reći šta sada konkretno jer smo to dužni i građanima, vlasnici ZZO su građani Kantona Sarajevo koji direktno uplaćuju svoja sredstva, svoja sredstva putem doprinosa u vanBudžetski fond, kojim mi veoma odgovorno i veoma ozbiljno upravljamo. Volio bih i stvarno pozdravljam mjere uvaženog premijera Konakovića i mislim da smo jako dobro saradivali kada je bio zastupnik, slagali smo se kada je u pitanju borba protiv korupcije, kada je u pitanju racionalizacija. Dakle ja nemam nikakve reprezentacije, ja nemam službenog vozila, ja koristim svoje vozilo i to provodim. A borbu protiv korupcije sam veoma jasno dokazao. Evo konkretno sada.

Tačka 1 Ukupni rashodi troškovi stručne službe sa 6,9 na 5,6 miliona govorim uopšteno, ovo konkretno znači: Zavod je ove godine planirao da zaposli pet ljudi, znači nećemo ih zaposliti ali ćemo otpustiti mi smo sada računali 28 ljudi. To nije nikakav problem ali to znači to, jel?

1,1, naknade troškova, znači to prati to su sada govorimo o bruto u tom dijelu. Inače, ZZO je glorificiran kao neka institucija koja ima neke velike pare. On ima 154 uposlena. Primjera radi KCUS ima 4000 uposlenih. Plaće ZZO kojima se ovdje priča su presmiješne u odnosu na plaće koje imaju zdravstvene ustanove kao i troškovi. Kada su u pitanju ovi dijelovi kada se govori o materijalu volio bih zaista premijeru da nas je Vlada pozvala, ipak smo mi ovdje ovo je kapitalno rađeno da pojasnimo šta znači, veoma je jednostavno skinuti matematički iz eksel tabele, ja sam ovlašteni revizor. Evo odavde skinute stavite ovdje. Ali ja moram vama koji

donosite odluku reći šta to znači. Zavod je ove godine planirao dvije stvari koje nisu rađene. Te su stvari na zdravstvenim odborima diskutovane. Prva stvar je informativno propagandna djelatnost vezana za informisanje građana šta je to njihova prava a šta je to njihova obaveza. Ljudi ne znaju šta je na Esencijalnoj listi, ljudi ne znaju na koji lijek imaju pravo, ljudi ne znaju na koje ortopedsko pomagalo imaju pravo. Nekada je zavod ranije proizvodio te brošure i one su se dijelile svim građanima Kantona Sarajevo čime se njihov stepen zadovoljstva podizao i to znači ove godine mi nećemo raditi, ali ja samo kažem šta to znači. Isto tako, mi smo mislili da napravimo projektne timove. Zavod ima tri zaposlena ljekara. Mi nismo u stanju kontrolisati kompletan zdravstveni sistem. Sve velike koorparacije moderne rade po tom konceptu. Ti projektne timovi, odmah da vam kažem, ni jedan uposlenik Zavoda od kako sam ja došao ne sjedi ni u jednoj komisiji i ne prima ni jednu naknadu. Što se tiče naknada UO i NO i vanjskih ljudi koji su tu, to nije moja odluka, ja na nju ne odlučujem. Dalje, mi smo mislili da svim građanima Kantona Sarajevo odštampamo elektronske zdravstvene knjižice. Sada to imaju samo RVI i socijalne kategorije. To ovim dijelom nećemo skinuti. Zavod nije povećao plate, to je tendenciozno, nekorektno, nije povećao uposlenike. Znači riječ je znaju dobro to ljudi koji su ekonomisti koji tu sjede, evo uvaženi gospodin Kozadra zaista ovaj Kontni plan je takav da kad kažete troškovi stručne službe, analitikom ako u bruto uđete ako vidite, ovo su stavke koje se ustvari ukidaju. Znači ukida se:

1. informativno propagandna djelatnost prema građanima, ja mislim da je to pogrešno. Stav stručne službe je da je to pogrešno
2. ukidaju se projektne timovi gdje smo mislili da inkorporiramo vodeće medicinske stručnjake da nam pomognu da obuzdamo neke stvari kao što su troškovi lijekova koji divljaju, kao što je primjera radi troškovi po pitanju Dijabetesa koji su preko 7 miliona a sve naše analize pokazuju da ne mogu biti preko 3,5 miliona. To je znači projekat koji se ljudima plati, ljudi urade, to mogu biti strani stručnjaci, domaći stručnjaci i naravno stvari koje su vezane za preventivu.
3. kada je u pitanju tačka porodična medicina – privatna praksa to je mislim projekat mi smo uveli dvije ustanove. Mislim da je ovdje greška napravljena jer prošli put je plan rađen na nivou osam mjeseci a ove godine na 12 mjeseci. Znači nije došlo do povećanja nego je samo četiri mjeseca više. Tako da mogao sam to veoma jednostavno obrazložiti, ali nema veze.
4. konsultativno specijalistička zdravstvena i ja se slažem uvaženi zastupniče Akšamija, da ova metodologija nije dobra i ja sam na to ukazivao i ranije, ali ovo je metodologija koja se koristi devet godina već. Znači nisam je ja izmislio ja sam je naslijedio. I ona prošle godine nije problematizirana ovo je prvi put da se govori i zaista da se kaže da Zavod nema viziju, da je to neozbiljno. Mislim ja predajem to strateško planiranje, ja bih mogao od ovoga napraviti dokument od 300 stranica. Ali vi morate reći kakav dokument treba da izgleda i naravno mi ćemo kao servis to uraditi i izvršiti. Ona je takva kakva je i mi smo je primijenili, na nju je dalo pozitivno mišljenje Ministarstvo zdravstva, na nju je dalo pozitivno mišljenje Ministarstvo finansija koje je jako meritorno. Pitanje konsultativno specijalistička zdravstvena zaštita.
5. Samo da pojasnim šta je ovo konkretno, tačka 2.3. riječ je o tome da ćemo morati smanjiti troškove medicinske rehabilitacije. Znači ljudi koji su a to su tri centa: Reumal, Terme i Olovo, mi imamo povećan broj, ovo je rađeno na osnovu podataka iz KCUS i Opšte bolnice. Znači molim vas, Vlada ja sam stalno to govorio i u redu je i treba da vodi politiku zdravstva. Samo treba da znate šta ovo znači. Ovo znači da neki ljudi neće moći koristiti prava na produženo banjско liječenje na koje po zakonu i po zaključcima Skupštine imaju pravo. Dalje, kada je u pitanju tačka 2,9 ortopedska i druga pomagala. Molim vas, ovo je Uredba Vlade, mi ne možemo na ovo uticati. To su pelene za ljude koji su RVI, koji imaju Cerebralnu paralizu, to su inzulinske pumpe za djecu, to su trakice za šećer. Ja znači, ovo se može skinuti ali Vlada mora donijeti odluku i reći šta od

- tih prava skida. Jel to gel za kateterizaciju ili je to inzulinska pumpa jel ta će djeca doći nekome, a to ne treba i neće biti Zavod s obzirom da Zavod ne vodi zdravstvenu politiku.
6. tačka 2,10 to su ovi projektni timovi o kojima smo govorili i nemogućnost stručnog usavršavanja. Mi smo od svih medicinskih radnika imali zamjerku ove godine i nije ovaj plan napamet napravljen, vjerujte mi, i nema u ovom planu, moja je plata ista kao što i jeste i sve ono što uz to ide, međutim medicinski radnici se ne šalju na usavršavanje i to je planirano ovdje. Mi imamo situaciju da se naši građani šalju malte ne da rade najobičnije neke zahvate u Ljubljani, u Hajdelberg, to su ogromna odlijevanja sredstava. Ovdje je planirano da se stručno usavršavanje radi u BIH, u Sarajevu da se obuču naši ljudi da rade određene zahvate, a kako će dugoročno to polučiti smanjenjem troškova.
  7. ovo je zaista na ovo moram upozorit. Projekat informatizacije započete u vrijeme direktora Mahmuta Đape, nastavljen u vrijeme direktora Farisa Gavrankapetanovića, PAKS je pojednostavljeno govoreći radiološka slika. Svi smo mi nekada bili na nekom obliku magnetne rezonance, slika pluća, to su one velike slike koje nosite, ja kako nisam doktor pa to pokušavam objasniti na taj način. Samo na digitalizaciji toga napravljena je ušteda od preko 2 miliona. Znači sada ovdje se skida održavanje nečega što je davno nabavljeno. Molim vas, nečega što već postoji, nečega što je u funkciji i u Opštoj bolnici i u Domu zdravlja i u KCUS. Znači ja samo moram reći da je to posljedica donošenja ovakve odluke, naravno odluku donosite vi i mi ćemo je provesti kako god je vi donesete.
  8. u članu 2 šta znači ovo ukupni prihodi i primici 4. konto 712 110 doprinosi zdravstvenog osiguranja koji su plaćeni na teret Budžeta umanjiti sa 3,2 miliona na 1000 KM. Ovdje znači konkretno Vlada želi jel ovo Vlada plaća za RVI i socijalne kategorije. Znači nemojte da bude sutra kada ti ljudi ne budu imali zdravstvenog da dolaze u ZZO. Jer mi nećemo ovjeravati knjižice jer nema uplata. I ovo je nema svoje zakonsko utemeljenje ali naravno odluka se može donijeti.
  9. i tačka 5 da se smanji naplata koja je planirana po osnovu vanrednih naših kontrola. Mi smo ove godine naplatiti 6 miliona KM, ja sam javno obavijestio javnost o tome vanrednih, znači pošto ste vi najveći organ zakonodavni u kantonu, i Vlada , mi stvarno želimo da pomognemo. Najveći problem zdravstva u ovom finansijskom planu na koji trebate imati u vidu je Zakon o konsolidaciji koji je donesen na FBIH kojim se žargonski rečeno halale stotine miliona KM po osnovu zdravstva i najave nove Federalne Vlade da će se dvije godine ne plaćati zdravstveno osiguranje za novo uposlenu. Što je za svaku pohvalu govorim sada kao profesor ekonomije. Ali za zdravstvo je pogubno i kratkoročno će se odraziti na nas. Mi smo sav svoj effort ove godine okrenuli prema naplati tih zaostalih potraživanja iz 2002 i 2003, 2004, 2005 i tu se naplatilo 6,8 miliona. A primjera radi u proteklim godinama to je naplaćeno od 100 do 150.000. i naravno ako ovdje neko smatra da trebamo naplatiti manje mi to pozdravljamo, mi nemamo sa tim problema.
  10. dalje kada u pitanju povećanje određenih troškova samo je jedna stvar bitna, gorivo Zavoda se poveća sa 10.000 na 25.000 i neko pogleda indeks i kaže to je 250 %. Znači pogledajte trošak KCU sa 58.000.000 – 60.000.000 tu je indeks 2%. Znači to su babe i žabe sa tog aspekta. I ono što želim da kažem to je sljedeće za kraj, ovaj Finansijski plan je urađen na osnovu OMAK, Odjel za makroekonomske analize radi makroekonomske analize, mi smo ih uzeli. U potpunosti je urađen u skladu sa zakonom, sa važećom metodologijom koja ovo predviđa. Računovodstveno (nerazumljivo) prihoda i rashoda je napravljeno, uravnoteženje je napravljeno, razgraničenje se moralo raditi po načelu modificiranog nastanka događaja. Mi prihode priznajemo samo kada se stvarno naplate, a rashode onog momenta kada nastanu. Počeli smo od imperativne norme da to mora biti uravnoteženo. Izradi ovog plana prethodila je veoma seriozna analitika, regresija, korelacija i sve što je utemeljeno na važećoj zakonskog regulativi. Nemoguće je donijeti



finansijski plan da zadovoljite sve ustanove. To je nemoguće. Što se tiče kapitalnih ulaganja ostao sam dužan još samo jednu stvar da vam kažem, evo neću dugo, ali osjećam potrebu da podijelim s vama ove informacije. Po članu Zakona zdravstvene zaštite, članovi 61 i 62 institucije se finansiraju iz sredstava ZZO i sredstava ministarstva zdravstva i sredstava Budžeta i sredstava proširenog dobrovoljnog zdravstvenog osiguranja iz sredstava participacije koje nama Federalna Vlada uzela tih 6 miliona nam smanjila, slobodnom prodajom usluga na tržištu a sve zdravstvene su sav svoj menadžerski koncept svele na to da pritisnu zavode i da dadnu što više. Mi moramo voditi računa o statici. Mi moramo voditi računa da ukoliko kapitalna ulaganja ja bih volio da ih ne radi Zavod. Onda ih treba raditi Budžet jer neko mora kupiti UZ aparat. Pod uslovom da ne želimo da u 21 vijeku doktori rade sa čekićem i stetoskopom. I dva pitanja sam ostao dužan uvaženoj zastupnici Segmedini Srni vezano za Domove zdravlja. Mi nismo tu ubacili to je amandman od prošle godine, vi se sjećate jako dobro koji je kao takav dat, i mi nismo našli utemeljenje po metodologiji da se ti ljudi priznaju i ubace i to je naravno nešto što će resorna ministrica razmatrati kada dođu. A uvaženom gđinu Akšamiji ovaj dio koji govori se kada kažete da se kapitalna ulaganja rade uz saglasnost ministarstva zdravstva. Kao osoba koja je iz te struke, koja to radi moram da vam kažem da u tom slučaju direktor Zavoda ne može i neće biti odgovoran, a Zakon o javnim nabavkama ne poznaje (nerazumljivo), onda bi Ministarstvo moralo raspisati taj tender a ne Zavod, i Ministarstvo zdravstva provesti taj tender a to bi se moralo plaćati onda iz Budžeta a ne iz sredstava ZZO. Znači samo ovo su stručne neka pojašnjenja ne bih volio da me neko pogrešno shvati. Volio sam da ste kojim slučajem imali vremena da pozovete mene ili druge ljude veoma meritorne ljude koji sjede u ZZO i koji su zajedno sa mnom ovo stabilizirali. Podržavam politiku novog premijera i nove Vlade u potpunosti i želim tome da doprinesem ali mislim da stavke na kojima se ovo uradilo nisu dobre. Vi ako smanjite gorivo ljudima koji rade na terenu naplatu vi ćete za 10.000 KM racionalizacije radi, uštede izgubiti 8 miliona koje su ti ljudi mogli naplatiti terenskim radom. Znači iz tog razloga smatram da je možda bolje bilo da se ovo uradi u koordinaciji sa Zavodom i sa stručnim službama a ne da se naloži. I ja bih, ako smijem predložio da se finansijski plan usvoji i naravno da se za 60 dana uradi rebalans, nova Vlada to treba da uradi. Prihvatamo da nova Vlada i treba da vodi, ja sa to uvijek govorio, politiku zdravstva, a mi da izvršavamo, a moje je kao direktora Zavoda da vam kažem ima li za to finansijskog utemeljenja ili nema. Da li će kratkoročno doći likvidnost u pitanje, solventnost i ne daj bože opstojnost kao što je to slučaj u ostalim kantonima pa i na entitetskom nivou na žalost. Evo ja bih vam se zahvalio na vremenu i stojim na raspolaganju za sva pitanja, stručna koja mislite da vam mogu pomoći prilikom donošenja jedne ovako važne odluke.

**Premijer Elmedin Konaković:**

Vaša vizija i naša vizija se ne slažu. Naša vizija i nije da informisanjem građanstva kakva prava imaju a da im ta prava ne možemo pružiti konceptualno me ne zanima. Dakle informacija da imaju prava na tu i tu vrstu lijekova, na tu i tu vrstu usluga dok istovremeno su liste čekanja porodične medicine danima, i dok istovremeno nema sterilnih gaza u bolnicama, i dok istovremeno kada odete na UZ vam razblaže vodom pa vam rade UZ vodom, nije vizija ove Vlade. Nećemo informisati ljude nego ćemo se boriti za kvalitetnije pružanje usluga. Što u konačnici iz ovog dokumenta nije slučaj. Direktore. Da ste vi nama u Planu pripremili strukturu uposlenika, kada ste ih primili, šta rade, ko što imate recimo u OŠ u Budžetu. Možda bi mi razmišljali o tome hoćete li otpuštati ili nećete otpuštati ljude. Moratorij na zapošljavanje. Znači to ćemo mi sada sve imati. Mi nismo imali vremena da uđemo u tu analizu, imat ćemo sve i vrlo brzo ćemo biti ponovo u ovoj Sali i vi i ja i sve kolege iz Vlade iz kolege iz Skupštine. Reprerentacija rekao sam vaša, ne direktora nego vas 32.000. ona ovdje stoji. Vi kažete niko je

nema. Eto 32.000 viška ušteda ja sam ih odmah našao, brišite ovu stavku. Što ste stavili 32.000 reprezentacije ako je nemate vi svi skupa. Ko troši ako nema tamo glavna odgovorna osoba? Ta famozna Esencijalna lista je tema kojom se ja kao zastupnik ovdje bavio godinama i prošli put vam rekao probit ćete ponovo direktore vi i resorni ministar. Vi rekli nećemo. Ja rekao hoćete. Vi rekli ma neće 66, to je to mi ćemo kontrola. Pa mi čitali B liste, generike iste, pa primjedbe kolega, pa pisma pa pisma. I vi nama dođete dođete sa informacijom da ste je probili za 7,5 miliona KM i nagovještavate ovdje ljudima da će to još ići drastičnije. Čak piše tamo kao dio obrazloženja ići će i preko 75. pa neće direktore, neće ići. Jer ćemo taj proces Esencijalne liste i onoga što smo najavljivali voditi mnogo restriktivnije i ozbiljnije. Dakle to će biti naš posao da se to ne desi. Bilo ugroženo zdravlje dok vi niste došli na čelo ove institucije? I poslovali smo pozitivno uzeli smo kredit 15 miliona ove godine kod komercijalnih banaka i imamo kredita 9 i nešto miliona i kamate 1,7 miliona. Ekonomski.

### **Predsjedavajući:**

Molim vas samo bez dobacivanja imali ste riječ. Ne možemo vam dozvoliti da dobacujete. Znači imali ste riječ, premijer iznosi i nemojte ometati molim vas. Vi ste ovdje kao gost a premijer kao predlagatelj iznosi, imali ste riječ rekli ste svoje pustite premijera da odgovori. Hvala vam.

### **Premijer Elmedin Konaković:**

Mi ne govorimo o vašem planu od 8 mjeseci mi govorimo o izvršenju. Ono što ste vješto uradili ovdje s ove bine, ali i ja sam u tome vješt. Vi kažete ukinuli ste, ukinuli ste, ukinuli ste to. Mi ni jednu stavku nismo ukinuli. Samo smo vas vratili na izvršenje 2014 godine, tako da banjska liječenja, ortopedska pomagala, ono što je koncept i naše opredjeljenje da se ljudima pomogne niko nije dotakao nego vas je vratio tamo gdje ste bili zato što nemate razloge povećanja tih troškova, niste ih barem nama prezentirali. I nikada ni vi ni neko drugi ko ne obrazloži određena povećanja na Budžetima i rashodima ne može dobiti saglasnost. Da ste to uradili u toj metodologiji koju fantastično znate i predajte ne bi dobili četiri stranice ovog lista. Mene ne zanima za šta je devet godina metodologija jedna. Mene zanima od 23 kakva je. Nas koji vodimo ovu Vladu zanima metodologija i dokument koji će ovdje doći na skupštinske klupe za dva mjeseca u kom će stajati sve ono što stoji i u dokumentu Budžeta. Dakle to će biti koncept iz kog će se malo jasnije vidjeti ko od nas dvojice ili ko u ovom slučaju, pošto nemamo iste vizije iste stavove, Vlada ili Zavod, vaš UO, nije ili ko jeste u pravu. Dakle ništa od korisnika, korisnicima prava ali baš ništa nije osporeno i nije skinuto. Ništa. Stavku u kojoj Vlada treba da plaća RVI doprinose smo ostavili otvorenom jer će se ona puniti jer će Vlada to plaćati. Ali nekako ne vjerujem u ove procjene koje ste vi napravili bez obrazloženja. Dakle ona će biti ona će se puniti pa ćemo je rebalansirati kada prihodi budu pristizali. Nemojte vi brinuti za nadležnosti Vlade. Projektni timovi, usavršavanje. Imate ovamo stavku usavršavanje 100.000 u prvom dijelu. Jel ona ista kao ovih 1.700.000? taj ste nam dio najviše preskočili. Kaže ovako da vam ja ponovim kako se zove ta vaša stavka. Ostale nespomenute usluge i dadžbine. U jednom još Budžetu mi nađite gdje ima ostale nespomenute usluge i dadžbine i mi ćemo vam priznati ovu cijelu. Ostale nespomenute usluge i dadžbine pa pričate o usavršavanju. Smije li Zavod, ima li po zakonu Zavod usavršavati doktore iz KCUS? Ima li on to pravo po zakonu? Direktore? Nema. Dakle nemojte se ovdje igrati retorike, igrat ćemo se matematike i podataka. Krajnji korisnik u domovima zdravlja ne treba da ima liste čekanja porodične medicine to je politika ove Vlade. A informisati ćemo ga besplatnim kanalima komunikacije što je više moguće a manje medijima jer ja sam nastupe u medijima ljudi iz Zavoda vidio više nego iz nekih brendiranih stranih globalnih kompanija. To nije naše opredjeljenje. Naplatili ste 6 miliona KM. Hoćete li da vam kažem ja od čega ste naplatili? Autima tim išli vi skupljali pa ćemo to na benzinu izgubiti 8 miliona? Koliko ste od Klasa od prodaje i kupovine te firme naplatili novca? Koji su to procesi koji pune ovaj dio Budžeta. Tako je. To su procesi kada dođe privatnik pa

privatizira to je naš posao i to nije vaš posao. Kada kupi neko Gras pa nadomiri te tamo razlike ljudima onda to napuni vama fond. Vi kažete vi to autima benzinom išli skupljali od 2002. to nije tačno. Dakle to su pokazatelji koji samo potvrđuju nemate više pravo replicirati. Vi ste svoje rekli vi ćete na Vladi reći kada vas pozovemo. Imat ćemo vrlo brzo hitnu sjednicu pa ćete vi doći da nam odgovorite na sva pitanja na koja niste imali priliku. I vi i članovi UO ZZO koji treba da se pojave i daju nama odgovore kako bi zajedno mi došli do pravih informacija analitičkih, metodoloških. Znači do pravih informacija šta se tamo dešava u Zavodu. Ima nagovještaja da će se taj proces dešavati ako se riješi Zakon o konsolidaciji pa se bude punio taj dio. Naravno mi bi se obradovali ako bude tako. U Zakonu o konsolidaciji jedna od stvari koja treba da se riješe su ti neplaćeni doprinosi i Federalnom i kantonalnom. Kada se oni dese napunit ćemo kase i bit će prihod veći. A ne tim autima po kućama, kucanje 10 i 15.000 KM goriva. Projektovani timovi stranaca koji treba da nam prave neke projekcije ovdje rješavanja nečega. Istovremeno usavršavanje 100.000 na jednoj stavci. Ne. Pustite direktora.

### **Predsjedavajući:**

Momenat samo malo. Ima zastupnik Pindžo poslovničku intervenciju. Rasprava je zaključena.

### **Poslanik/zastupnik Mirsad Pindžo:**

Ja se izvinjavam i premijeru i predsjedavajućem Skupštine. Pošto u ovoj Sali važi Etički kodeks za poslanike i za sve prisutne u Sali ja molim predsjedavajućeg da udalji iz sale direktora ZZO zato što se neprilično ponaša u ovoj Sali, dobacuje, ometa izlaganje premijera, a vrlo strpljivo smo slušali njegovo izlaganje. Ja vas molim pošto ste upozorili već dva puta da napusti salu i da nastavimo raditi.

### **Predsjedavajući:**

Zahvaljujem zastupniku Pindži. Ja sam već upozorio direktora Crnkića molim vas, ja još jednom i neću vas izbaciti nek stoji. Ali prvi komentar na izlaganje premijera morat ćete napustiti salu. U slučaju ako to uradite.

### **Premijer Elmedin Konaković:**

Bit će sigurno razloga za nervozu u ovom našem sistemu kantonalnom često. Meni to ne smeta. Prokomentarisat ću samo ovaj prijedlog rashoda na kreditu ovom od 15 miliona. Nismo ga mi htjeli tretirati jer bez nas se ne može realizirati. Ta famozna informatizacija o kojoj mi ovdje, recimo kada ste vi novi, vama vjerovatno kao i meni prve godine to zvuči. Znači šta je informatizacija. Nemojte to čačkati. Na informatizaciji neki protok informacija od primarne do tercijarne zdravstvene medicine put pacijenta, njegova elektronska kartica. To zvuči savremeno i to treba da se desi. Kada vam ja kažem da je ovo četvrta godina u kojoj ja slušam, a kolege Pindžo i Čomor vjerovatno slušaju 8 i da su uvijek isti iznosi i da su uvijek isti koncepti i odnosi a nikada izvještaja ni jednog pokazatelja koji kaže za taj period uradili smo to i to. Sada u zadnje vrijeme imamo elektronskih kartica u privatnom sektoru apoteka nema ih u javnim apotekama. I to je nešto što se onako informatički nazire kao neki efekat. Kada smo pitali znate li vi šta je amortizacija u informatizaciji? Niko to ne odgovara, jer to što mi kupujemo prije 8 godina je neupotrebljivo danas. A na to smo potrošili milione i milione KM a opet nema onih ljekara za porodične medicine pa tamo stari ljudi čekaju po nekoliko dana i sedmica da dođu na red. I opet nema onih istih sterilnih gaza i osnovnih elemenata za rad a imamo skupe sale sa krevetima od 100.000 KM. Ja to nisam zaboravio. Tako da ono što ovdje piše o kreditu a čujete šta piše. Razvoj integralnog informacionog sistema u zdravstvu plan 2014 godine 4.335.000 a izvršenje 4.329.000. plan 2015 3.117.000. A dio tri kaže nastavak aktivnosti na razvoju integralnog informacionog sistema. Ovo su gore aktivnosti a ovo dole nastavak aktivnosti istog razvoja integralnog informacionog sistema. Ovo više nije metodologija niti je ovo više koncept. Mi danas nismo zaustavili ni jedan proces. Zaustavili smo potencijalne rashode na stavkama. Mene

malo sramota kako ste ih vi ponudili. Ovako metodološki poredane, na rashodima na stručnim usavršavanjima informatizaciji na izvještavanju na medijima na pravima na reprezentaciji 32.000 nečijoj na nečemu, dok istovremeno mi ovdje stežemo kajš na svim stavkama. To nije slučaj. Ja ću zamoliti skupštinu da podrži ove izmjene koje smo mi predložili da hitno ministrica zdravstva već priprema. Žena je dva puta s bolovanja dolazila na sjednice Vlade zbog ovog dokumenta. I ozbiljno radimo na tome da vi ili neko ko tamo bude sjedio i ovi članovi UO ili neki članovi UO brzo uspostave komunikaciju s vladom onakvu s početka ove moje priče. Dakle mi ovdje donosimo akte, mi usvajamo plan, Skupština. Mi predlažemo Skupštini. Ne mogu ja reći servis. Vi niste servis. Vi ste jedna ozbiljna organizacija kada govorimo o Zavodu. Vaš dio posla će se vratiti u okvire i granice onoga što vi treba da radite. Esencijalna lista kao jedan od prioriteta da nam se ovo ne dešava svake godine, a svake godine kažete neće i svake godine pišemo. Možemo samo datume mijenjati na tim pismima. Na toj B famoznoj listi u kojoj idemo do 75% troškova onih B generika o kojima smo pisali istih lijekova. Neće biti više slučaj. Mi ćemo novac uštediti da bi pojačali onaj najbitniji dio pružanja zdravstvenih usluga i zato predlažemo ovakav materijal kao što ste vi zastupnici sa prijedlogom Vlade dobili. Hvala.

#### **Predsjedavajući:**

Hvala uvaženom premijeru Konakoviću. Pošto smo zaključili raspravu, dakle

**MOLIM POSLANIKE DA PRISTUPE IZJAŠNJAVANJU O PRIJEDLOGU ODLUKE O DAVANJU SAGLASNOSTI NA FINANSIJSKI PLAN I ODLUKU O IZVRŠENJU FINANSIJSKOG PLANA ZAVODA ZDRAVSTVENOG OSIGURANJA KANTONA SARAJEVO ZA 2015. GODINU sa izmjenama koje smo sada čuli od premijera i Vlade.**

ZA JE GLASALO 24 POSLANIKA, SUZDRŽANO niko I PROTIV 3.

**KONSTATUJEM DA JE SKUPŠTINA DONIJELA ODLUKU O DAVANJU SAGLASNOSTI NA FINANSIJSKI PLAN I ODLUKU O IZVRŠENJU FINANSIJSKOG PLANA ZAVODA ZDRAVSTVENOG OSIGURANJA KANTONA SARAJEVO ZA 2015. GODINU sa ovim izmjenama koje su iznijeli premijer i Vlada. Hvala.**

Molim poslanike da se izjasne o Zaključcima koje je predložio Klub Demokratske fronte:

- 1. Neophodno je uraditi Rebalans Finansijskog plana ZZO Kantona Sarajevo u periodu od 60 dana;*
- 2. Da se dalja nabavka opreme i sva predviđena kapitalna ulaganja rade isključivo u dogovoru i ovlaštenjem Ministarstva zdravstva Kantona Sarajevo do donošenja Rebalansa finansijskog plana.*

Za je glasalo 27, suzdržanih niko, protiv niko.

**Konstatujem da je Skupština usvojila predložene Zaključke. Hvala.**

**Tačka 5.**

**AD – 5.**

**PRIJEDLOG ODLUKE O DAVANJU SAGLASNOSTI NA FINANSIJSKI PLAN PRIHODA I IZDATAKA JU „SLUŽBA ZA ZAPOŠLJAVANJE KANTONA**

## SARAJEVO“- SARAJEVO ZA 2015. GODINU

Prijedlog odluke ste dobili uz poziv za sjednicu. Molim predstavnika Predlagača da podnese uvodne napomene.

### **Ministrica za rad, socijalnu politiku i raseljena lica i izbjeglice Karolina Karačić:** UVODNO IZLAGANJE

#### **Predsjedavajući:**

Zahvaljujem uvaženoj ministrici. Da li predstavnici radnih tijela žele riječ? Ima li pitanja?

Otvaram raspravu.

#### **Poslanik/zastupnik Neira Avdibegović:**

Hvala gospodine predsjedavajući. Pozdravljam sve prisutne u Sali kao i gledatelje koji prate našu današnju sjednicu. Ispred Kluba DF-a dat ću kratak osvrt na Finansijski plan prihoda i izdataka JU Služba za zapošljavanje Kantona Sarajevo za 2015.godinu. kao što smo upoznati Finansijskim planom prihoda i izdataka JU Služba za zapošljavanje Kantona Sarajevo za 2015 godinu planirana su ukupna finansijska sredstva u iznosu 39.105.000 KM. Planirani prihodi se sastoje uglavnom od poreznih prihoda, neporeznih prihoda, tekućih transfera, kapitalnih primitaka i prenesenih sredstava iz prethodne godine. Međutim ono što želimo posebno ukazati jeste rashodovna strana finansijskog plana. Dakle planirani rashodi u 2015 godini iznose 39.105.000. stavka plaće i naknade troškova zaposlenih za 2015 godinu je planirana u iznosu 3.862.621 KM. Ostvarenje u 2013 godini iznosilo je 3.408.949 KM a plan za 2014 godinu iznosio je 3.708.562 KM. Kao razlozi navedenog povećanja između ostalog navedene su izmjene koeficijentata za radna mjesta šefova općinskih odbora i savjetodavaca općinskim odborima kao i povećano planiranje broja uposlenih u odnosu na planirani broj uposlenih u 2014 godini. Jedno od programskih načela DF-a je svakako smanjenje administrativnog aparata i uopšte troškova administracije. Te shodno tome smatramo da je u sadašnjim uslovima nedopustivo ići na povećanje plata i broja uposlenih i predlažemo da se dio sredstava planiranih za ovu namjenu preusmjeri na sredstva za mjere aktivne politike zapošljavanja. Također finansijskim planom predviđen je rast izdataka za materijal, sitan inventar i usluge. Primjera radi navodimo sljedeće: putni troškovi 2013 ostvarenje 13.000, 2015 plan 22.000. izdaci za energiju. 2013 godina ostvarenje 75.000 a 2015 plan 120.000. Nabavka materijala i sitnog inventara 2013 ostvarenje 64.000 a 2015 plan 90.000. Izdaci za usluge prevoza i goriva. 2013. ostvarenje 8000 a 2015 plan 15.000. izdaci za tekuće održavanje 2013 ostvarenje 38 000, a 2015 plan 137 000. ugovorene i druge posebne usluge 2013 ostvarenje 316.000 a 2015 plan 607.000 KM. Nabavka službenog automobila koja se planira izvršiti u 2015 godini u iznosu od čak 50.000 KM. Klub DF-a će ne želeći izostaviti proces iz ovog djelokruga podržati Finansijski plan JU Služba za zapošljavanje Kantona Sarajevo uz prijedlog Vladi da u što kraćem roku izvrši analizu i mogućnost preraspodjele sredstava na način da se naprijed navedene kategorije troškova reduciraju i preusmjere u sredstva planirana za aktivnu politiku zapošljavanja za koju je od ukupnog Budžeta u iznosu od 39.105.000 planirano tek 3.499.500 KM za nove podsticajne mjere za zapošljavanje u 2015 godini. A uzimajući u obzir da se radi o primarnoj djelatnosti Službe za zapošljavanje koja bi trebala doprinijeti održavanju više stope zaposlenosti i poboljšavanju strukture zaposlenih u Kantonu Sarajevo. Hvala.

#### **Poslanik/zastupnik Semir Halilović:**

Hvala predsjedniče. Samo kratko možda sam trebao kao predsjednik Komisije za rad, socijalnu politiku prethodno govoriti ali čisto da izvijestim skupštinu da je cijeli sastav Komisije za rad i socijalnu politiku Skupština Kantona Sarajevo prihvatio Finansijski plan Zavoda za zapošljavanje. Direktor i njegovi saradnici su nas upoznali otprilike sa problemima koji sa kojima se oni susreću u radu. Ono što smo svi zapazili a to je da je jedan veliki dio Budžeta

Zavoda za zapošljavanje odlazi na ako sam dobro shvatio za zdravstveno osiguranje nezaposlenih, tako u tom smislu bi nešto, naravno da to sada nije direktno vezano, direktna tema za ovaj Finansijski plan, ali u budućnosti bi trebali raditi nešto po tom pitanju iz prostog razloga da bi Zavod za zapošljavanje bio zaista Zavod za zapošljavanje a ne zavod koji liječi neke druge boljke. To je jedna dimenzija, druga dimenzija također ono što je povezana pošto je danas bila rasprava između ostalog jako puno je Ministarstvo obrazovanja u svemu tome, mislim da će se ova Skupština morati vrlo brzo a vezano također za Zavod za zapošljavanje pozabaviti upisnom politikom u Kantonu Sarajevo jer ono što smo vidjeli iz statistike Službe za zapošljavanje nalazi se dva tri, dvije tri vrste visoko obrazovanih ljudi se u enormnim brojevima nalaze na listi čekanja za posao. To su uglavnom politolozi itd. Tu moramo nešto podhitno uraditi da bi upisna politika u Kanton Sarajevo se dovela u red. Na taj način ako i tu ne dovedemo situaciju u red bojim se da ćemo u narednih deset, pet godina imati da će svaki drugi stanovnik u Sarajevu biti magistar politologije a da neće imati ko da radi ni jedan drugi posao. I predlažem Skupštini svakako da usvoji ovaj Finansijski plan.

**Poslanik/zastupnik Mirza Čelik:**

Zahvaljujem predsjedavajući. Obzirom da su kolege zastupnici već rekli što sam ja želio da kažem, mi iz Kluba SDA imamo jedan zaključak koji ćemo naravno proslijediti vama i zamoliti kolege zastupnike da se izjasne o ovom Zaključku.

Zaključak glasi: Neophodno je uraditi izmjene i dopune finansijskog plana izdataka JU Službe za zapošljavanje Kantona Sarajevo za 2015, tj Rebalans u periodu do 60 dana tako da bi se i ovaj plan mogao usaglasiti sa politikama koje je premijer naložio u svom Ekspozeu. Zahvaljujem.

**Poslanik/zastupnik Sabina Ćudić:**

Hvala. Čini se da na osnovu ovih zaključaka koji se okolo dijele uključujući i posljednji prijedlog zaključka da se pokušava svaki problem koji detektujemo u prijedlozima današnjih dokumenata riješiti rebalansom. Vraćam se na moj komentar i analizu koja se tiče ilegalno zaposlenih u domenu obrazovanja, što se odnosi i na ove ideje rebalansa. Kolegica iz DF-a je upravo izlistala detektovanih niz problema u ovom finansijskom izvještaju. Znači koji će se sada usvojiti, jer su oni upravo izjavili da će podržati ovo ali zahtijevati rebalans. Rebalans neće riješiti apsolutno niti jedan od ovih detektovanih problema jer se spomenuto vozilo od 50.000 KM neće prodati rebalansom. Novozaposleni i povišice plata će se vratiti na socijalni dijalog koji je danas spominjao gospodin Kozadra odnosno rebalans ne može davati otkaz ljudima koje zaposlimo u ovom periodu ni na koji način zakonski. Bit ćemo predmet ponovo tužbi. Znači usvajamo dokumente i lažno sebi obećavamo da ćemo problem unutar tih dokumenata rješavati rebalansom. Hvala.

**Predsjedavajući:**

Zahvaljujem uvaženoj zastupnici Ćudić. Ukoliko se više niko ne javlja za riječ. Javlja se.

**Poslanik/zastupnik Eldar Čomor:**

Mislim da mi kao zastupnici u Skupština Kantona Sarajevo prije svega moramo biti odgovorni prema svima onima koji su nam dali mandat da ovdje sjedimo i odlučujemo i dižemo ruke za protiv i suzdržan. Razlog zbog kojeg sam se javio dugogodišnji problem prijedloga ovoga Budžeta Zavoda za zapošljavanje odnosno Službe za zapošljavanje i mjera aktivne politike. Pošto ćemo imati ovaj zaključak koji je ponudio kolega Čelik vezano za rebalans Budžeta u roku do 60 dana da li je moguće da do tada i mjere aktivne politike koje svakako opet moraju proći i Vladu i Skupština Kantona Sarajevo otprilike dođu u nekako isto vrijeme jer ako to ne uradimo onda ćemo ponovo imati problem realizacije svega onoga što je zacrtano i ovim Budžetom koji ćemo rebalansirati u ovom roku koji je ovdje ponuđen. Samo da neko iz evo

direktora da odgovori na to pitanje jer mislim da je i jedno i drugo bi otprilike trebalo doći u isto vrijeme kako bi ovaj plan Budžeta ili Budžet bio realizovan a ne da nam se dešava da nešto planiramo u januaru, februaru a tek onda zbog određeni procedura te stvari realizujemo ne znam u mjesecu oktobru i novembru. Onda praktično nemamo nikakve koristi jer oni koje se to tiče neće imati nikakve koristi od takvih mjera politike.

### **Predsjedavajući:**

Hvala uvaženom zastupniku Čomoru. Zaključujem raspravu i dajem direktoru Zavoda Igoru Kamočaju da odgovori na pitanja.

### **Direktor Službe za zapošljavanje Igor Kamočaj:**

Radno predsjedništvo zahvaljujem. Uvažene zastupnice, zastupnici, premijeru i članovi Vlade, dragi gosti i građani i građanke našega grada. Želim da vas pozdravim osobno u svoje ime i ispred uposlenika Službe za zapošljavanje Kantona Sarajevo. Dakle detektovani problemi bar na poziciji koji sam ja posljednji neke dvije godine u samoj službi je bilo hokejaških izmjena upravljačko rukovodećoj strukturi od strane politike su vjerovatno utjecale da nemamo javni kontinuitet u radu jedne ustanove a bez kontinuiteta nema ni uspjeha. Samo primjer iz 2014 godine a to sam za istom ovom govornicom tada govorio odnosno u Skupštini Grada Sarajeva što ste vi upravo ukazali da kada sve dokumente usvojite Finansijski plan, evo nema programa rada, pa program rada pa tek onda ide nakon ihahaj dana pa program aktivnih politika zapošljavanja pa uz brojen komisije na koje smo ukazivali i rekli fino u 13 zaključaka izvještaja koji je usvojen 2014 od strane, 2013 procedura tek tada se raspisuju javni pozivi i sredstva koja su osigurana u Budžetu se plasiraju prema poslodavcima ili nezaposlenim. Primjer iz 2014 prvi ugovor sa poslodavcem smo potpisali tek u septembru. Fizikalnu godinu smo počeli nakon rebalansa. Treća godina nakon rebalansa ulazimo i drago mi je što danas postoji energija i motivacija naših predstavnika i novih članova Vlade da se ove stvari konačno mijenjaju. Mi smo to sve fino i upakovali i prosljedili i drago mi je što smo na komisijama radnim tijelima ponovo detektovali odnosno apdejtovali ova naša pitanja. U suštini blizu 80% našeg Budžeta servisiramo materijalno socijalno nezaposlene. Naziv Služba za zapošljavanje ne samo zbog zakona kantonalnog koji postoji, dakle postoji Federalni Zakon o posredovanju u zapošljavanju i prije svega karitativna ustanova koja pruža osnovne usluge nezaposlenim osobama. Tek nešto malo, pa manje nekada i od 1% procenta ostane za aktivne politike zapošljavanja i o čemu je ministrica naša uvažena rekla da detektovan problem akumulacije sredstava koji se prebacuje se zbog procedura. Vi tokom jedne godine u drugom, trećem ili posljednjem kvartalu kaparišete obaveze u skladu sa javnim pozivom, zakonom prenosite ih u drugu godinu i to se multiplicira. I normalno tome treba stati ukraj sa izmjenama. Mi smo glasni zagovornici ispred službe da se Zakon o posredovanju u zapošljavanju kantonalni čak u dobrom dijelu mijenja, da se način vođenja nezaposlenih osoba mijenja u skladu sa ILO međunarodnim standardima. Da se novčana naknada koja se izdvaja po osnovu nezaposlenosti mijenja u skladu sa važećim propisima koji su bliski nama iz regiona i zato ove nove praske inovacije koje smo uveli posljednjih godinu dana uz trud i podršku prije svega ministarstva su dali određene rezultate. A tek smo u pionirskim koracima. Danas je na evidenciji 71.700 nezaposlenih osoba. Kada bi primijenili nove standarde i prakse taj bi se broj promijenio i vi ste dobro rekli da je detektovan problem rada danas na crno. Neformalno ne postoji uveden u sistem pa onda to kružno neformalno neuvodenje u sistem svih naših obrtnika ili neobrtnika proizvodi u tome da imamo deficit. Kada se servisiraju zakonske obaveze novčane naknade, zdravstveno osiguranje, dokupi staža, obaveze prema PIO/MIO, obaveze koje imamo po postupku stečaja, prestrukturiranja, likvidacije, tek onda služba uz normalno politiku Vlade može usvajati aktivne politike zapošljavanja. U prošloj godini je napravljena određena revolucija bez obzira na ove procedure koje su postojale zato što smo u dva navrata uštedama vlastitim ne ulaganjem u samu infrastrukturu firme i podrškama Federalnog zavoda za zapošljavanje uspjeli u program uključiti

nešto više od 3000 nezaposlenih. Ali na broj ukupni koji ima dakle to nije ohrabrujuće međutim pokazalo se da se može. I svakako je vrijeme za rebalans unutar službe jer mi puna tri mjeseca radimo po privremenoj odluci o finansiranju uz prijedlog od ovih 60 dana taman je tih nekih kako se kaže pola godine zrelo da se rebalansira, da se prave uštede u dijelu za koji cijenite da trebaju i da se odvoje veća sredstvava za aktivne politike zapošljavanja. Moram reći da u posljednje dvije godine, odgovorno govorim sa pozicije direktora, na broj sistematizovanih radnih mjesta nije bilo povećanje čak nikada to nismo ni popunili do kraja niti ima potrebe za tim. Neko je spomenuo da postoje određena povećanja za izdatke plaće i naknade ali o tom po tom imate sve obrazloženo u finansijskom planu. Ovim privodim dakle kraju. Zahvaljujemo spremni smo za jedan konstruktivni dijalog i raspravu odnosno da vam ponudimo naše inicijative za unapređenje rada unutar Službe za zapošljavanje kompletnog sektora iz iskustva posljednje neke dvije godine. Jer usvojio sam jedan termin zove se totalna koordinacija. Bez totalne koordinacije svih aktera i Vlade i ministarstva, jednog, drugog, obrazovanja našeg resornog, lokalnih zajednica koje imaju najstabilniji prihod i službe kao servisa teško možemo u kratkom periodu raditi na smanjenju stope nezaposlenosti. Hvala za podršku i bit ćemo spremni za svaku inicijativu da je kanališemo na način kako se politički ovdje Vlada odredi. Hvala.

#### **Predsjedavajući.**

Zahvaljujem uvaženom direktoru Igoru Kamočaju. Prije nego što stavimo na glasanje ovu tačku dao bih još jednom riječ premijeru Konakoviću.

#### **Premijer Elmedin Konaković:**

Ja ne smatram da je sporno iako jeste indikativno to što rebalansiramo procese. Dakle ja mislim da to baš ima opravdanje u činjenici da mi nismo imali dovoljno vremena kao Vlada a ne želimo da cijelu godinu dana upravljamo procesom koji je neko donio. I mi smo u sinhronizaciji, koordinaciji s politikama dakle vrlo raspoloženi da taj dio posla radimo. Formalno je lakše kada imamo podršku Skupštine i lakše nam je kada vi to inicirate i u tome nas podržite. Ni po čemu se ni direktor ovog Zavoda ni drugih zavoda ne razlikuje od direktora ovog malo nervoznijeg koji otišao. Dakle mi ćemo vrlo ozbiljno pregledati i ove informacije koje govore eventualno o povećanju plata o rashodima na stavkama koje trenutno nisu prikladne. Vjerovatno su u nekim drugim vremenima normalne ali u vremenu ovakve godine u Kanton Sarajevo kupovina automobila je odluka koja mora proći pet nekih faza odluka više nego što je do sada bio slučaj. Tako da ćemo mi sada, sreća pa su svi ovi zavodi u različitim ministarstvima po ministarstvima resorno svakako raditi a ima i ova argumentacija da je nakon šest mjeseci već određeni proces ima jasne naznake za i protiv pa bi se trebao rebalansirati svakako. Nas taj zaključak nimalo ne zabrinjava. Ohrabruje nas na ovom konceptu koji smo mi sebi postavili i isto tako ćemo detaljno iščitati i ovaj prijedlog plana Zavoda i predložiti određene korekcije kako bi smo opet na osnovu naših politika obezbijedili sredstva za stimulaciju zapošljavanja. Da vam ne ponavljam onog dijela dokvalifikacije onog sektora koji imaju potencijal da se zaposle. To u ovom dokumentu nema kao ni u Budžetu i ja mislim da to nije tako strašno. Hvala.

#### **Predsjedavajući:**

Zahvaljujem premijeru Konakoviću.

**MOLIM POSLANIKE DA PRISTUPE IZJAŠNJAVANJU O PRIJEDLOGU ODLUKE O DAVANJU SAGLASNOSTI NA FINANSIJSKI PLAN PRIHODA I IZDATAKA JU „SLUŽBA ZA ZAPOŠLJAVANJE KANTONA SARAJEVO“ - SARAJEVO ZA 2015. GODINU**

ZA JE GLASALO 24 POSLANIKA, SUZDRŽANO niko I PROTIV 3.



**KONSTATUJEM DA JE SKUPŠTINA DONIJELA ODLUKU O DAVANJU SAGLASNOSTI NA FINANSIJSKI PLAN PRIHODA I IZDATAKA JU „SLUŽBA ZA ZAPOSŁJAVANJE KANTONA SARAJEVO“ - SARAJEVO ZA 2015. GODINU.**

**Imamo još zaključak. Molim poslanike da se izjasne o Zaključku Kluba SDA koji glasi:**  
*Neophodno je uraditi izmjene i dopune Finansijskog plana i izdataka JU Službe za zapošljavanje Kantona Sarajevo za 2015 godinu (Rebalans) u periodu do 60 dana.*

ZA JE GLASALO 27 POSLANIKA, SUZDRŽANO niko I PROTIV niko.

**KONSTATUJEM DA JE SKUPŠTINA USVOJILA ZAKLJUČAK KAKO JE PREDLOŽEN.**

Obzirom da smo iscrpili sve tačke Dnevnog reda prije nego odjavim sjednicu iskoristit ću priliku da u ime rukovodstva Skupštine Kantona Sarajevo i u svoje lično ime pripadnicima katoličke i pravoslavne vjeroispovijesti čestitam predstojeće praznike Uskrs i Vaskrs sa željom da ih provedu u zdravlju, sreći i blagostanju sa svojim najmilijim.

Obzirom da smo iscrpili sve tačke Dnevnog reda današnje sjednice zaključujem rad na 3. Hitnoj sjednici i zahvaljujem se poslasticima.

Sjednica zaključena u 18,05 sati.